



13.073

39.183

L E S

SEPT DIALOGVES DE

PICTORIVS, TRAICTANS LA
*maniere de contregarder la santé par le moyen
 des six choses, que les Mediciens appellent, non-
 naturelles: Ausquels est adiouté vn autre vtile,
 que delectable Dialogue de Plutarque, intitulé
 De l'industrie des Animaux tant de l'eau, que
 de la terre. Le tout fait François par Arnault
 Pasquet de la Rocheffoucault.*



Α ΠΑΝΤΑΧΟΥ ΔΕΙΙ ΘΕΟΥ.



A PARIS,
 Pour Gilles Gourbin, à l'enseigne de l'Espérance,
 pres le college de Cambray.

1557

3918



THE
OFFICE OF THE
SOLICITOR GENERAL
WASHINGTON, D. C.
JAN 10 1900
RECEIVED
DEPT. OF JUSTICE
JAN 10 1900



A
JAN 10 1900
RECEIVED
DEPT. OF JUSTICE
JAN 10 1900
JAN 10 1900

A MONSIEUR
FRANÇOIS, CONTE DE LA
Rocheffoucault, Arnault Pasquet,
le moindre de ses seruiteurs, sou-
haitte humble salut.



HEMISTOCLES
disoit communement, que les vi-
ctories & triumphes de Mil-
tiades l'empechoient de dormir.

Et de fait l'experience iournelle
nous montre assez, combien le dire de Ciceron
est veritable en tous estats, à sçauoir, que tous
sont incitez par la gloire & louenge à entre-
prendre les choses, & à les diligemment para-
cheuer. Toutesfois (monseigneur) ie laisse la
cognoissance de mon entreprise à celui, qui
(comme chante Dauid) sonde les cœurs des hom-
mes, le tout puissant Dieu. Car oultre ce que tou-
te gloire luy appartient, & luy est donnée de
ma part, aussi n'ay-ie esperé à l'entreprise des
presens dialogues acquerir tant soit peu d'hon-
neur, veu le bas stile, duquel ma petite & abie-
tée erudition m'a contrainct yser en la version
d'iceux, ioinct qu'il est aussi tres difficile, tant
pour la matiere, qui y est traittée, que pour la

nature de tous dialogues (qui contiennent plusieurs interrogations & responses) de parler tât eloquemment, que vostre grandeur merite bien. Qui donc (dirà quelqu'un) i' a eue d'attenter la medecine, pour en faire version, veu le peu de temps, que tu l'as hantée? C'est certes l'ardant & insatiable desir (monseigneur) que i'ay tousiours eu de vous faire humble seruice, depuis que ie vous ay entendu estre mon treshumain & debonnaire Conte. Car me voyant (graces à dieu) & recognoissant tresbien de trop infime & basse condition pour pouuoir mettre ce mien desir à execution, i'ay pensé ne le vous pouuoir mieux, ny plus clairement manifester, qu'en vous offrant don propre à l'estat, auquel ce bon Dieu m'a appelle depuis vn an & demy en ça, & par sa diuine faueur iusques à present entretenu, par le moyen de mon pere, vn de voz humbles subiets. C'est vous (dy-ie) qui seul m'auex fait prendre la plume, pour vous donner la maniere de pouuoir vn long temps contregarder en bonne & heureuse disposition cete vostre santé tant desirée de tous vous subiets, pour recompense de tant de graces & biens, qu'ils ont receuz de tous temps tant de vous & voz nobles freres, que de tous voz renommez maieurs & ancestres. Parquoy continuant tou-

iours vostre vertueuse façon de faire, vous cō-
passerez, s'il vous plaist, le petit present, non
pas à sa grandeur & dignité, qui est peu de cas,
mais au vouloir seulement, qui le vous presen-
te. Et par ainsi me contraindrez de non seule-
ment prendre peine pour vous presenter vne au-
tre fois chose de plus grande valuë, mais aussi de
prier dieu de tout mon cœur & entiere affe-
ction, qu'il luy plaise par sa sainte misericorde,
vous donner augmentation de ses graces, par
son saint esprit, & apres cent ans, par le meri-
te de son fils bien aymé Iesuchrist, nostre sei-
gneur, cette felicité tant désirée de tous fideles,
que iamais œil n'a veüe, iamais aureille n'a
ouye, ny cœur (tant soit saint) comprise.

ARNAVLT PASQUET
à la ville de la Rochefoucault.

Rochefoucault, ville trop plus qu'heureuse,
D'estre à seigneur tant noble & renommé,
Rochefoucault, de tout bien plantureuse,
Si dieu te gard celui, qu'il t'a donné
Pour ton seigneur: ayes doncques enuye
(Affin que sois plus long temps en bon heur)

De le prier, qu'heureuse & longue vie
Donner luy plaise, & chasser tout malheur.
Lors te pourras bien sans doute asseurer,
Qu'en ta priere exaucée seras,
Voyant ton Conte en tout heur prosperer,
Pauvre d'ennuy, enrichy de soulas.

R E S P O N S E D E L A
Rocheffoucault.

Dieu te doint donc, nostre bõ Conte et maitre,
Pour le guerdon des biens que nous as faits,
Cent ans, ou plus, dessus cette terre estre
Autant heureux, comme orendroit tu es.
Dieu doint aussi, qu'en tes tant nobles freres
Luisse à tousiours ce thresor de grand pris,
Qui tient en soy toutes les vertuz belles,
Faisant florir leurs tant nobles esprits.
Dieu doint en fin à tous trois cette grace,
Qu'apres auoir tant long temps bien vescu,
Avec les siens il vous face au ciel place,
Pour illec voir le comble de vertu.

4

L'ARGUMENT DV

premier Dialogue.

Il est premieremēt traicté, que l'esprit enrichist veritablement l'homme, & non pas les thresors: qu'on trouue ordinairement pauureté chez les gens de bien, & pour autant qu'on la doit souhaitter: que les richesses sont le plus souuent occasion de mal faire: finalement que santé surpasse & doit estre preferée à tout autre bien & richesse.

THEOPHRASTE, POLYLOGE.

THEOPHRASTE.



A conte moy, ie te prie, amy Polyloge, que signifie cette tiennne Saturnique & tant palle couleur? P O L. Cōment? te semble-ie tant palle? si pèse-ie estre maintenāt (selon mon iugemēt) plus alegre et en meilleur poinēt, qu'onques ne fust Ganimedes. T H. Tu as donc esté en pire estat cy deuāt. P O L. Ce-ay-mon voyrement, amy Theophraste: ie t'asseure en verité, que voy-ci le neuf ou dixiesme mois,

que tu m'eusses toujours prins pour vn homme sortant de la cauerne de Throphon. **T H E O P.** Et qui te tourmente ainsi le corps? **P O L.** Mais l'esprit, plus tost, qui se porte sans comparaison plus mal, que le corps. **T H E.** Dieu immortel! as-tu l'esprit tourmētē? et si t'eusse- ie pourtant prins pour vn des plus constans, qui viue, soit ou en heur, ou en aduersité. Garde toy, ie te prie, Polyloge: car les passions de l'esprit font veritablement, que les hommes se trouuent ou bien ou mal, parce qu'elles dependent de forte & trop aspre imagination: cōme on peut aisement voir en gens gras & delicats, qui se portent alors tresbien, qu'ils estiment peu les accidens qui suruiennent: & aux maigres & defaits, qui languissent en viuant, pour aymer sollicitude, & se plaire en fascherie & angoisse. Mais pour dieu, di-moy, qui te poinct, amy Polyloge. **P O L.** I'ay honte, Theophraste. **T H.** Si est-ce pourtant, qu'on doit craindre cōscience, de rien craindre, ou d'auoir honte à l'endroit d'un amy, qui n'est ny fardé, ny masqué. Dy, ie te prie, dy hardiment. **P O L.** Pour tout vray i'ay honte de le dire. **T H E.** Tu es certes importun: ie rassure, que ie suis icy pour t'aider, & porter en toutes choses faueur, esquelles ie cognoistray, que tu pourras auoir affaire de moy, & de

ma petite puissance. Dy moy donc, frere & amy, que tu as sur le cœur. P O L. Combien que le commun prouerbe tienne, que taciturnité est fidele compagne du secret, principalement à l'endroit de ceux, auxquels il n'est beaucoup seur de se fier (du nombre desquels ie ne t'estime) toutesfois vaincu par vrgente requeste, ie te descourriray ma playe, iasoit qu'elle soit assez difficile à guarir. Entens donc, que ie me plains de pauureté, qui exerce enuers moy autant, ou plus grande tyrannie & cruauté, que onques Manlius fit enuers son fils. T H E. De pauureté, dea! Certes (sauf correction) tu ne me sembles de gueres mieux aduisé, que celuy qui vouloit conter les vndes de la mer, & ne sçauoit nōbrer plus hault que cinq: entant qu'entre tant de souuerains remedes tu nommes ton mal incurable, encore qu'il soit trespetit. P O L. Comment dis-tu, entre tant de remedes, Theophraste, veu que (comme ie pense) on ne me sçauroit trouuer assez exquise medicine, & la chercbast-on en la corne d'Amalthée? T H E. Te pēdras tu donc, cōme desespéré? Ie te supply pense à toy, estime, que ie te suis vn medicin tres expert, pour, en peu de temps, si tu me veulx croire, donner ample guarison au mal qui te poinct. P O L Y. Ie t'asseure, mon amy, que Galien, s'il

estoit encore viuant, certes nō pas Apollon mes-
me, ny Aesculape, ny Machaon, ne me sçau-
roient, voire tous ensemble, si tost donner guari-
son, que me la peut donner le seul fils de Satur-
ne, Plutus, qui de toute antiquité a eu le renom
d'enrichir les hommes. T H E. Taystoy, Poly-
loge, & change d'aduis: tu cognoistras mainte-
nant de quelle valeur est le remede, que ie t'apre-
ste, moyennant que tu me vueilles entendre.
Pren donc cet eleētuaire, que ie te vois donner,
& ie m'asseure tant en la force & Vertu d'ice-
luy, que l'ayant deuēment prins tu sentiras aussi
tost ton esprit, cy deuant triste & abatu, beau-
coup reiouy & soulagé: Et c'est celuy, que le
prince des philosophes Aristote donnoit, disant
ainsi, qu'on voit seulement pauvreté en la mai-
son des bons & vertueux, & que les seuls
mauuais auoiēt richesses à abandon. Te trouues
tu maintenant mieux, Polyloge? P O L Y. De
rien mieux, amy Theophraste, & ne ay garde
d'adiouster foy au dire d'Aristote, en tāt que son
dire est sans raisō. T H E. Il adiouste la raison,
& dit, que les peruers & malins s'acquierent
des biens & richesses à droit ou à tort, & que
icelles richesses sont tellement auēgles, que ne
cognoissans les bons d'entre les mauuais, elles
prennent le plus souuent les vns pour les autres.

P O L. C'est volontiers la raison, pour laquelle Lucian a fait Plutus aveugle. T H. Ouy: & boiteux aussi, principalement quand il va aux bons. Quoy? ne te trouues-tu de riẽ mieux maintenant, quand tu vois clerement, que c'est le symbole & indice veritable de vertu & bõte, que pauvretẽ? P O L. De bien peu, Theophraste. Car à la verité vn aveugle voirroit, combien il est miserable, & quelle pitié c'est, de n'auoir moyẽ aucun pour estre liberaux & honestes, pour orner & meubler la maison, pour garnir la table de viures, pour subuenir aux necessitez, & entretenir bonne cuisine: ie laisse encore à dire, d'auoir seruiteurs de toutes sortes & façons, qui obeiroient au seul signe de la teste. T H E. En verité, Polyloge, estre priué de tel moyen, que tu viẽs de dire, est le plus seur: car c'est, estre priué de l'occasion de mal faire. Quand on a tãt de biẽs, on en veut encore plus auoir: par ce que la soif d'auoir ne se soule iamais: & pour autãt les vns s'adonnent aux larcins & voleries, à fauces signatures, aux vsures, aux pilleries, à paillardises, à pariuremens, à tromperies, à impostures, & à vn autre infini nõbre de telles pestes & meschancetex. Biẽ souuẽt aussi il vaudroit mieux auoir plus petit nõbre de seruiteurs, que tu ne dis, voire & se seruir soy mesme: car

DIALOGVE PREMIER

le plus souuent on pense auoir des seruiteurs, & on á au contraire des traistres ennemis: comme tesmoigne Platon, quand il dit, qu'on ne scauroit qu'à grand peine trouuer vn seruiteur de loyal & fidele cœur enuers son maistre: suyuant (comme ie croy) le cōmun prouerbe, Qui craint, il hait. Homere tant renommé poëte, est-il moins exalté, pour n'auoir eu en toute sa vie qu'vn seruiteur? Platon á il perdu quelque poinct de la diuinité, qu'vn chacun luy donne, pour n'en auoir eu que trois? La renommée de ce grand philosophe Zenon est elle amoindrie de quelque chose, pour n'en auoir iamais eu vn seul? comme dit Seneque. Entens, Polyloge: l'electuaire, que ie t'ay doné, ne t'a pas beaucoup profité. Je te vois appliquer vn emplastre au cabinet de ton iugement & raison, composé par vn disciple d'Epicure. Si tu vis (disoit-il) selon nature, tu ne seras iamais indigent: que si tu ensuys ton opinion, & te gouvernes par le commandement d'icelle, tu ne seras iamais riche ny content. Démonstrât par lá, que nature se contente de peu, & que l'opinion humaine souhaite toujours, & iamais ne se contente. Et à la verité il est ainsi, veu que les desirs de nature ont certaines bornes & limites, mais ceux de l'opinion des hommes, n'en ont point de certaines, de façon qu'ils

qu'ils croissent & s'augmentent de iour en iour,
& avecques le temps. Que respons-tu à celà,
Polyloge? POL. Tout ce, que tu dis, est Vray:
Toutesfois les hōmes souhaitent des biens à soy-
son, par ce qu'il leur semble estre vtile d'en auoir,
suyuant ce que dit Ciceron cōtre Verres, exaltāt
par louenge les richesses, & disant ce, qui s'en-
suit. Il n'y a chose tant sainte, ny chasteau
tant bien & exquisement muni, qu'on ne puisse
en fin l'abbatre, perdre, & ruiner par argent
& richesse. Veulx-tu m'estranger de la na-
ture d'iceux? Veulx-tu, & pourrois-tu bien
penser, que ma condition est batue de mesme
marteau, que celle de tous les hommes? TH.
Non pas, mais ie desirerois bien que tu misses
& gettasses hors de ton cerueau & de ton es-
prit telle folle fantasie, & que tu t'asseurasses
du contraire, qu'il n'y a que le seul esprit, qui en-
richisse l'homme, & non pas l'argent, ny les ri-
ches auoirs, qui n'appartiennēt en rien à l'esprit,
organe de la vraye felicité et bon heur. C'est peu
de cas de s'eiouir, cōbien on a d'or au coffre, com-
bien de blé au grenier, combien on gagnera par
la trafique de la mer: si on s'eiouist seulemēt de ce
qu'on pourra aquesier, & nō pas de ce qui est des-
ia acquesté, i'estime moins que rien les richesses
d'un homme qui a le bien de plusieurs, lequel

DIALOGVE PREMIER

fortune à esleué en haute dignité, & enrichi de plusieurs dons, lequelelle à ceint & entourné de perles & autres pierreries, vestu d'escarlata & de pourpre, & tāt remply de biens, qu'il face paué de marbre, qu'il se bastisse statues de brōze ou autre & sēblable matiere, qu'il se face paindre des tableaux les plus excellēs qui furent onques, s'il souhaite neantmoins touiours choses plus grādes, & plus excellētes, que celles qu'il à, & si à la maniere d'vn cheual escumant il s'efforce de tout son pouuoir à deuancer en bien & richesses son cōpagnon. Celuy pour tout vray est assez riche, qui s'accommode avecques pauureté, & qui possede celles richesses, que le philosophe appelle vrayes, & à bon droiēt ainsi nommées: or est-il, qu'il estime seulement celles estre veritablement richesses, qui peuuent suffire pour la necessité de la vie, & qui peuuent subuenir aux vtilitez de la maison. Crates, Zenon, Democrite, & Cleante, tresexcellens philosophes, se sont contentez d'icelles. Aussi à fait Fabrice, qui prenoit ses repas en vaisselle de terre: Soran, qui mangeoit sur l'herbe: Attilie & Cincinat, & Curie, qui viuoit de raves rosties. Ressemblans en cela à ce bon empereur Iulian, qui s'estimoit tresheureux, nō point pour ce qu'il auoit sous sa charge plusieurs compagnies de gens

de gens d'armes, ny pour les tresors, qu'il possedoit, ny finalement pour la multitude de parës, qu'il auoit tres nobles & à foison, mais pour cette seule cause, qu'il auoit son esprit en repos & tranquillité, & prest à supporter l'un & l'autre visage de fortune. Veu doncques que (graces à dieu) tu n'as indigence de chose aucune, qui te peut estre necessaire pour ta vie & pour ton vsage domestique, propose toy pour exemple les susdits philosophes & Empereurs, & vse modestement en paix de ce peu, que dieu t'a donné, reiectât toute autre couuoitise & souhait, comme chose pernicieuse à la vie humaine plus tost qu'vtile ou profitable: Entens-tu bien ce que ie dy? P O L. Tres bien. T H E. Et ton mal ne se alege-il point? P O L. De rien: car lon dit cōmunement, & le commun bruit tient, que l'homme vertueux prend naissance de la bource. T H. Le cōmun bruit, amy Polyloge, est ordinairement faux & mēteur. Ie te voudrois volōtiers prier, que tu estimasses, homme viuāt ne pouuoir estre genereux ny noble, que par la vertu seule, ny meriter le nō d'heureux, que par le moyen d'icelle. Et combien que les biens & l'argent en anoblissent aucuns, toutesfois tu les cognoistras par ce moyen n'estre point veritablement tels, quand ils sont ordinairement beaucoup plus in-

solens, seueres, & rudes enuers leurs pauvres subiets, que ceux, en qui domine ou vne magnanimité & grandeur d'esprit, ou vne constance, ou vne douceur & humanité, ou quelque autre vertu: ou bien que ceux, desquels l'esprit sent la vertu de ses ancestres & predecesseurs, & qui soustenu d'icelle, reluit heureusement entre les hommes, comme vn flambeau ardent. Il faudra (à ce que ie vois) raser iusques au vif cette tiennie playe: car ce n'est mal qui s'en voise par linimens doucereux. Et pour ceste cause i'ay apprins de Seneque vne suffisante purgatiō, pour euacuër entieremēt le résidu de ta maladie: cōbiē q'ie n'estime acte d'un bō et expert medicin de tāt chāger de remedes: car tout ainsi qu'un ieune arbrisseau ne peut, qu'à grād peine, prēdre racine en terre, s'il est remuē et arrachē tātost d'un lieu, tātost d'un autre, et replaté encore en vn diuers: semblablement vne playe est tresdifficile à fermer & reduire en cicatrice, quand pour la guairir on a maintenant mis d'une sorte d'unguent, & d'icy à peu encore d'un autre. Entens donc que dit ce bon Seneque. C'est certes grand cas (dit-il) de n'estre corrompu en aucune façon par la societé des richesses, & aussi de garder son esprit ferme, constant, & stable, quand il suruiēt affluence de biens & thresors. Que respon-tu à cela?

celà ? mais ie te prie entens encore cecy, qui te servira d'un cautere, comme disent les medecins. Ne sçais-tu pas que Philostrate dit? Les richesses ne sont pas si aisées à traicter & gouverner, comme on pense: pourautant qu'elles sont nombrées entre les plus difficiles & ardues choses, qu'on puisse trouver. Que dis-tu à present?

P O L. Rien, Theophraste: car s'il aduient, que les pauvres soient cōtraints de servir aux riches, Voila ma playe reuerdie & renouvellee. T. H.

Note donc encore, s'il te plaist: car ie te promets bien (s'il est aucunement possible) de ne te laisser en tel erreur. Oy donc, & pense en toy mesme,

si ce n'est pas tres-grande folie, de souhaitter ardemēt ce, qui se peut terminer en mauuaise fin:

Et si ce ne sont pas les richesses, qui ont resisté de tous tēps, & resistent encor tous les iours de toute leur force & puissance à ceux, qui veulent

entreprendre & parfaire quelque bōne & vertueuse chose, qui sont de gens graues estimées le licol des esprits, & entendemens humains,

mortel fardeau de la desirable liberte, & (assin que ie ne t'ennuye) la maitresse ville & principal reffuge de tous vices? Car quand elles ne peunēt

donner vertu aucune à celuy qui les possede, elles luy ostent ce qu'il pouuoit auoir parauant de vertueux: comme on peut aisement voir par là,

DIALOGVE PREMIER

qu'alors qu'il s'efforce de son pouuoir leur assister, il consomme tout en ambition, en banquets, & toute lasciuete: & comme ayant autant faute & besoing de ce qu'il a, que de ce qu'il n'a point, il se plaint plus que tout autre, d'indigence & pauureté. Amède de toy donc, & te persuade, que tu n'as pas deliberé d'estre egal en richesses à Cresus: pense, que tu es entré nu au monde, & que tu en sortiras nu: contéplé de rechef, que les oyseaux viuent, & n'ont faute de rien: considere, que les bestes des troupeaux viuēt de iour à autre, que les bestes brutes, quoy qu'elles habitent en lieux solitaires, trouuēt bien de quoy se repaistre: Considere en apres, que tous les biens de la terre, les richesses des hōmes, le gros auoir des seigneurs ne sont point à eux, ils sont venus des predecesseurs, & demeurerōt à ceux, qui succederōt: bref, que nous n'auōs chose quelconque en ce monde, que nous puissions veritablement dire nostre, excepté le temps, que nous viuons, qui est merueilleusement court & tres bref, si nous regardons, que nous le consumons avec pleurs, cris, gemissemens, & avec vn millio d'aduersitez nouvelles. Celuy n'est, pour tout vray, point pauvre, amy Polyloge, qui se contente de ce qu'il a, mais bien ceux, qui ne se peuuent accommoder avec pauureté, ny aucunement ac-

corder

corder avec elle. Donne moy la main, que ie iuge par ton poux, de ce qui en est. ha dea, tō mal (graces à Dieu) s'alege fort. POL. Ouy, mais avec vn pas de tortue: car ce carme d'Euripide me rafraichist la memoire, qui estoit par ton beau dire à demy endormie.

Le don apaise & les Roys & les dieux.

THEO. Certes cette horrible cupidité d'auoir à pris vne merueilleuse racine en toy: toutes-fois ie m'en vois t'appliquer le remede d'vn tres excellent Philosophe, qui dit, que la plus courte & expediente voye, pour paruenir aux richesses, est, n'adiouter rien aux richesses, & rongner les ailes aux vaines cupiditez. Et en vn autre lieu: Fermer & refrener nostre desir (dit-il) est, batailler de l'empire avec Iupiter. POL. Tout ce, que tu dis, est vray & excellent: mais neant-moins si voudroys-ie auoir mes necessitez, & ce qui pourroit estre vtile pour mon commun vsage. THE. Ie t'ay deia dit, que tu l'as aussi: mais tu estimes & crois, que tout ce, que le vulgaire appetite & desire, est vtile pour le commun vsage: ce qui est elegamment descrit par Senecque, quand il cōfesse, n'estre que deux sortes de posseder richesses: la premiere, auoir ce, qui est necessaire: & la seconde, ce qui suffist. Toutes-fois ie serois d'aduis, d'adiouter encore ces trois

DIALOGUE PREMIER

sortes aux deux premieres , auoir abondance de biens , en auoir beaucoup, & en auoir par trop. Là ou tu noteras , que la premiere sorte contient volupté , la seconde est superflue, la troisieme damnable et digne d'estre reiectée, la quatrieme est à fuir, la cinquieme est perdition. P O L. O l'extreme ioye , Theophraste ! ie crois certes, que c'est la main de Dieu, qui m'a tiré du labirint ou i estois, cõme par vn mesme fil qu'en sortit iadis Thesée, pour me guider et cõduire à port tres salubre , & heureux. Car i'estime maintenant moins les richesses de la terre, que la seule vmbre de la fumée, & prens ce peu, que i'ay, en patience, cõbien que ie sois tres malourny de choses, que plusieurs ont de surcrest. T H E. A la bonne heure, Polyloge mon amy: car il est notoire, voyre aux auengles, que celuy est suffisamment riche & opulent, qui est en santé, & heureuse prosperité: Cõme il appert clairement par Pythagore, qui, estimant plus la santé de l'homme que tous les biens qu'il scauroit aquerir, commandoit, qu'au cõmencement de toutes epistres & missiues on souhaitast bon heur & santé à celuy, auquel on escriroit, puis qu'on cõmençast son narre comme on voudroit. On le voit aussi à l'oeil par l'exemple de ce bon capitaine, qui apres la mort d'Alexandre voulant sacrifier à

ses

ses dieux, leur demandoit humblement, non point augmentation du Royaume, ny victoire excellente de ses ennemis, ny honneur, ny or, ny pierres precieuses, ou autres choses semblables, qui affament & alterent plus tost les hommes, qu'elles ne les contentent: mais la seule prosperité & santé de luy & de ses gens: comme enseignant, que, ce point seul se portant bien, tout le reste ne se sçauroit mal porter. Et à bon droit, certes: car si fortune s'estoit delectée à orner vn homme de tous points, luy donnant des biens à foyson & abondance, toutesfois si la santé n'y est adioutée, il ne sçauroit recueillir fruiçt de tous ses thresors, qui le puisse reiouyr en aucune façon. POLY. Tu me retires d'une voye merueilleusement tortue, Theophraste: & pour-
autant l'aissant la dispute entreprise, ie te pry (s'il te plaist) que d'orenauant nous diuisions de la santé seulemēt: car i'açoit que la miēne ne soit des plus heureuses qu'on voye, si desire rois-ie pourtant bien contregarder de tout mon pouuoir celle, qui est de present en moy. T. H. E. Nous en parlerons, si tu veulx. POLY. Ie t'en supply bien fort: & en premier lieu ie te pry me dire que c'est, que santé; car ie sçay bien, que tu le me peux aisement dire. T. H. E. O. Ie le te diray voyrement de bon coeur, dieu aidant. Mais pour

DIALOGVE PREMIER

cause que i'ay certain vrgēt affaire à la maison, reuiens moy voir demain à huiēt heures du matin, si tu as le loisir. Ce pendāt ie louē le tout puissant, que, d'aussi pauvre qu'Irus, tu es deuenu autant, ou plus riche, que Cresus. Adieu.

L'ARGVMENT DV suyuant dialogue.

Que c'est, que santé : & s'il n'ya point quelque moyen pour la contregarder : combien il y a de choses non naturelles : qui elles sont : comme elles sont incuitables : que c'est, qu'engendre yurongnerie, abstinence, orsueté, & labour : comme volupté fait degenerer les hommes : les meurs des yurongnes. Puis s'e sult vn long propos de la premiere chose non naturelle, qui est l'ar : des dangers des villes : que c'est, que les bonnes gens des chamis barbouillent de la peste : de l'infection de l'ar.

THEOPHRASTE.



D'Ou viens-tu si hastiuement,
Polyloge? P O L. De l'estude
d'un tien & mien amy, Theo-
phraſte. T H E. Daquel? P O L.
Chriſtophle Lindie, hōme ve-
ritablement docte & tres verſé. T H E. Il eſt,
à la verité, admirable. P O L. Si eſt certes: ie t'aſ-
ſeure, qu'on le prédroit pour vne Muſe Attique.
T H. Commēt celà? P O L. Parce qu'on iugeroit
ſon eloquence eſtre vn mignard amiellément
de Venus, tant il ſçait bien & attirer & re-
tenir vn chacun. T H E. C'eſt par auenture la
cauſe, qu'eſtant retenu par ſon bien dire, tu as
oublyé l'heure aſſignée. P O L. Comment, Theo-
phraſte? ne viens-ie pas à temps? T H E. Si fais
biē, mais tu auois promis à huit heures, & il en
eſt pres de dix. à mon quadran. P O L Y.
C'eſt donc aſſez toſt, moyennant que ce ſoit à
la bonne heure: il reſte de commencer noſtre
entreprife. T H E. Qui eſt elle? P O L. De trai-
cter de la ſanté: & pour ce ie voudrois bien,
ſ'il te plaiſoit, ſçauoir premierement que c'eſt
que ce mot, ſanté: afin qu'entēdās bien le nom,
nous puiſſions plus aiſemēt paruenir à l'intelligē-
ce et vraye cognoiſſance de la choſe, cōme dit le

Philosophe. **T H E.** J'ay bien en main plusieurs bons auteurs, qui te pourroient donner la definition vraye de ce mot : mais entre plusieurs ie te proposeray Galien, cōme plus excellent, & plus braue champion, que tous les autres medecins de son tēps, & du nostre. **P O L.** J'en suis content, Theophrasie : car aussi l'estime- ie plus que tout autre. **T H E.** Entens donc qu'il dit, au premier liure de contregarder la santé. Santé (dit-il) est vne constitution du corps, durant laquelle nous ne sentons, ou souffrons douleur aucune, ny sommes empeschez de noz actiōs. Que dis-tu à cela? n'ētens-tu pas, qu'il veut dire? **P O L.** Si fay bien: Et si le corps deffaut quelque peu de telle cōstitution, seroit-ce incōtinent maladie? **T H.** Non pas pourtant, Polyloge: car si la blessure et empeschement de l'actiō n'est euidēte, Galien n'appelle point cela maladie. **P O L Y.** Pourquoi? **T H E.** Parce qu'à grand peine trouuera lon homme tant parfait en nature, qui ne deffaille en quelque chose, & à qui (comme on dit communement) quelque fer ne branle. **P O L Y.** Certes la condition de l'homme est, à ce conte, miserable. **T H E.** Miserable est-elle à la verité, & plus que miserable : en sorte qu'à plus iuste raison on nommeroit nature sa rude maratre, que non pas douce & amiable mere. **P O L Y.**

Y a-il

Y a-il quelque methode descrite, pour cõtregarder la sant  ? T H E. Ouy, & principalement selon l'ordre des choses, que les m  dicins appellent, non naturelles. P O L. Qui sont ces choses, Theophraste? T H E. Qui elles sont! l'air en premier lieu, le boire & le manger, le mouuement & repos, le sommeil & la veill  e, la repletion & inanition, & les accidens. Si elles sont deument administr  es, elles contregardent l'h  me en bonne sant  ; que si du contraire elles sont autrement gouuern  es qu'il n'appartient, elles le destruisent, ruinent, & tuent. Car elles sont inuitables, & perdent leur temperature par plusieurs & diuers moyens. P O L. Celuy, qui vse donques, comme il apartient, de ces choses, est-il pas exempt de la nacelle de Char  , & du dard de la mort? T H E. Nenny pas pourtant: car en tant que l'homme est construit de matiere corruptible,

La mort prend tous   galement,

N'ayant   gard aucunement.

P O L. C'est doncques peu de chose du fruit, qui vient de la legitime & bonne administration de ces choses. T H E. Mais tres grande.

P O L. Et comment? si elles n'exemptent l'homme de la mort? T H E. Parce que la mort, qui nous prendroit deuant heure,   st par l   prolong-

gée. Comme tu pourras (s'il te plaist) voir, si tu consideres qu'un homme vit sans comparaison, & plus long tēps & beaucoup plus à son aise, i'entēs sans maladie ou autre peruerse aduersité, viuant en un air clair, serain, pur, & vuyde de toute infection & puantise, que non pas en air nebuleux, trouble, & farcy de toute mauuaise & insupportable odeur: oultre plus si tu regardes, que celuy sans mesure vit plus assuré de sa prosperité, qui, ayant egard aux viandes qui luy sont offertes pour en viure à sa discretiō, s'abstient des dommageables & nuisibles, & se nourrist de celles, qui sont les plus salubres & secourables. Pour autant que les viandes, que les medecins nomment, de bon suc, retiennēt le corps en bonne temperature, & saine constitutiō: et celles, qui participēt, ou ont aquis quelque estrange et mauuaise qualité, disposent le corps, et le preparēt à vne putrefactiō d'humeurs, qui est la source et fōtaine de toute sorte de fieures. Si tu cōsideres aussi, q' la chaleur naturelle (qui est le cōmēcemēt de vie à un chacun) est suffoquée, pour trop farcir le vētre, & pour trop dormir, mesprisant le bō et naturel regime, pour se gouverner en l'un & en l'autre comme il appartient: en oultre, si, n'estimant rien, ou bien peu, le iuste ordre de repos, on passe le tēps à s'escailer la ieu-

la ieunesse (comme on dit) en vn bon liēt, & à
viure iournellement en toute oysiuētē & deli-
ces. Finalement si tu imagines, que le plus de-
licat & meilleur humeur du corps, qu'on appelle
sustantific, est consommé quelque fois, quand
aueuglé d'auarice, ou par trop grande religion
& saintētē, on iune par trop: ou que, par le
trop grand amour d'exercice, on trauaille plus
qu'on ne deuroit. Conçois-tu bien ce que ie dy,
Polyloge, c'est à sçauoir, que ce n'est pas peu de
cas de cōtemner & mespriser l'ordre des choses?
P O L. Ie t'entens assez, Theophraste, mais fay
moy certain d'vn poinēt. Qui est-ce, qui prescrit
& ordonne l'art & le regime de viure aux be-
sties, qui viuēt ordinairement plus que nul des hō-
mes? T H E. Qui? Polyloge: Nature la doctē &
biē experte maitresses les cōmādemēs et limites
de laquelle elles ne trāsgressent. & oultrepassēt
que biē peu. P O L. Et nous, ne nous gouvernōs
nous pas par celle mesme maitresse? T H E. Biē
rarement: car cette tant biē receuē volupté à telle-
ment effacé les hōmes du papier de nature, & les
à fait en telle sorte de suoyer du droit & seur che-
min, qu'ils ne me semblent maintenāt rien moins
faire, que actes d'hommes. Tu en verroys d'au-
cuns gourmans & prodigues se veaultrer, &
baigner (par maniere de dire) tellement au vin
& à la tauerne, qu'on en diroit d'aucuns ou liōs

furibons, ou chiens enragez, ou singes cōtrefaits,
 ou asnes desbatez: tellemēt ils frappent & mor-
 dent les passans, abayent & incitēt vn chacun,
 & quelque fois, toute raison mise arriere &
 perdue, se gettent de franc vouloir du haut
 en bas de quelque roche ou fenestre. Il y
 en a d'autres, qui (comme s'ils estoient ou
 encheinez, ou enforcelez) suyuent tellement
 l'enseigne de Venus, qu'ils n'ont point de honte
 de deuenir porceaux (à leurs yeux voyans)
 de manger, ou boire, pour le moins, les pets,
 & vesses de leurs amoureuses, baiser le nez
 galleux de leurs dames, filer, couldre, estre frap-
 pé du soulier ou pantoufle, brief, sentir & le-
 cher, comme chiens, le cul de ces bourgeois.
 Tu en verrois d'autres tellement desbördez en
 habits, qu'ils semblent totalement estre degene-
 rez en bestes sauvages: qui portent habits de
 tel artifice decoupez, & bigarrez de tant &
 si diuerses couleurs, que tu les prendrois en plein
 midy plus tost pour parroquets ou geais de mon-
 tagne, que pour hommes. Il s'en trouue encore
 d'autre façon, qui sont en telle maniere adon-
 nez à la chasse, qu'ils sont demy-satyres &
 presque Faunes cornux, par ce qu'ils passent
 & iours & nuicts, par bois & campagnes, du
 deir qu'ils ont de trouuer gibbier. Que s'il aduiēt,
 que les

que les chiens rencōtrent & prennent quelque chose, ils ont ceste prinse en si grandes delices, qu'encore que le plus souuent elle sente sa venaison, c'est à dire, qu'elle soit à demy pourrie, ils la mangent d'aussi grand appetit, & y trouuent tout autant de goust, que si elle sentoit le baume, ou le thix. Et par ainsi t'ebays-tu, s'ils degenerent en cerfs, lieures, sangliers, cheureulles, daims, & autres bestes sauvages? Que dis-tu à celà, Polyloge? diras-tu que nature regist & gouverne les hommes? ou s'ils ont besoing, pour garder leur santé, de quelque art & regime de viure? P O L. Mon Dieu, Theophraste, que ce, que tu dis, m'est agreable! il y en auroit certes vne Iliade, qui vouldroit faire vn catalogue de tout. Or pour autant que ie ne t'ay point veu fascher ny ennuyer à me respondre, aussi ne cesseray- ie point encore, s'il te plaist, de t'interroger. Ie te demande donques: Qui est la premiere & principale chose de celles, que n'agueres tu nommois non naturelles? T H E O. C'est l'air. P O L. Pourquoi l'air? T H E O. Par ce que nous ne nous pourrions passer vne petite minute d'heure, sans iceluy, pour la necessité, que nous auons de respirer. P O L. Tu conclus donc, que l'air est necessaire à la respiration. T H. Ouy, & pour deux causes. P O L. Qui

sont elles? T H. Premièrement, entant que par l'attraction d'iceluy nous refraichissons & les esprits & la chaleur naturelle, qui est en vn chacun: secondement, pour ce qu'il chasse hors les fumeuses superfluitéz des esprits & du sãg, en le repoussant & respirant. P O L. Ie croy à present, Theophraste, qu'il est tres vtile, voire necessaire, d'auoir par escrit vn certain moyen & regime de santé, puis qu'il est ainsi, selon l'aduis de tous doctes medecins, que l'air penetre iusques au cœur, qui est la principale & plus noble partie, qui soit en l'homme. Desploye donc ce que tu as en ton panier de cet affaire. T H E O. I'entens volontiers tes requestes, Polyloge: & pource preste l'oreille à ce, que ie te veulx dire. Comme ainsi soit doncques, que l'air, qui nous entourne, ait pouuoir de changer nostre naturelle complexion, par tant que sans l'attirer nous ne scaurions viure vn seul moment, celuy, qui sera soigneux & curieux de sa santé, mettra toute peine & diligence pour trouuer vn air temperé de toutes ses qualitez tant actiues que passives, qui soit pur, net, serain, odoriferant, qui (aussi tost que le Soleil aparoist) s'eschauffe, & (aussi tost qu'il se cache) se refroidisse. A cause qu'un tel air ne nourrist point seulement le sang & les esprits

prits, qui l'accompagnent, ny le clarifie point
aussi tant seulement & augmente, mais aussi
reioüyst l'esprit, & haste la digestion en tous
les membres. P O L. Je ne doute point, qu'au-
cuns n'estiment ton dire fables, à sçauoir, que le
sang & les esprits sont nourriz d'air & d'o-
deur: voire & diront celà ne se pouuoir faire,
& estre incredible: neantmoins si me souuient-
il auoir autresfois leu & aprins de Plinc,
que ioignant le fleue de Ganges en Indie y a
des gens, qui viuent seulement de l'air, qu'ils
attirent en sentant aucunes racines odoriferan-
tes, certaines fleurs, & aucunes pomes sauna-
ges. Ce qui semble vray à tous les Pithago-
riens, qui tesmoignent & asseurent, que toutes
bonnes odeurs aydent bien fort au nutriment de
la personne. T H E. Tu prens mal ce point,
Polyloge: l'odeur ne nourrist pas par matiere
aucune qui soit en elle, mais par l'effect. P O L.
Et si l'air excède en quelque qualite, nuit-il?
T H E. Ouy: Car si l'est excessiuement chaud,
il dissout les ioinctures, & les rend plus las-
ches, il altere, il debilite les esprits, il amoindrist
la force, il corrompt la digestion, il domine la
chaleur naturelle, qui est le thresor de nature, il
tourmente le cœur, fondement de tout le corps,
& esment les humeurs cõtre les parties nobles.

DIALOGVE SECOND

Et pour ce est-il contraire à nature. POLY.
 Par ce qu'il y a mesme doctrine des contraires,
 Theophraste, ie pense que l'air froid, en tant
 qu'il cōtrarie au chaud, est nuisible aussi. TH.
 Il l'est à la verité: car il fait, que du cerneau
 descendent des rumes au conduit de la respira-
 tion, au nez, à la poitrine: Et par là s'engendre
 vne debilité de nerfs, Et difficulté d'haleine,
 avec vne grande douleur de costez. POLY. O
 donc heureux, qui vit en air bien temperé! cer-
 tainement i'estime celuy, qui est tel, estre aux
 vrays Isles fortunées, ou la terre produict Et
 rend toutes sortes de fruiçts Et de biens, sans
 la labourer en aucune sorte, Et là ou lon ne
 meurt iamais. TH. Tu dy bien, Polyloge, si
 l'air qui y est deuëment temperé Et profita-
 ble, n'y estoit point aussi corrompu par accident.
 POL. Et par quel accident, ie te prie? car ie pen-
 sois, que, si l'air estoit vne fois temperé en quel-
 que lieu, il demeurast toujours tel, en sorte que
 par accident quelconque il ne se peust changer
 ny corrompre. TH. E. Il en va bien autrement, Po-
 lyloge: car il y a vn infiny nombre de choses,
 qui le peuuent changer, Et priuër de sa premiere
 Et natue temperature. POL. Ie te supply
 donc, puis qu'ainsi est, que tu me faces sçauoir
 qui, Et quelles elles sont. TH. E. Note donc,
 qu'encore

qu'encore qu'il y ait *er* bien temperé aux isles, qu'on nomme *Vrbaines*, toutesfois l'experience nous enseigne & demonstre, qu'il y est à present trop humide, à raison des estangs, & *ma-
rets*, qui en sont prochains: encore deuict-il plus humide, lors qu'on y laisse pourrir & demeurer long temps les *fiant*s & ordures. Croy tu cela? *P O L.* Facilement, car ceux, qui habitent ce lieu, sont ordinairement tormentez de *fieures* & *catarrhes*. Et quant aux autres, qui n'ont point de telles incōmoditez, ains ont leur terre arrou-
sée seulement de petits fleues & ruyssaux, sont-ils subiets à telles calamitez? *T H E.* Tout autant: car s'ils deffailent en cela, ils en endurent par vn autre moyen. *P O L.* Quel? toutesfois s'ils habitent en des maisons esleuées en l'*er*, construites de pierres de taille, soustennues de colonnes de marbre, de porphyre, rōdes, triangulaires, quarrées, ingenieusement peintes & decoupées, ou il y a à chaque coing la tourasse artificiellement posée & assise, ayant d'un costé la canōniere, et de l'autre la fenestre pour regarder les champs, le tout couuert d'ardoise, de plomb, ou autre matiere plus precieuse. *T H E.* C'est peu de cas de considerer telle magnificence, *Po-
lyloge*. Et si avec tant magnifique & admirable edifice, il voyt aussi tost qu'il met sa teste à

DIALOGVE SECOND

la fenestre, vn gros boleuert de fiant, ou les latrines de son voysin, ou les siennes, ou quelque cimetiere, que diras-tu alors? P O L. Cela change-il l'ær aussi? T H E. Bien fort, car le fiant de cheual engendre vn ær par trop chauld: celui des vaches, trop humide: & celuy des porceaux & brebis merueilleusement venimeux & pestifere. Quant aux cimetieres & latrines, vn aueugle peut voir, cōbien de dommage on en reçoit. P O L Y. Si ay-ie toutesfois n'a pas long tēps ouy dire à vn quidam de quelq̃ ville, qu'il ne peut iamais trouuer meilleur remede cōtre la peste, alors qu'elle regnoit en son pays, que de sentir trois fois le iour ou les priuez & latrines, ou quelque estable de brebis. T H E. C'estoit par auenture quelque fol insensé, qui disoit celà, Polyloge. P O L Y. Comment? On l'estime certes vn hōme d'un tres meur & rassis iugemēt. T H E. Tout homme de robbe longue n'est pas docteur, frere et amy. Tōiours corbeau chāte son ramage. Je croirois certes à sō dire tres volōtiers, si lors qu'il se passoit de l'odeur des priuez & latrines, il eut eu pres du nez quelq̃ dragme de musc. Quāt à moy, j'estime biē plus les bonnes odeurs, qui corroborent & reioüissent le corps, que telles & semblables infections, qui le gastent. P O L. Ceux donques, qui se

qui se retirēt apart aux chāps en leurs villages et metaivies, sōt-ils aussi miserables, et ōt-ils aussi infortunée cōditio, q̄ nous, qui ne partōs de la ville? T H. Beaucoup plus miserable, Polyloge, Car ie te prie, qui les esment laisser la ville, pour se retirer aux chāps? n'est-ce point le plus communement enuie, rancune, haine, querelle, particulier profit, inconstance, flaterie, conspīration mesdisance, vaine gloire? Bref, celà ne se fait point, que par l'instinct de quelq̄ furie enragée, qui pousse tellement cette maniere de gens, que, cōme forcenez & hors du sens, ils tachēt, aussi tost qu'ils sont là, à vouloir priver leur voisin, voire leur propre frere de son bien & herita-ge, sinon par guerre denoncée, pour le moins par fraude, finesse, cautelle, deception, & par toutes sortes de mines, & surprinses, qu'ils peuvent in-venter de leur malin et diabolic esprit. Quant est de la ville, celuy le plus souvent, qui se vante et iacte auoir vne legion d'amis, qui luy secourront au besoing, s'il aduiēt, q̄ fortune tourne vi-sage, tel se disoit estre amy, qui se denōcc enemy mortel. Ha, Polyloge, leurs braues maisons, ri-ches boutiq̄s, ny leurs aconstrements diaprez ne leur diminuē en riē leur malin et mauuais cœur. Je t'asseure, q̄ i'aymerois bien mieux estre quelq̄ pauvre villageois, auoir la petite case, qui regar-

DIALOGVE SECOND.

daſt, d'un coſté l'oriēt, & qui eut veü de l'autre vers le ſeptentrion, qui ne fuſt auſſi point ſubiette au mauuais & pernicious ær, qu'engendrēt aucunes mauuiſes herbes & arbres, que non pas auoir en ville des palais royaux, chaſteaux de plaiſance, & autres tels edifices ſumptueux, pour eſtre ſubiet aux incommoditez qui y ſont. POLY L. Je ſuis certes de ton aduiſ, Theophraste : mais dy moy, ſ'il te plaist, qui ſont ces herbes & arbres, que tu dy engendrer mauuais & dangereux ær ? THEOP. Le noyer, le ſuzeau, le figuier, l'hellebore, & la roquette. POL. Pour quoy ſōt-elles mauuiſes ? THEOP. Parce qu'elles ont telle puiſſance de corrompre l'ær, que meſmes l'herbe, vmbagée de leur vmbre, eſt par apres inutile aux troupeaux. POL. Tu dy merueilles: mais que te ſemble des maiſons, qui ſont au ſommet des montagnes ? THEOP. Il y fait tres bon, par ce qu'elles ſont loing de la lie & eſpeſſeur de l'ær: car tout ainſi qu'en l'eau, & autres liqueurs toujours le plus gros deſcend au fond, ainſi eſt-il de l'ær: car tout ce, qui eſt le plus terreſtre, chet en bas. Et par ainſi cetuy ær, qui eſt plus pres de la terre, eſt plus eſpés & nubileux: & au contraire, celui, qui en eſt le plus eſloigné, eſt plus ſerain & plus clair: & par conſequent les maiſons, qui ſont
aux ſom-

aux sommets des montagnes, sont (selon mon iugement) plus salubres & profitables: car elles ont l'ær, que Galien, en son liure premier du regime de la santé, demande, c'est à sçauoir, pur, net, subtil, delicat, & nullement infait par la vapeur des estägs & marefcages. Neantmoins si reste-il à sçauoir, si la terre est bien temperée en soy, en laquelle lesdites maisons sont edifiées.

P O L. Comment ? y a il encor à sçauoir celà ?

T H E. Ouy: car il faut, qu'elle soit sans aucune macule & imperfection.

P O L. Si donques il y a du soulfre, ou de l'arsenic, l'ær en est-il changé ?

T H E. Il en deuient plus chaud & plus sec.

P O L. Et s'il y a de l'antimoine, ou de la marquesite ?

T H E. Il change sa nature en plus froide & plus seiche.

P O L. Il faut considerer beaucoup de choses, à ce que ie peux voir, pour trouuer vn ær bien temperé.

Et de celuy des vallées n'en dy-tu rien ?

T H E O. Les montagnes, qui sont prochaines, causent, que l'ær y est trouble, à cause du soleil, qui n'y peut penetrer.

P O L Y. Tu es donc d'aduis, que la maison, que i'auois faite edifier à grands fraiz en nostre vallée, & là ou ie prenois tout mon plaisir, ne m'est point salubre, & que par consequent ie la dois là quitter cōme inutile: parce qu'en esté elle est excessiuellement chaude,

DIALOGVE SECOND

& par trop froide en hyuer: par ce ausi,
 quelle n'a ny le soleil leuāt, ny le couchant, mais
 au contraire, qu'elle est tout au tour ceinte &
 environnée de montagnes. T H E. Non suis,
 non: mais bien que tu changes l'air par quelque
 artifice selon la saison, comme aux iours canicu-
 liers, il est tres bon de respandre par la cham-
 bre des fueilles de saule, des roses, des fleurs de
 Mars (s'il s'en trouue) des fueilles & sommets
 de vigne, des coings, des poires, des pommes, des
 grenades, du nenuphar, du vin-aigre, de l'eau
 froide, & de l'eau de roses: pour autant que
 telles & semblables choses ont vne merueilleu-
 se vertu de refraichir l'air, qui de sa nature est
 excessiuement chauld, & de clarifier & alai-
 grir les esprits. P O. Et en hyuer qu'es-tu d'adu-
 is qu'on face pour changer le froid, qui domine?
 T H E. Il faut faire des perfuns. P O L. Quels?
 T H E. De cloux de gyrosle, de canelle, d'ambre,
 d'encent, de mastic, de safran, de tim, de mario-
 laine: si on n'ayme mieux prendre chez les apo-
 riques certains trochisques propres pour celà.
 Il est aussi bon, de respandre des herbes, com-
 me mente, lauande, serpolet, rommarin, ba-
 silic, hisope, sariete, & semblables. P O L.
 Tu dy bien, Theophraste: mais ces choses sont
 bien cheres pour ma bource: n'en scauroit-on
trouuer

trouuer à moindre pris. T H E. Si fera de a: il faut faire du feu de bois de geneure, de chesne, de sapin: du feu dis-ie, avecque flamme, & non point fumant: à cause que la fumée nuit par trop à la veuë. P O L. Certes tu as dit de grandes choses de l'ær: Il en reste encore vn point, que tu me souldras, si c'est ton bon plaisir: à (çauoir, si c'est de la qualité de l'ær, que les estrangers suruenans en ce pays, & principalement d'Alemagne, ou que nous, laissans ce pays pour aller au leur, soions incontinent subiets à tomber en maladie. T H E O. Ouy en Verité, Polyloge: car si tout lieu (comme dit le philosophe) de sa propriété contregarde ce qui est contenu de sa natiuité au dit lieu, il s'ensuit, qu'ayant changé de terre & pays, la constitution changera quant & quant: ce qui est aisé à voir, quand tu considereras, que plusieurs herbes & arbres ne peuuent croistre ny prendre aucun aliment, si elles sont hors de leur propre terre, & plantées en vne estrange, & nullement semblable à leur nature. Tu as maintenant cè, que tu demandois. P O L Y. Ouy, graces à Dieu, & à toy: mais affin que ne nous arrestions pour si peu, poursuy la seconde chose non naturelle: car ie sçay bien, que tu y auras matiere assez ample pour en tenir l'og propos, Veu la di-

DIALOGVE TROISIÈME

uersité du boire, & du manger, qu'on tient à present par tout, & principalement à la court. THE. C'est tres bien dit: mais mon ventre demande la nappe mise, & abbaye comme vn pauvre leurier affamé. Parquoy il sera meilleur, que tu reuiennes apres disner, & nous en diuiférons de meilleur courage. POL. I'en suis content. THE. Adieu donc. POL. Adieu.

L'ARGVMENT DV troisième dialogue.

Il est faite mention de la deuxiesme chose nō naturelle: & y en a description tresample, tant par genre, que par especes: quelles sont les meurs & façon de faire des yurongnes: & comme nous abregeons par nostre faute le cours naturel de nostre vie.

POLYLOGE.



Ve dit ce ventre maintenant, Theophraste? THE. Il se porte beaucoup mieux, Dieu mercy, Polyloge, & est apaisé. POL. Me permets-tu, que ie die ce, que i'ay en ma fanta-

ma fantasie? T H E. Et pourquoy non? P O L.
Et que tu ne t'en fascheras point? T H E. Tout
ce que tu voudras, dy hardimēt: car ie ne doute
point que ce ne soit vn brocard: toutesfois ie
sçay bien, que ce n'est tout que pour rire. P O L.
Certainement tu l'as dit. Aussi voulois-ie dire
que tu es vn mauuais chantre, & vn bon cuisi-
nier, à cause de ton ventre, qui a tousiours sa
pensée à la cuisine, & crie neātmoins tousiours
la faim. T H E. Certes ie t'en croy, Polyloge:
car tu nommeras à plus iuste droict vn loup
chantre, que moy: toutesfois si tu voulois dire,
qu'un loup despesche mieux matiere en cas de
mascher, que moy, ie m'y opposerois tres bien,
sçachant mon estomac estre tellement armé de
routes pieces, qu'il defferoit à la colere le plus
dur fer ou acier, qui se trouue. mais tu pēsois par-
auenture, que pour le babil ie ne me souuenois de
la mangeaille. P O L. Pardonne moy, non fai-
sois point: car il est aise à voir, que ce tiē delicat
visage n'a pas aquis son en-bon-point par absti-
nence ou iune. T H E. Si est merueilleusement
à louer abstinence, Polyloge: car par elle la san-
té est bien fort augmentée. P O L. Or donc puis
qu'il vient à propos de santé, poursuy, ie te prie,
de dire, qui est la secōde chose non naturelle, &
desploye ce, que tu auras à en dire. T H E. Qui

DIALOGVE TROISIÈSME

elle est: mon plaisir, c'est à sçavoir, le boire & le manger. P O L. Et y a-il quelque art d'icelle? T H E. Cōment donc? ne dit pas le philosophe, qu'il y a art de tout ce, à l'endroit duquel on peut biē faire, ou faillir? P O. Dy moy dōc, si ie faux, quand, ayant bien faim, je me maitrise en sorte, qu'il faut que mō vêtre artēde, bon gré mal gré, l'heure de mon loysir? T H E. Grādemēt, mon amy: car ne baillant matiere à l'estomac pour s'occuper & sustanter, il attire des prochaines parties vne grāde & dangereuse abondāce d'hu meurs: ce que lon peut voir alors: car incōtinent apres on n'a plus d'apetit, & si on crache à merueilles. P O L. Ie faux donques bien souuent, par ce que ie ne mange gueres, alors que le vouloir m'en vient. Mais amise moy, Theophraste: quād dōc (ainsi q tu as dit) l'apetit se perd par l'attraction des humeurs, que faut-il faire? est-il bon de manger? T H E. Nenny: ains faut attendre son retour. P O L. Et s'il demeure trop long temps à reuenir. T H E. Hume vn peu de Syrop aigre, ou de vin de grenades, qui ont vertu de le faire reuenir. P O L. Lors qu'il est reuenu, se faut-il remplir iusques au gosier cōme les gormands de cet aage. T H E. Rien moins, Polyloge: car si on se remplist de grosses viādes, il s'en ensuyt douleur des ioinctes, difficulté de respiration, obstruction du foye

du foye & de la ratte, & quelque fois frenaisie. Que son se saoule de viâdes delicates & subtiles, la fin en est telle, qu'on se sent tost apres assiege d'une fieure aguë, ou d'une infinité d'apostumes fort difficiles à guarir. P O L. Si donc i ay trop mangé, cōme y remedieray-ie? T H E. En vomissant. P O. Ouy bien, mais tout chacun n'est pas facile à vomir. T H E. Il faut q̃ ceux là s'en voyent tres bien dormir iusques à tant qu'ils se sentent soulagez, ou qu'ils s'exercent mediocrement, ou bien qu'ils se purgent legerement par le bas par quelque doux medicamēt. P O L. En outre, si vn hōme replet & gras vse de mesme viande en son manger, qu'un maigre & sec, s'en trouuera-il mal? T H. Ouy, à la longue: car vn maigre a besoing de viande plus nourrissante, pour augmenter ses esprits, qui sont debiles: & vn gras, de viandes peu nourrissantes, pour l'abondance de pituite & flegme, qui est en luy, & le peu de chaleur. P O L. Mais quel regime de viure es-tu d'aduis que tiennne celuy, qui a forte chaleur, les membres durs & robustes, & fort acoustumez à exercice. T H E. Qu'il vse de viâdes moyennemēt grosses, & en suffisante abondance: ce qui ne cōviendrait pas à vn, qui seroit son contraire. P O L. A cause que ie te voyz volontairement respondre à tout ce, que ie

DIALOGVE TROISIEMME

te demande, n'ayant aucunement egard à mon importunité, ie te demande, y a-il danger d'vser de mesme viande en hyuer, que le froid serre biē fort, & en esté aux iours caniculiers, que tout homme se trouue debilité de la chaleur? T H. Ouy: car en hyuer on a besoing de viādes chaudes de nature, & par effet fort nourrissantes & solides: & en esté, qui soient froides & peu nourrissantes. Neantmoins si est-il tres bon de considerer la complexion des personnes. Leme-lancholic demande aliment fort nutritif, humectant, & qui eschauffe peu: le colere, refraichissant & humectant: le sanguin, de peu de sustāce & refraichissant: le pituiteux & flegmatique, de chaud et subtil. Et apres ce, se faut diligemment donner garde des choses, qui corrompent la digestion. P O L. Et qui sont ces choses? T H E O. Mascher trop lentement, deuorer au dement, vser de diuerses sortes de viandes & breuages, demeurer par trop à prendre sa refection, & mal ordonner ses repas. P O L. Il est donques nuisible de mascher lentement. T H. Bien fort, veu que l'estomac, qu'on dit estre le pere de famille du corps, ny les autres membres aussi, ne peuuent assez deuēment derompre & briser la viande, ains est delaisé ce seul office aux dents. P O. Tu entens donc, si lon ne masche

comme

comme il appartient, que la seconde coëtion s'en ensuyt plus imparfaite. T H E. Voire, veu q̃ biē mascher est le cōmencemēt d'icelle dite coëtion, & par le contraire, s'en ensuyue grand nombre de maladies, comme douleur de teste, mal des yeux, rage des dents, & putrefaëtion d'icelles, epilepsie, ou autrement le haut mal. P O L Y. Mais pour-quoy y nombres-tu la diuersité de mets? T H. Par ce que par icelle la santé est biē fort endommagée. P O L. Par quel moyen? T H. Par celuy, qui s'ensuyt. Entre le premier manger & le dernier (lors qu'il y en a de tant diuerses sortes) y a grand temps, & par ce que premier deuions cuire & digerer deuant qu'en remettre d'autre, il est interrōpu par le suruenāt de sorte qu'il demeure demy-cuict avec le reste, & en telle sorte s'engēdre vne putrefaëtion en la capacité de l'estomac, & ailleurs, qui puis apres est la seule source & origine de mille fieures. P O L. Ie te concede celà, Theophraste: mais comment n'approuues-tu point, demeurer lōg temps à la table pour prendre son repas, veu qu'on dit communement, que par ce moyen on recouure la ieunesse perdue & passée? T H E. La ieunesse! certes c'est bien au cōtraire: car par là on abreuiue plus tost sa vie, qu'on ne la prolonge: comme on le voit facilement en ceux, qui

DIALOGVE TROISIEME

n'ont autre chose à faire tous les iours, que de vi-
 ure à leur aise depuis le matin iusques au soir,
 estans assis en vne chaire cottonnée, le dos au
 feu, & le ventre à la table, avecques vian-
 des les plus exquisés, qu'on trouue, & toutes
 fois ne peuvent paruenir à la moytié de leur
 aage. P O L Y L O G E. Ie i'asseure, Theo-
 phraste, que ce bon dieu à bien fait ce qu'il a
 fait: car si telle maniere de gens viuoient long
 temps, menans telle & tant prodigue vie, les
 bonnes gens, qui viuent de raves & naueaux,
 s'en tiendroyent à mal, & s'en fascheroient,
 comme de chose iniuste. Certes quand i'ay bien
 considéré la vertu de tels personnages passans
 ainsi delicieusement tous les iours, ie ne les
 puis mieux nommer, que vrays & sales por-
 ceaux, ou du nom de la mer, qu'on appelle or-
 dinairement Engueule-tout, & si iamais ne se
 soule: et ont cela en oultre, que pour leur yron-
 gnerie ils ne semblent de rien aux hommes.
 T H E O. Tu cognois merueilleusement bien
 leurs meurs, Polyloge. Ie croy, que tu as quelque
 fois esté de leur escole. P O L Y. Non ay point
 pourtant, mais ie l'apprens assez bien tous les
 iours, à cause d'un mien voisin tauerrier, en la
 maison duquel on en voirroit les vns, après
 qu'ils ont bien trinqué, s'efforcer à qui plus
 mangera

mangera de chair, à la maniere des porceaux: & en telle sorte, que iusque à tant que le ventre soit bien fort estiré & enflé, & que la teste tourne puis çà puis là, passent le iour entier à qui mieux mieux. I'en apperçois d'autres, comme mastins affamez, qui ne craignent aucunement manger pour la quatriesme fois ce qui à desia esté bonilly, rousty, fricassé, par deux ou trois fois, & masché tout autant. Il y en a encore d'autre secte, qui, comme lions rugissans, s'entregroignent & tancent de telle colere, qu'on iugeroit à l'improuen, toutes les furies d'enfer estre là assemblées, & deliberer entre elles de quelque differend & controuersie. D'aucuns y en a brammans de telle sorte, que s'il y auoit vne douzaine d'asnes d'Arcadie, ils ne se feroient si bien ouyr. En apres y en a, qui, d'abondance de vin qu'ils ont en corne, s'endorment de telle façon, que des lions ne dorment point plus fort lors qu'il fait bien froid, estans là couchez & veautreux comme veaux, sans sentir chose de ce monde, & quoy qu'on leur face, qu'on les tourne, qu'on les pince, frappe, fume, tourne par cy, par là, ils ne remuent non plus que morts ou pasmez, se soucians moins que rien de toutes les fortunes, qui se pourroyent presenter & offrir. Encore n'est-ce pas tout: car quelques

fois il y en a, qui, pensans raconter quelque chose de leurs beaux faits d'amours, ou autre chose, rottent, vessent, & rendent telle odeur de leur bouche, qu'il vaudroit mieux beaucoup sentir la plus infecte estable à porceaux, qu'on puisse trouver. THEO. C'est donques grande pitié de vivre à la court, ou il y a grand nombre de tels courtisans. POL. Si est, Theophraste. Mais il ne me semble hors de propos, de t'enquêter d'un point: il me souvient que nagueres tu disois, telle desbordée maniere de gens s'abreuier le cours de leur vie, & toutesfois (si j'ay bone memoire) l'escriture sainte dit (s'il est licite de la mesler avec la prophane & humaine) que la prouidence de Dieu a limité le cours de la vie à chacun. THEO. Il est vray, neantmoins nous la pouuons aussi bien acoursir & abreger, qu'il est aisé d'esteindre vne lampe ardente. N'est-ce pas prophetie, que ce, que dit l'Ecclesiaste? Prends garde que tu ne moures, non point en ton temps. comme s'il vouloit dire, Garde toy que le terme & la borne de viure, qui t'est donnée d'en haut, ne soit acourcie par ta gormandise & mauuais gouuernement: A la façon d'une lampe, qui (cōme Galien dit) ard & esclaire tres bien, lors que son huile & aliment est moderé: que s'il redonde & est en trop grande abondance, elle s'esteint incontinent,

incontinēt, parce qu'elle sent son cōtraire. Ainsi est-il de nostre chaleur naturelle: car tant qu'elle sent l'humeur (duquel elle s'entretient) modéré, elle se recrée & eiouïst merueilleusement, & si il aduiēt que l'humeur s'augmēte par trop, tout aussi tost la chaleur s'esteint et meurt. Ce qui aduiēt alors qu'on boit & mange par trop & excessiuemēt, comme l'a tres biē dit Pline escriuant ce qui s'ensuyt, que lors la vie finist, que volupté commence. P O L. En Verité tu dy de grādes choses, Theophraste, mais venons au point. Il me semble, qu'entre les choses, qui corrompent la digestion, tu nombrois le mauuais ordre des repas. enseigne moy donc, ie te pry., pour la bien parfaire, quel ordre il sera bon de tenir. T H E O. Escoute: la plus grāde part des doctes mediciens tient pour tout vray, qu'il faut, pour biē faire, manger choses liquides & de facile digestion au premier mets & entrée de table, de peur que si on faisoit le contraire, c'est à dire, qu'on mangeast en premier lieu quelques grosses & solides viandes, les conduits s'estoupassent, & par ce moyen s'engēdraſt corruption dangereuse. P O L Y L O G E. Commandes-tu donc, qu'on mange touiours en premier lieu choses liquides & subtiles? T H E O P H R A S. Non pas: car si quelqu'un a de coustume de

manger moderement choses grosses & de dure substance, & prendre à grand foison les viandes subtiles. Il seroit beaucoup meilleur, de manger premierement les viandes grosses & dures, affin qu'estans en petite quantité elles ayent autāt de tēps à se cuire, que les subtiles & delicates, qui sont en grande abondance.

POLYLO. Suffit-il de celā pour cet affaire? THEOP. Non point encore: car quoy

que ce soit que lon mange, premierement il faut diligemment prendre garde, que ce ne soit quelque viande visqueuse & gluante, de peur qu'en sortant du ventricule & estomac, bien tost apres qu'on la mangée, elle n'attire par mesme moyen, à raison de sa visquosité, les autres viandes, qui ne sont encore qu'à demy cuites. Il se faut aussi garder de manger, à l'entrée de table, tous fruits, qui ont vertu de reſtraindre, comme coings, poires, amandes, chastaignes, à cause, que par iceux s'engēdre opiliatiō aux conduits, & les autres viandes sont empeschées de sortir de l'estomac: si ce n'est à ceux, qui sont assez laches & esmeux: pourautant qu'à tels les fruits dessusdits sont fort conuenables: & à la fin du repas, ceux, qui sont de leur nature lubriques, comme sont prunes, cerises, & pesches.

POL. Je pourray donques bien vſer de fruits,
 moyennant

moyennât les cōditions, que tu as nōmées. T H. On y dea: retenant toutesfois toujours celà, qu'en vser en grāde quātité est dāgereux, pour ce qu'ils engendrent vn sang fort fluide & preparé à putrefaēction, principalement à l'endroit de ceux, qui ont l'estomac par trop chauld, soit ou de sa nature, ou par grand & vehement exercice, ou par quelque bain chauld, ou par quelque mal chauld. P O L Y. Et si quelqu'vn, ne se souciant point de ton dire; en auoit farcy son ventre, & mangé grande quantité, & que par ce moyen il fust en danger de maladie, quelle aide luy pourroit-on bailler? T H E O P H R A S. Quelque ius laxatif, ou du vin doux, ou bien d'vne confaēction d'eau & de miel, que le vulgaire appelle Melicraton. P O L. Tu dis vrayment de grandes choses, & y procedes par bon ordre: toutesfois quand l'appetit & la faim me presse, i'ay bien peu egard à ce, que tu dis: car ie deuore le premier venu, & fust-ce des faines crues, encore me semble celà sucre, ou confitures tres exquises: de sorte que i'approuue & louē merueilleusement le dit de Socrates, qui soustenoit n'estre meilleure saulce que la faim. T H E O P H R A S. Tu tien donc bien peu de conte de ta santé, en ce faisant: car vne grosse viande est beaucoup plus propre à vn estomac

chauld, & qui est en appetit, à cause que, resistāt par sa grosse substāce à la chaleur naturelle, elle se tient coy en vn lieu, pour se cuire avecques le temps : là ou vne legere & subtile se disperse par tout, aussi tost qu'elle est descendue en la capacité du ventricule, & par ainsi engendre vne repletion, qui est fauce & fardée. P O L Y L O G E. C'est assez de celà, Theophraste: maintenant fay moy sage de ce, que ie te demanderay. A quoy tient celà, que d'aucuns refusent à collationner apres midy, pour estre au souper en meilleur appetit, veu que moy, soit que ie desjune, que ie disne, que ie resine, que ie soupe, que ie collationne, & recollationne tant qu'on voudra, ie n'en pers iamais l'appetit, ains māgerois encore au dernier repas d'aussi bon vouloir, qu'au premier? T H E. Tu as celà d'acoustumance, Polyloge: car des ton enfance tu as appris de manger à toute heure du iour: toutes fois cette coustume chāgera avec l'aage, si le prouerbe ne mēt, qui dit: A diuers aage, diuers regime. P O L. Comment celà? ie supposois desia, que ie serois tel toute ma vie. T H E O. Tu supposois mal: car à grande peine, estant vieil, pourras-tu manger en trois repas ce, qu'à present tu manges aussi bien en vn, qu'homme de ta robbe. P O L Y. Et ie te supply, donne m'en la raison. T H E O.

Pourau-

Pour autant que, si on ne donne à toute heure à vn vieillard de quoy mettre sous la dent, le peu qu'il a de chaleur se debilite incontinent : & si on luy en donne quantité, il s'esteint & meurt tout aussi tost : ce qu'on peut clairement voir en vne lampe, qui est preste de s'esteindre, pour faute d'aliment: car s'on luy dōne modérée quantité d'huile, elle se remet en vigueur: si on en verse par trop, c'est tout incontinent fait, la clarté se perd. POLY. J'ay encore vne grande difficulté à te donner pour dissouldre: J'ay plusieurs fois veu disputer entre les plus sçauant medecins, de ce point: A sçauoir, s'il est meilleur, de plus manger au disner, qu'au soupper, ou du contraire. Dy moy ce que t'en semble, affin que, si ie me trouue au lieu, i'en puisse, comme les autres, dire mon mot de gueule, comme on dit communement. THEO. Si tu m'en crois, tu retiendras, qu'alors que les nuits sont longues, & que le sommeil n'est point empesché ou interrompu d'aucun accident, il est meilleur de prendre le soupper plus ample, que le disner. Et la raison de mon dire est telle: parce que la concoction ne se fait iamais mieux, soit en l'estomac, ou au foye, que durant le dormir: par ce qu'alors les facultes, animale, & naturelle, se fortifient. mais les gens, qui dorment

peu, ou qui sont subiets à rumes, feront le contraire, mangeans le moins au soupper, qu'il leur sera possible, & ce encore long temps deuant le dormir, de peur que nature, qui est empeschée à digerer & vaincre cet humeur superflu, d'ou sortent les rumes; ne soit reuquée de son office, & chargée de rechef par la viande suruenante, comme d'un nouveau fardeau. POLY. Certes ie t'admire, Theophrasie, pource que ie te vois tant aisement & encore plus volontairement rendre responce à toutes mes demandes. Et pource prendray de rechef hardiesse à t'importuner. A cause que le pain est plus aymé & commun, & qu'il y en a de diuerses sortes, lequel est de tous le meilleur & plus salubre? THEO. Isac l'enseigne assez euidentement, Polyloge, quand il dit, qu'entre toutes les sortes de pain, il faut elire celuy, qui est fait de pur froment, comme engendrant tres bon sang, & nourrissant beaucoup: combié qu'il ne le permette à ceux, qui ont le ventre trop dur, & qui sont constipez, s'il n'y a parmy quelque peu de son de seigle meslé: & faut qu'il ne soit point trop cuit, ou brulé par dessus: parce qu'ainsi il engendre un sang melancholic: ny trop mol par dedans, pour n'estre assez cuit, à cause qu'estant tel, il empesche

empesche l'estomac. **POLYLOGE.** Est-ce assez de celà, que le meilleur pain se fait de froment ? **THEOPH.** Nenny: mais faut considerer, si le froment n'est point trop vieil, ou trop nouveau, s'il est bien meur, & s'il a esté gardé en ar clair & libre, comme il faut: si aussi le grain est net, & n'est point entremeslé de poussiere, s'il est poissant, gros, & comme rougeastre: car le pain, qui est fait de tel froment, ne scauroit estre, qu'il ne fust bon, veu qu'il retient la nature du grain, duquel il est fait. **POLYLOGE.** Et s'il y a quelque peu de sel, en vault-il moins ? **THE.** Mais beaucoup plus, principalement s'il y a du leuain assez: par ce qu'ainsi il empesche, qu'il ne se face opilation au foye, ou à la rate, & qu'il ne s'engendre des pierres ou calculs en la vessie & aux roignons, principalement s'il est mangé deuant les autres viandes avec vn peu d'any: car lors il fait en vrinant gecter hors, tout humeur superflu, qui pourroit estre au dedans. Or quant au pain chauld, ie ne suis pas d'aduis, qu'on en vse, si ce n'est, quand quelqu'un se pasme: car on tient, que le pain tendre, pour ce qu'il crisse & petille en le rompant, ayde à la pasmoison.

DIALOGVE TROISIEME

P O L. Et du pain de metal, qu'on appelle, qu'en iuges-tu? T H E. Qu'il est de mauuaise nourriture, & seulement bon pour les crocheteurs & gaigne-deniers, à cause qu'il ressemble à celui d'orge qui est astrictif, & qui engendre abondance de ventositez, comme Isac preunt. Neantmoins de quelque sorte que soit le plain, il est (selon l'aduis des plus experts medecins) beaucoup moins dangereux d'en manger quantité en hyuer, qu'en esté: ioinct aussi que se remplir de pain, est beaucoup plus nuisible, que non pas de vin: iouxte le proverbe, qui dit, que toute repletion est à craindre, & celle de pain sur tout. P O L. Apres le pain s'ensuit la chair: dy donc par mesme moyen, quelle est la meilleure? T H E. Celle de porceau: parce qu'elle est tēperée de chauld, & humide autant qu'il le faut: qui est la raison de Galiē & Auerrois. Mais il ne faut pas que le porceau soit plus aagé d'un an, & si il est necessaire, qu'il ait esté saupoudré de sel, de quelques iours deuant. Encore y a il à considerer, qu'elle n'est pas bonne à tous indifferemēt: car à cause qu'elle demeure trop longue espace de temps au ventricule premier que de se cuire, elle nuyroit à ceux, qui se trouuent mal de leur personne, plus tost, que de leur estre proffi-

proffitable. Parquoy il sera bon, que ceux, qui se sentiront mal disposez, s'en abstienent. Celle des petis cochons de lait n'est pas (selon Galien) si louable, à cause de la trop grande humidité qui y est, qui pourroit rendre celui, qui en vseroit, par trop phlegmatic & pituiteux. Celle de beuf est en ses qualitez froide & seiche, principalemēt de beufs qui sont vieux: difficile à digerer, restreignante le ventre, & tellemēt melancholique, que si aucun faisoit estat d'en manger souuent, il se sentiroit en fin oppressé de toutes sortes de maladies, qui prouiennent d'abondance de sang melancholic: comme de lepre & ladrerie, de tigne, de chancre, de dertes, & semblables: pour crainte desquelles les anciens s'abstenoyent de la chair de beuf. Les Atheniens ont premierement vsé d'iceux au labourage de la terre, neantmoins ils firent crier par edict public, qu'homme ne fust si hardy de tuer beuf ne vache, sur peine de la hart, ou d'exil. Vn chacun louë celle de veau & de cheureau, pour ce qu'elle se digere aisement, & engendre bon sang. Et d'entre les cheureaux, ceux sont les plus à priser, qui sont comme de couleur roussatre, & aprochans du poil gris. On louë aussi les moutons agez d'un an, qui sont

DIALOGVE TROISIEME.

chatreux : comme aussi toutes autres bestes chastrées , selon son espece : combien que cela s'entende seulement des bestes à quatre pieds : car la volaille chastrée est beaucoup meilleure et plus profitable : à cause que (cōme dit Isac) les bestes à quatre pieds sont privées des membres , qui sont le fondement de la chaleur naturelle. P O L. Ne diras-tu riē de la chair de bouc & de chieure ? T H E. Auicenne , tres excellent medicin , escrit , que ny l'vne ny l'autre ne vault rien , pource qu'elles engendrent de fort mauuaises humeurs , & des fieures quartes . Mais les pires & plus à craindre de toutes , sont , celle de renard , celle d'ours , & de chien : parce qu'elles gastent l'estomac , empeschent & l'vrine & les excréments , gardent de dormir , & sont totalement dissemblables de la nature de l'homme. Galien y adioute la chair de lieure , pour autant quelle desseche merueilleusement . P O L Y. Poursuy des bestes sauvages , Theophraste . T. Constantin , tres versé medicin , dit , que toutes en general engendrent vn sang melancholic , si elles ne sont pres de faōner , et qu'alors elles ne sont pas du tout à reiecter . Oultre plus faut noter , que le Cerf est plus de craindre en esté , qu'en hyuer : car (pource qu'il vit de serpens & cou-

leures

leures en esté) on estime que sa chair est venimeuse : Suyuant en celà ce, qu'en escriuent Pline, & d'autres historiens, c'est à sçauoir, qu'il y a entre les serpens & les Cerfs mortelle guerre & inimitié, & qu'en esté les Cerfs avec les nazeaux alenent de telle force dedans les trous & cauernes ou sont cachez les serpens, qu'ils les en tirent, bon gré mal gré qu'ils en ayent, puis ce fait les deuorent & mangent: d'ou vient qu'ils ont apres vne extreme soif, mais ils sont tellement auisez de leur nature, qu'ils se gardent de boire, affin d'auoir plus chauld, & que par ce moyen ils puissent plus aisement digerer le venin. POL. C'est assez des bestes, Theophraste: disons à present de chaque partie d'icelles, affin qu'il ne manque rien en nostre fait. THEO. Retiens donc en la memoire ce, que i'en diray: & premiere-ment parlons du cerueau, lequel on tient entre les mediciens estre ennemy à l'estomac, comme la moëlle des os, & la graisse, qui oste l'appetit, & se pourrist incontinent, principalement, si on la mange à la fin du repas apres les autres viandes: ce qu'à voulu monstrier Galien, disant: Qui voudra vomir, māge de la ceruelle avecques de l'huyle. Or affin que le cerueau mangé ne puisse nuire, ou endommager, on a

acoustumé de le confire & acoustre, com-
 me les yeux, qui, combien que ils soyent de
 difficile digestion, neantmoins à cause qu'ils
 sont gras & visqueux, peuvent nuire & em-
 pecher la digestion des autres viandes. On l'ac-
 coustre donc, & le consist-lon avec du vin-
 aigre, du sel, du poivre, des cloux de grosle, du
 persil, du calament, & avec de la graine de car-
 non du gingembre. Les narines, les aureil-
 les, & le gouzier des bestes sont de difficile di-
 gestion, à cause des cartilages, desquelles telles
 parties sont faites & cōposées: elles engendrent
 peu de suc, & iceluy encore mauvais. Quant au
 cœur, s'il se peut vne fois digerer, il nourrist biē
 fort, & engendre bon sang: mesmement celuy
 du cerf, qui, par quelque vertu occulte & inco-
 gnue, medicine mesme les enuenimez. Le pou-
 mon est par accident froid, & (selon Galie) est
 de facile digestion, toutes fois Rases dit le con-
 traire. Toute sorte de foye engēdre es veines vn
 sang gros & trouble: d'être les bestes à quatre
 pieds, celuy de cheureau, de porceau, et de veau
 sont les meilleurs: d'entre les oiseaux & volail-
 le, celuy des gelines, et des canes, principalemēt
 quand elles sont grasses. Il reste l'estomac, les
 intestins, la peau, les nerfs, la rate, & la matri-
 ce, q̄ nous lairrōs pour les bouviers, laboureurs,

Et vignerös, qui ont, par l'exercice qu'ils font,
Et le labour qu'ils prennent, l'estomac d'autru-
che pour digerer du fer. Touchant la langue,
ell'est bonne Et pour les sains, Et pour les ma-
lades : mais la queue est venimeuse. POLY.
Je ne me soucie pas beaucoup de ces petites Et
particulieres choses, mais que i'aye toujours
quelque bon chapon à mon commandement : car
de tout tēps i'ay esté sobre en telle sorte, que ie me
suis toujours mieux aymé passer de ces petites
bestes, qui ne coustent que vingt Et trente sols,
que d'employer quinze ou vingt liures en ces
grosses. THE. I'entens bien ton dire, Poly-
loge : mais ie n'y prens pas grand egard. Tu
as certes plus tost esté vn friant, aymant mieux
d'vn chapon, que d'vn beuf, Et d'vne ienne ge-
line commençant à pondre, que d'vn porceau,
suyuant en celà les escoliers d'Epicure. Cōme
s'on ne sçauoit pas bien, qu'vn ieune chapon Et
vne geline sont temperez en toutes leurs quali-
tez. Neantmoins si tu auois leu ce qu'en a escrit
Rases, ie ne sçay, si tu serois tant amoureux de
telles petites bestes, que tu dis. Les Gelines (dit-
il) si on continuë long temps d'en manger, en-
gendrent des vers : Et les Cailles, pour ce qu'elles
se nourrissent d'hellebore, engèdrent conuulsion,
Et vne contraction de nerfs par tous les mem-

DIALOGVE TROISIÈSME

bres du corps. P O L. Et des coqs & pigeons, qu'en dit-il? T H. Les coqs vieux ne sont aucunement profitables aux sains, & moins encore aux malades: car ils sont ia secs cōme boys, & n'ōt quasi poit d'humeur en eux, ains par quelq̃ necessité, qu'ils ont, sont preparez à soudaine putrefaction. Toutesfois le iust, qui en est espreint, est tres vtile pour les malades, à cause qu'il lache doucement le ventre, & sustante le corps. Tu noteras presque le semblable des pigeons: car ils sont de tres difficile digestion, à cause de la grandissime chaleur, qui est en eux, & extreme siccité. Combien que Rases die d'auantage, c'est à sçauoir, que vn, nommé Cassifa, mourut soudainement, pour en auoir mangé trois fois en vn mesme iour. Les autres conseillent, de peur qu'ils ne soiēt nuisibles au corps qui les reçoit, qu'ils doiuent estre bouilliz avec des laiētues. Quant aux petits & ieunes pigeons, il leur faut premierement oster la teste, affin que le sang s'escoule, puis estans deuïement cuits, en vser, & ainsi ils ne seront pas seulement bons pour la nourriture, à cause qu'ils sont de bon suc & de bonne digestion, mais proffitables à ceux, qui ont douleur de reims: comme dit le mesme Rases. P O L. Lairras tu les oyes? T H E. Les oyes ont la chair trop dure, Polylogé:

loge : qui est la cause , que les Iuifs sont de dur cerueau , par ce qu'ils en vsent ordinairement. Les Canes, les Grues, les Païs, les Cygnes, & les Cigongnes ne valent pas mieux. Iagoit qu'Hali, en son liure cinquiesme, enseigne, qu'afin que la chair de tant dures bestes s'attendrisse, il est expedient, & faut, apres qu'elles sont tuées, les pendre par le col trois iours entiers, vne pierre assez poissante pendue au pied. Les phaisans, & les perdrix, engendrent vn sang tres louable, sont de facile digestion, commodes à toutes complexions d'hommes, exceptez les escoliers, & les prestres simples, qui n'ont point grand reuenu : car s'ils en vsoient souuent & en quantité, les pauvres bources en deniendroient plattes. P O L Y. On dit d'auantage , que les plus petits oyseaux, qui viuent par les brandes & char-dons, ne sont pas du tout mauuais. T H E O. Aussi ne sont-ils, & principalement les merles, les grines, les alouettes, & les bisays. Mais les estourneaux & les passes ne sont pas si louables, tât pour ce que leur chair est dure et difficile à digerer, que aussi pour autant qu'elles ne plaisent point au ventricule ou estomac, & qu'elles gastent le sang. P O L. Gastent, ou ne le gastet point: c'est le moindre de mes soucis, mais

DIALOGVE TROISIEME

que i'aye de bon poisson. Je t'asseureray bien d'un point, Theophraste mon amy, que i'ayme de ma nature tellemēt tout poisson, q' i' en lairrois la meilleure venaison qu'on trouue, de façon que ie ne puis penser mon pere auoir esté d'autre estat, que pescheur, ou chasse-marée. Et combien que ie sçache qu'ils sont tant humides, & qu'ils engendrent abondance de pituite en tous hommes, qui en vsent volontiers: point: cela ne m'en peut destourner. T H E. Ainsi, tu n'y mets point difference. P O L. Point, point: les premiers trouuez sont les premiers prins: & trouue aussi grand appetit aux vns, comme aux autres. T H E O. Si faut-il croire, que ceux, qui sont plus vistes & nagent le plus viuement, sont les moins nuisans: ceux aussi, qui ne sentent point mauuaise & facheuse odeur, qui n'ont point la chair dure, qui n'habitent point ces lacs & estangs boueux, ou riuieres herbageuses, mais au contraire qui nagent & s'esgayent es eaux courantes, claires, profondes, sablonneuses, descendantes vers le Septentrion, pourueu qu'iceux poissons soient bien & suffisamment couuerts d'escailles. P O L. Ceux de mon pays se soucient bien peu de ces conditions, qui viuent d'anguilles ordinairement. T H E. Si sont-elles bien fort d'agereuses, à cause qu'elles frayent & ha-

& habitent tout ne plus ne moins entre elles,
 que font les serpens, d'où vient que le plus sou-
 uent elles sont venimeuses. Toutesfois on les
 pourra corriger, si, après les auoir tuées, on leur
 coupe la teste & la queuë. Que ne seruent-ils
 sur les Brochets & truictes, plus tost, qui sont
 tres louables? P O L. Ils craignent certes
 plus d'offenser madame leur bouche, qui y prend
 apetit, que non pas leur santé: en sorte que le
 plus souuent ils laissent & mesprisent les peti-
 tes loches & tenches, pour se saouler de mulets,
 de moruës, & autres tels marescageux poissös.
 T H E. Ouy, ouy: mais ils y meslent quelques o-
 deurs. P O L. Cöment celä? mesle-lon des odeurs
 avecques les poissons? T H E. Ouy, ouy, Polylo-
 ge, & y sont bien fort vtils, pour corriger leur
 trop grande & excessiue humidité: comme du
 safran, du clou de gyrosfle, de la canelle, du gin-
 gembre, & si quelqu'un veut y adiouter de l'a-
 loë, il n'y sera que bon. P O L. Si on auoit ainsi
 acoutré, que tu dy, quelque bon saumon, seroit-
 il mauuais? T H E. Nenny, mais on fait plus
 en cetuy cy: car il le faut bouillir avecques force
 percil, à cause que par sa durté il est de tres dif-
 ficile cöcoction, & de mauuais suc, & princi-
 palement sil est salé: comme aussi est la carpe.
 P O L. Aucuns ayment les escreuisses, & ne

se soucient point des autres poissons. T H E.
 Je m'esbays de la nature des hommes, qui ont
 en ce tēps tant peu d'egard au plus riche thresor
 qu'ils ayēt, ny qui soit en la terre, qui est leur san-
 té, qu'ils n'ont entierement autre egard, qu'à cō-
 plaire à leur langue. Hali escrit, que les escre-
 uisses sont mauuaises à digerer, & mesme le
 philosophe les nomme, Mange-tout, pour ce
 qu'elles se nourrissent de bouë, de sable, d'herbe
 limonneuse, voire de fiente, s'il s'en trouue ou
 rencontre quelques fois. Neantmoins Rase as-
 seure, que les escreuisses, & le iust, qui s'en
 espreint, sont moult vtils à gens secs & eti-
 ques, & qui sont refroidiz de Venus. P O L.
 J'ayme sur tout les œufs des poissons, Theo-
 phraсте: me sont-ils contraires? T H E O. Bien
 fort: car ils ne sont pas seulement de mauuais
 suc, mais aussi empeschent & nuyssent bien fort
 à l'estomac. Si tu aymes tant les œufs, choisy
 moy de ceux de geline, bien frays, petits, &
 longuets: par ce que de tels se font les masles,
 quoy qu'en dye Aristote: puis les fays vn peu
 bouillir qu'ils ne soient durs, & t'en sers en tel-
 le façon: car tels œufs sont de tres bon suc, &
 merueilleusement nourrissans, & si ils aug-
 mentent le sperme, principalement s'ils sont
 cuits es cendres: car ainsi l'humidité, qui y est
 super-

superflue, s'exhale. POLY. Mon ordinaire est, de les fricasser, Theophraste: sont-ils pas bons? THEOPHR. Ceux là sont les pires de tous: car ils engendrent (selon l'advis de tous medecins) la colere, qui puis apres est cause d'un grand nombre de diverses & dangereuses maladies. POLYLOGE. Tu t'appuyes du tout sur le dire des medecins: mais quant à moy, ie ne me romps gueres la teste à les ouyr raisonner: pource que le plus souvent ie les voy variablez entr'eux mesmes, & leur dire. Et de fait, n'a pas long temps que i'estois en quelque compagnie aux champs, ou il y auoit un medecin assez famé. Comme il m'eut veu manger du laiët avec du pain, pour me rafraichir, il m'escria soudain, Donne toy garde, mō amy, que, pensant boire du laiët pour complaire à ton vouloir, tu ne boyues vne douleur de teste, vne passion de ventre, & que tu ne prepares tes dents à se pourrir deuant long temps. Moy incontinent prenant son dire comme d'un Apollon, ou Sybille, ie laisse là soudainement mon laiët, quoy que i'eusse grande enuie d'en venir à bout. Mon gentil medecin le saisist aussi tost, & sans difficulté ny crainte, vous vrayde l'escuelle, qui en estoit (peu s'en faillloit) pleine. Qui fut estonné, ce fut

DIALOGVE TROISIESME

moy : & i'euſſe tresbien voulu ne l'auoir point
 creu, pour le gentil conſeil qu'il m'auoit donné.
 Qui fut cauſe, qu'il me ſouuint incontinent de
 ce bon gautier Philoxene, qui ſe mouchoit dans
 le plat, ou il voyoit eſtre quelque bonne &
 friande vaine, afin d'honneſtement en farcir
 ſa pance apres tout ſeul. Si ne me peux-ie taire à
 la colere, que ne luy diſſe, He dea, Mōſieur, cō-
 ment me cōſeillez vous vn dāger, auquel vous
 meſmes de voſtre gré vous laiſſez cheoir ? Si
 vous me deſſendez le laiēt, pourquoy vous ha-
 zardez vous d'en boire ? d'ou vient telle & ſi
 feruente amytie, que vous m'aymiez plus, que
 vous meſmes ? Entens, entens, mon amy (me
 va-il dire) il n'y a pire poiſon à l'eſtomac rem-
 ply d'humeur coleric & pituiteux, que le laiēt.
 & au contraire il ſert d'un ſouuerain nutri-
 ment à cil, qui eſt net, & qui n'eſt aucunement
 cacochime. Contente toy donc, que tu te fuſſes
 fait grand tort, ſi tu euſſes beu le laiēt. Quant
 à moy, i'en ſçay bien le contraire: car ie me puis
 vanter d'auoir l'eſtomac autant bon, qu'homme
 d'icy à dix lieues. Voy-là le payement que i'en
 euz, & par là ie cognoz, qu'il y a du fard
 en eux. T H E O. Il ne ſ'enſuit pas, Polylo-
 ge: car encore qu'il ne te viſt qu'exterieurement,
 neantmoins ils ſont ſi ruſez en cet affaire,
 qu'ils

qu'ils peuvent voir, ayans vne fois contemplé la seule face, le dedans du corps, quoy qu'empesche la robbe. Mais ce n'est pas tout: Ne vous disoit-il pas, lequel laiët estoit le meilleur? P O L. Si faisoit: car il disoit, que, pour cognoistre vn bon & louable laiët, il faut premierement regarder, qu'il soit bien blanc, de bõne & agreable odeur, tenu d'vne tẽperée liqueur, & tellement doucereux, qu'il s'en puisse tirer de trois sortes: la premiere, grosse & espesse, qui est celle partie, de quoy on fait les frommages, qui est de nature froide: la seconde, grasse, de laquelle on fait le beurre, chaulde en sa qualité: la troisiẽme, claire & lucide, comme eau, qu'on appelle le megue, & ceste cy est tresfroide, & souverain remede pour la iau-nisse. Il disoit oultre-plus, que le laiët de chie-ure est vtile aux hommes, & à ceux mesme-ment, qui ont flux de ventre, à cause qu'il estreint & reserre, pour la matiere d'ou il est fait: car les chieures viuent des reiettons & fuelles d'arbres. Il disoit aussi, que celui des vaches n'estoit pas pire: mais qu'en general, il failloit notamment se garder de boire du vin apres le laiët, pour autant qu'il fait tourner le laiët en l'estomac, en petites masses, & en estoupant les conduits estrangloit quelques fois.

Il ne disoit pas grand cas de celuy des femmes,
 & des asnes : pource qu'on n'en vse, que peu,
 ou point : neantmoins si les auoit-il tous deux
 (à ce qu'il disoit) en grande estime. THEO.
 Et si quelqu'un auoit beu du vin sus du laiët, et
 que par ce moyen il y eut danger, ne donnoit-il
 point de remede pour y secourir ? POLYLO.
 Ouy : & disoit, qu'il faillloit faire seicher &
 mettre en pouldre bien menuë des fueilles de ca-
 larnët, pour les boire avecques quelque liqueur,
 ou humer le iust d'iceluy, quand il est verd.
 THEOPHRAS. Il disoit tres bien, Poly-
 loge, mais tu n'y adioutois pas foy, par ce qu'il
 t'auoit trompé. POL. Pas beaucoup : combien
 qu'il s'efforceast par tous moyës de prouuer qu'il
 l'auoit fait pour mō proffit : car il me vint ame-
 ner vn des aphorismes d'Hippocrates, ou il est
 dit. Quiconque se sent auoit la teste debile, les
 veines du foye estroictes, l'estomac cacochime,
 & remply de mauuaises humeurs, les intestins
 subiets à la colique, & à fieure : si iceluy (dy-ie)
 māge du lait, il nuyt à sa santé. Si celà est vray,
 ie n'en sçay rien : mais pour le moins il tachoit
 m'appaiser par tels moyens. THEOPHR.
 Il est ainsi, pour tout vray : toutesfois ceux,
 qui ont de quoy, le corrigent avecques du miel
 & du sucre. POLYLOGE. Or d'au-
 tant que

tant que le frommage est fils legitime du laiët, ie te pry, par mesme propos dys-en quelque mot. Les vns en disent cecy, les autres celà, & ne se peuuent accorder. THEOPH. Ce n'est pas sans cause, Polyloge: car à la verité il y a plusieurs differences de frommage. Il y en a d'une sorte, qui est salé & rassis, que Isac conseille fuyr, & ne retenir point au rang des bons: par ce que premierement, il est de mauuaise digestion, & de gros suc: secondement, d'autant que c'est vne source de colere: qu'il engendre la grauelle aux rognôs, & le calcule en la vessie. En apres il y en a de frais & mol, qui est semblablement salé, qu'on n'approuue point, pour ce qu'il engendre des humeurs totalement contraires au ventricule & aux intestins. D'auantage on en recite d'une autre façon, qui est frais, mais salé tellement quellement: & iceluy on dit estre agreable à l'estomac, mais de bien petite nourriture. Oultre plus, il y en a d'une autre sorte, approchant du laiët, qui n'est aucunement salé: celuy cy est preferé aux autres, entant qu'il lasche le ventre, & qu'il nourrist & proffite à l'estomac pour mieux digerer les autres viandes premises: à telle condition toutesfois, qu'on en vse moderement, & qu'on le mange

comme il faut. POLY. Tu retien donc le fromage au rang des choses, qui contregardent la santé. THEO. Ouy, mais non pas indifferement: car il est plus librement permis aux gens maigres, qu'aux gras & replets. Mais escoute, pour faire plus court, que le fromage dit de soy mesme.

Le fromage parle.

L'ignare medicin m'a use bien reiecter:

Et si, pourquoy le fait, ne peut ores monstrier.

Mais le docte, pourrât qu'il me sçait agreable

Au debil estomac, me retient pour louable.

Ie suis au ventre lache vtile auant disner,

Et du contraire au dur vtile apres soupper.

I'ayde aussi de beaucoup la viande à digerer,

La faisant au plus bas du ventre deualler.

Et pour dire en vn mot, si l'appetit se pert,

Il est aussi soudain par moy seul reconuert.

POLYLOGE. Voylà le fromage, qui se sçait assez biẽ louer, Theophraste: mais ie croirois plus volontiers à son dire, s'il y auoit quelques bons auteurs, qui fussent de son aduis. T. H. Tu y peux donc biẽ croire, amy Polyloge: car les plus experts medecins, qui ayent esté, luy accordent entierement ce qu'il a dit de soy mesme: entre lesquels tu as Aduicenne prince des Arabes, et Paul d'Aeginite, abreuiateur tres ample de Galien.

lien. Toutesfois si s'accordent-ils en celà, qu'il se faut diligemment garder d'en manger en grande quantité. P O L. Je t'accorde ce que tu d'ys, mais tu ne fais aucune mention d'Hippocrates, qui dit le contraire, & qui est tât estimé de tous. T H E O P H. Je te pry donc, s'il te souvient de ce qu'il en dit, que tu le m'apprennes maintenant: car i'estime autant le dire d'Hippocrates, comme d'un autre Apollon. P O L. Ne te souvient il point auoir leu au quatriesme liure du regime des aiguës maladies, que le frömage engendre des ventositex, qu'il empesche, qu'il enflamme les viandes, qu'il suscite des cruditez, & qu'il nuyt à la concoction, principalement à ceux, qui ont richement beu? T H E O P. Il est certainement ainsi, & me souvient à la verité l'auoir autres fois fucilleté, & ce qui s'ensuit en ce mesme lieu, c'est à sçauoir, que toutes sortes de pois & febues sont flatueuses, & appesantissent aucunement la teste, soient cuits ou crus, s'ils ne sont mangez avec autres viandes. P O L. J'entens bien, mais que concluz-tu donc du frömage, veu la discordance, qui semble estre entre les auteurs predits? T H E O P H R. Il semble voirement y auoir discordance entr'eux: qui n'est rien: car Hippocrates mesme au liure de l'ancienne medicine, s'accorde avecques les

DIALOGVE TROISIÈSME

autres, mettant difference entre les natures & complexions des hommes, & disant ce qui s'esuyt, que le frommage ne nuyt aucunement, mais qu'on ne s'en saoule point. Tout ainsi q̃ des fruits: car se remplir de pommes est autant, que se procurer vne extreme douleur de nerfs: se saouler de poires est, s'engendrer vn tourment merueilleux aux intestins: & vser par trop de noix est, se nuire à la teste, au poumon, à la langue, & à l'estomac: finalement vser sans raison ou mesure de coings est autant, que chercher vne rage & incredible passion es ioinctes. Neantmoins qui vseroit moderement de toutes les choses susdites, il proffiteroit & ayderoit beaucoup à sa santé, tant s'en faut qu'il y peut porter nuysance ou dommiage. P O L Y. Disons des guignes, & des cerises, qui sont communes à tous pays: sont-elles proffitables, ou au contraire sont-elles nuysibles à la santé du corps? T H E O. Non: d'autant que les guignes, par leur grande humidité laschet par trop l'estomac, & nuisent à la venē, iagoit qu'elles nourrissent assez, à cause de leur douceur. Quant aux cerises, qui sont vn peu plus aizres, combien qu'elles destoupent les opilations du corps, & atenuēt les humeurs trop gros & espēs, toutesfois elles ne sont à louer, pour autant qu'elles restreignent le ventre,

& prin-

Et principalement si on prend puis apres quantité de gros Et puissant vin. P O. A quelle cause cela t'eusse pensé tout le contraire, que, s'il estoit aduenü quelque accident à vn homme pour auoir mangé des cerises, il n'y auoit au monde meilleur ny plus propre médicament, que boire de bon vin. T H. Il en est bien autrement, Polyloge: car les cerises engendrent de grosses Et mauuaises humeurs, que le vin puis apres renuoye par sa fumeuse chaleur en toutes les parties du corps, ou apres elle se corrompent, Et engèdrent de tres dangereuses fieures. P O L. Quelle opinion as-tu des pommes, qu'on appelle grenades? T H. Il y en a de trois espèces: les vnes sont douces, Et sont (selõ les philosophes naturels) froides et humides, et par cõse quet peu louables, par tãt qu'elles engèdrẽt mauuaises humeurs. Il y en a d'autres, qui sõt aigres et de qualité froides, Et seiches: icelles sont plus en v̄sage pour cõtregarder quelq̃ chose de corruption Et pourriture, q̃ pour en v̄ser au mäger. Tiercemẽt il y en a de moyenne saueur, et celles cy, si elles sont poisãtes et moins aigres q̃ les precedẽtes, sont fort v̄tiles à l'estomac rẽply de chaleur coleriq̃, et nuisibles au froid. Au reste leur escorce, cõfite avec du sucre, ayde au cõttraire à l'estomac froid. P. On se soucie à present biẽ peu

DIALOGVE TROISIEME

de la santé, ou de la maladie de l'estomac, moyennant qu'on cõtente la bouche: car ils tiennent ordinairement pour prouerbe Vray que ce, qui plaist à la bouche, est bon au cœur: d'autant que iamais asne ne mangea de meilleur apetit des chardons ou orties, qu'ils se delectent de choux, de citrouilles, de courges, de rabes crues, de melons, pompons, concombres, truffes, d'aux, d'oignons, de champignons, & semblable venaison. T H E. I'eusse pourtant pensé, que les truffes eussent esté fort salubres, à cause des gros seigneurs, qui en font tant d'estime, & qui le plus souuent laissent ce qui me seruiroit bien, pour manger, avec Vn souverain & singulier desir, icelles. P O L. O dieu tout puissant, combien tu t'abuses, Theophraste, si tu n'estimes que ce seulement estre bon, qui est en grandes delices aux maisons des seigneurs ! Car pour complaire à leur vouloir & appetit, ils sont venus en Vn si grand mespris de leur santé, que tout entierement ils trouuent celà delicat & bon, qui est cher & rare. Ce qu'on peut voir, quand ils font tant d'estime des artichaux, lesquels ils baignent au beurre, & couurent de poivre ou gingembre, pour manger au dessert, combien qu'ils sçachent tres bien, que ce soit le plus propre de l'arti-

L'artichaut, d'engendrer melancolie, que non pas d'eschauffer ou inciter à Venus, comme ils adiontent: & qu'en outre tous artichaux sont flatueux. Il y a certes des gens, qui achettent plus cher des champignons, ou des trufles, s'ils ont enuie d'en manger, que ne vault vn veau, ou vn mouton: iasoit que ce ne soit autre chose, que la lepre de la terre. T H E. Ie le crois tres bien: neantmoins si ay-ie quelquefois leu en Plutharque, que Caton auoit acoustumé dire, que celle republique ne seroit long temps florissante, en laquelle on vendroit plus cher vn petit poisson, qu'vn gros beuf. P O L Y. Caton estoit vn bon diuin: mais la prodigalité, ou volupté pour mieux dire, a prins tel pied sur les hommes, qu'il n'y a maintenāt si grande mer, ny si large terre, qu'on ne voyage & visite, pour tacher à trouuer quelque morceau delicat à donner au gouzier. Car à present ce banquet n'est point assez magnifique & excellent, ou il y a chappos, beccasses, perdrix, daims, cerfs, lieures, cheureules, sagliers, estourneaux, alouettes, pigeons, coqs d'Inde, phaisans, pans, & bisais, s'il n'y a septante & quatre sortes de poissons, sans compter les saulces exquisies, la patisserie, & les tartres, qui sont sans nombre. En sorte que Cleopatra, la plus prodigue femme qui fut onques,

DIALOGVE TROISIÈSME

Et laquelle donna en vn seul repas vne perle
valant trois mille cinq cēs liures, ne fut iamais
plus exceſſiue, qu'il en y a de noſtre temps. T.
Il eſt donques commun de deſpenſer tout ſon
bien en banquets. P O L. C'eſt l'ordinaire. T H.
O combien il ſeroit meilleur d'enſuyure le com-
mandement de Triptolemus Athenien, qui cō-
prenoit toute la loy en trois points! le premier e-
ſtoit, adorer les dieux: l'autre, honorer les parēs:
Et le tiers, s'abſtenir de chair. P O L. Herodote
eſcrit, que les Babylonies l'ont creu, Et obſerué
ſon dire, quand il raconte, qu'ils ſe ſont gardez
long temps en ſanté, Et en biens pour n'vſer
que de poiſſon, encores bien frugalement. T H.
Croy-tu que ceux, qui viuent frugalement, ſont
de plus longue vie? P O. Si ie le croy! il eſt aſſez
notoire: car quelle autre raiſon pourrois-tu amē-
ner, pourquoy vne infinité de gros milours meu-
rent deuant la moytié de leur aage, ſi ce n'eſt
d'autant qu'ils n'ont autre ſoing, que de ſe bien
traiter, Et de paſſer iours Et nuits en toute gor-
mandiſe Et deteſtable yurongnerie? Or au pro-
pos d'yurōgnerie: ie te ſupply, Theophraſte, afin
que tu ne laiſſes rien à dire, que tu me faces
ſage, ſi l'eau vault mieux, que le vin, pour gar-
der la ſanté, ou au contraire, ſi le vin doit eſtre
preferé à l'eau: car il en y a diuerſes opinions.

T H E.

T. H. E. Combien que la soif, qui est vn desir du froid, et humide, s'esteint plus tost pour boire de l'eau, que pour boire du vin, à cause que l'eau est en sa qualité froide & humide, si est-ce pourtāt que le vin est plus à louer, d'autāt que par sa subtilité & chaleur naturelle il ayde la digestion des autres viandes, & aussi que nature se delecte plus à le boire, qu'à boire de l'eau: Iouxtē ce que dit Theognes, que le moderé vsage du vin est non seulement bon, mais aussi fort proffitable: Et ce aussi, qu'escrit Galien, que le vin pris avec mediocrité proffite à la digestion, ayde à faire le sang, & à le distribuer par les veines & autres membres, & que finalement il rend l'esprit beaucoup plus doux & plus hardy: ce qu'approuue Aegineta, quand il dit, que le vin augmente la chaleur naturelle, & chas(e toute crudité, renuoiant par sa subtilité ce qu'il faut d'aliment à chaque membre & partie du corps: qu'il restaure la bonne couleur & habitude des gens amaigriz: qu'il fait reuenir l'appetit perdu: qu'il attēue le gros humeur slegmatic: qu'il fait vuyder la colere avec l'vrine: qu'il rend l'esprit plus alaigre & deliberé: & finalement qu'il augmente la force du corps. Et tout ainsi que s'on veult (comme dit Zenon) adoucir les

DIALOGVE TROISIÈSME

lupins qui sont trop amers, on les arrouse d'eau: on ne pourroit aussi mieux chasser du cerueau toute fumeuse exhalatiõ & ennuyeux marrifson, qu'en beuuant du vin avec raison: ce que ne sçauroit ny pourroit faire l'eau, ains tout au contraire elle mortifie la chaleur qui est en l'homme, elle rend le corps impotent, & paralytique, elle suffoque & esteint les esprits, rend l'homme triste, & moins hardy, engendre auarice, chasse toute liberalité, & appesantist les membres, endort & assopist les sens. D'ou lon peut conclure, que le vin ayde beaucoup plus la santé, que non pas l'eau. P O L. Je suis bien de ton aduis, Theophraste, & mettroys pour celà la main à l'espee, s'il en estoit besoing: neantmoins d'ou vient celà, que Galie escriue, qu'vne fois vn ieu ne enfant de sa ville beut du vin, & que depuis il ne dormit à son aise, qu'il deuint insensé, & peu apres il mourut? Veux que le vin à tant en soy de vertuz & proprietex, que tu dis? T H. J'ay leu ce que tu dis, Polyloge: & si tu auois bien regardé, tu eusses veu, que ce garçon, reuenant du bain & estuues, se chargea tant de vin vieil, fort, & sans eau, qu'il estouffa sa chaleur naturelle, quoy que grande elle fust: comme il aduient bien encore à plusieurs forcenez & furieux yurongnes de nostre temps, qui

qui ne tuët pas seulement leurs corps, mais aussi leur propre ame, la consacrant à Satan leur maître, par vne tant grande & execrable brutalité, selon laquelle ils se gouuernent entierement & du tout. **POLYLOGE.** Ou pensoit donc **Auicenne**, que tu sçais estre excellent medecin, quand il commandoit s'enyrurer vne fois le mois, pour entretenir la santé? d'autant que par là s'engendroit vn profond sommeil, qui restauroit les esprits: & vne tres grande sueur, avec laquelle se euacuoient les superfluitéz & excremens du corps. **THEOPH.** Il a expliqué son dire au premier canon, quand il a dit, que s'enyrurer souvent corrompt le cerueau & le foye, & les nerfs se debilitent & afoiblissent, d'ou s'ensuyt vn tremblement de mēbres, vne conuulsion et retraction de nerfs, vne paralisie & impotence de tout le corps, le haut mal, difficulté de respirer, vn son aux oreilles, frenaisie, le calcul, la goutte, force rots infets & puants, & vomissement detestable. Toutes lesquelles choses ne diffament & deshonnorent tant vn yurongne, qu'elles l'affoiblissent & debilitent, & tuent à la parfin sans remission. Que si par cas fortuit la mort ne s'en ensuit, il en ensuit choses de rien moins à craindre, qui est, gormandise,

Vilaine & damnable paillardise, & tout acte effronté & maudit. Alors il luy vaudroit sans comparaison mieux n'auoir de sa vie, que de pure & simple eau. P O L. Comme ainsi soit donc, q̃ le vin soit tant secourable, s'il est modérément pris, et si nuysible, s'il excède raison et mesure, ie te suply, Theophraste, descry le vray regime d'en vser, pour se garder en santé. T. Tu deuois requerir celà d'un autre, Polyloge: car iamais auocat n'attira mieux argent de bon homme, ny vicaire, celuy de son parroissien, que i attire le vin, quand ie me trouue en lieu, principalement si c'est vin theologal, qu'on appelle: toutesfois ie t'en diray selon mon petit pouuoir ce qui m'en semble. Note donc en premier lieu, qu'il se faut bien garder de boire beaucoup au commencement du repas, de peur que la viande, qu'on mangera puis apres, ne nage au plus haut de l'estomac sans toucher au fond: qui seroit fort mauvais, à cause que (comme dit Galien) le ventricule ne peut bien digerer ce qu'il contient, s'il n'est deuëment enfoncé & enclos: d'où s'ensuyuent de grandes & fort d'angerieuses cruditez. P O L. Que Galien philosophe tant qu'il voudra, & endure la soif autant qu'il pourra: quant à moy, ie ne le puis faire. T H E O. Galien ne dit pas, qu'il faille endurer la soif,

ains

ains conseille, qu'on boyue moderement apres auoir quelque peu mangé, & qu'on poursuiue ainsi l'vn apres l'autre par fois iusques a tant que la viande soit descendue au fond du ventricule, ou elle se cuit le mieux: puis apres il permet boire vn peu plus librement, & à plus grands traits, affin que par le vin, qui est subtil, la viande penetre mieux les veines & petites capacitez de l'estomac, si la viande est bonne: car il n'est pas bon de boire vin apres toutes viandes, tesmoin Auicenne, qui le deffend expressement, disant, que, comme ainsi soit que des mauuaises viandes s'engendre mauuais suc & mauuais aliment, & que ce soit la proprieté du vin de pousser l'aliment par les membres, si apres telles viandes on beuuoit du vin, il corromproit & gasteroit les bonnes humeurs, meslant les mauuaises avecques icelles. A quoy s'accorde Rase, au cinqiesme chapitre de son quatriesme liure. POLYLO. I'ay cogneu d'aucuns, qui ne beuuoient ny au comencement, ny au milieu de leur repas, mais mangeoient toujours tant qu'il y auoit que mettre sous la dent: puis quand ce vient à la fin, vous auallent & hument de telle grace ce piot, qu'on les iugeroit estre de la race des canes. THEOPHRASTE. Aussi ay-ie bien moy, Polyloge: mais cela n'est

pas permis à tous. POLYLOGE. Auf-
quels donques ? THEOPHRASTE.
Ceux, qui sont sains de leurs personnes, doy-
uent aussi garder le plus de leur boire à la fin
du repas, d'autant qu'ils ont toujours bon ven-
tre, & ont les veines mesaraïques estroictes:
les autres, qui ne se trouuent point bien dispos
& deliberez, doyuent mesler l'vn parmy l'au-
tre, c'est à dire, le boire avecques le manger, &
le tout lentement, affin qu'ils se cuisent mieux:
exceptez toutesfois ceux, qui ont fièvre: car
quoy qu'ils ayent les veines, qu'on appelle me-
saraïques, estroictes, & le ventre dur, neant-
moins il leur est meilleur de boire à grands
tricts, que lentement, pour esteindre le feu,
qui les tyrannise & brusle: tout ainsi que les
marechaux & serruriers, qui mettent a-
bondance d'eau, s'ils veulent esteindre leur fer,
ou leur charbon: & l'arrousent seulement,
s'ils le veulent plus enflammer. POLY-
LOGE. J'estime certes, que ceux font bien
folement, qui ne se couchent iamais sans boi-
re de l'eau, veu l'aphorisme d'Arnaud me-
dicin, qui dit, que boire apres le repas lors
que le tout bault en l'estomac comme dans vn
por, empesche la digestion. Ce que ie croy
plus volontiers, pourtant que i'ay veu par
plusieurs

plusieurs fois vn plein chauderon d'eau bouillante delaisser à bouillir pour vn peu d'eau froide, qu'on y versoit. **T H E O.** Beaucoup faillent, à la verité, en celà, Polyloge: toutesfois il y en a d aucuns, à qui Arnaud mesme l'a concedé, comme à ceux, qui sentent apres soupper monter des fumées chaudes en leur cerueau, et leur offusquer la veüe: car l'eau par sa naturelle frigidité empesche telles vapeurs de monter de bas en haut. J'ay quelque fois demeuré avec vn quidam, qui se trouuoit tres bien de soy, & qui beuuoit, au commencement de tous ses repas, vne ou deux fois d'eau fresche. Vn chacun le iugeoit mal soigneux de sa santé: mais ie scauois bien, qu'il ne le faisoit pour autre raison, que pour autant qu'il auoit le ventre dur, à cause de son foye, qu'il auoit trop chaud, & qui par sa chaleur attiroit ce d'humeur, qu'il pouuoit, & desechoit le ventre en telle façon, qu'il luy conuenoit moins aller à la selle que de custume. Or est-il certain (selon Plutharque) que l'eau froide beuë apres deux ou trois morceaux le luy pouuoit lascher. **P O L Y.** Laissons cette eau aux canes & grenouilles: reuenons au vin, que i'ayme mieux. Et pour autant descry- nous quel vin doit estre esleu pou le m eilleur. **T H E O.** Celuy, qui n'est trop vieil: ne trop nouueau,

DIALOGVE TROISIÈME

mais moyë entre ces deux, qui est de couleur ver-
meille, de bonne odeur, qui ne soit trop doux ny
trop verd; mediocre en force, issu d'une vigne,
qui n'est assise ny en trop plain pays, ny en lieu
trop droit. & plein de montagnes, mais en ar-
libre, regardant plus le levant que le mydi,
& qui ne soit exposée au trop grand chauld,
ny au trop grand froid. POLYLOGE. Je
me suis (à ce que ie voyz) iusques à present bien
deceuz, qui pensois le meilleur de tous estre le
doux: d'autant que la plus part des hommes l'e-
stime ainsi, & les femmes principalement. T.
Tu estimes d'oc, que tout ce, qui est agreable aux
fèmes, est bon. P. Non say point pourtant, Theo-
phraсте: mais pour ce que ie l'ayme tel, ie m'accor-
de volōtiers à leur opiniō. T. J'enten bien: à cau-
se que tu es bō biberō, & que, quād tu te mets à
tirer, tu serois biē marry qu'un tiē voysin te gai-
gnast: de peur que tu ne parles l'Angloys (com-
me on dit) & deuïennes yure, tu aymes mieux
le vin doux, que tout autre; car (comme tu
sçays) la douceur empesche de s'en yurer. P O L.
Je n'en mentiray point, ie boys aussi bien
qu'un autre, & autant qu'il m'en faut pour ma
refectiō, neātmoins si ne pèse-ie iamais m'estre
veu yure. Je sçay assez (graces à Dieu) cōbien
telle brutale vilanie est à bō droit moquée d'un
chacun.

chacun. Mais de ce, que tu viens de dire, que toute douceur empesche qu'on ne s'enjure, certes ie m'en estône, si tu ne le dis par moquerie. TH. Celà est tout certain, Polyloge, & ne pësois pas. que tu doutasses encore de celà. Et mesme Aristote dit, que le chou, à cause seulement de sa douceur, garde, quoy qu'on boyue largement, qu'on ne se sçauroit toutesfois troubler ou enjurer. Ce que semblablement tu pourras aprendre encore à present des mediciens, qui premierement guarrissent vn yurongne par le vomissement, puis remedient aux fumeuses exhalations, qui pourroient amener quelq d'agereuse maladie, dõnans à mager au patient du pain avec du miel, affin que par la douceur du miel on obuie à l'inconuenient, qui s'en pourroit ensuyure. I'açoit que ce, qui est amer, ait vn mesme effect, & toutesfois il contrarie directemēt à la douceur, cõme sont les amādes ameres. POL. Pourquoi les amādes ameres? TH. Par ce qu'elles dessechent, & gardēt que les veines ne se rēplissent. Or est il qu'alors q̃ les veines sōt par trop pleines et estēduës, l'hōme se sent yure, & nō point autremēt. Parquoy il est clair, que ce, qui empesche d'emplir les veines, empesche aussi de s'enjurer. Mais pour venir au vin doux, voyons qu'en dit Hippocrates. Le vin doux (dit-il) n'appesantist

DIALOGVE TROISIEME

point la teste, & si ne charge point ou nuyt à l'entendement, mais enfle seulement le foye & la ratte : il attire ceux qui sont coleres, & leur enfle la superieure partie des intestins. Isac adionte, & dit qu'il ramolist le ventre dur, qu'il chasse toute obstruction des poulmons, comme aussi fait toute douceur : mais qu'il engendre le calcul à ceux, qui sont subiets & preparez pour l'avoir, s'ils ne digerent bien. Voylà du vin doux: veulx-tu que ie parle de celuy, qui tire plus sur le noir? P O L. Ie t'en supplie: car c'est celuy, que ie ne hais point. T H E. Retien donc, qu'il rend l'estomac & les intestins plus forts & robustes, principalement si le ventre est mol, neātmoins il est de mauuaise digestion, selon Dioscoride. Il enyure bien rarement, & s'il aduient qu'il le face, le mal ne se passe pas si tost, que si c'estoit d'un autre sorte de vin. Il n'est pas dû tout à regetter, si ce n'est aux gens vieux, desquels il augmente la melancolie, leur etoupant les rongnons, le foye, & la ratte. Il y en a toutesfois qui appellent telle sorte de vin, le laiët des vieilles gens, d'autant qu'ils ayment celuy par dessus tous. P O L Y. Encore y a il un point: n'est-il point inconuenient que le ieune boyue autant que le vieil, & le vieil autant que le ieune? T H E O.

Si est:

Si est: car si vn ieune homme se veult autant charger de vin, que pourroit faire vn vieil, il se dōnera garde, qu'au lieu de s'ayder, il se rendra forcené & hors du sens: pour ce que, estant remply d'abondance de sang, & par consequent tres chauld, beuvant du gros & fort vin, & en quantité, autant seroit, que qui mettroit feu sur feu: Là ou vn vieil & decrepit se ayderoit beaucoup, & soustiendroit sa vieillesse, d'autant qu'il est froid & sans beaucoup de sang. Diure, tres docte personnage, escrit qu'on doit refaire & renouveler des vieilles bottes, avec de l'huyle, ou de la graisse, & les corps des gens vieux avec du vin. Car le vin vieil est chauld au tiers de-gré: le nouveau, qu'on appelle Moust, au premier: & le moyen, au deuxiesme. Neantmoins Galien deffend aux vicillards d'en boire quantité, d'autant que leur chaleur est comme gelée, & pourroit estre esteinte & amortie par abondance de vin, tout ainsi qu'un petit feu peut estre suffoqué par abondance de boys, ou vne lampe par trop d'huyle. POLYLOGE. Et des enfans: es-tu d'aduis qu'on leur en baille? THEOPHR. Nenny. POLYLO. Pourquoi? THEOPHR. Pourtant que les enfans sont fort chauds & humides: &

DIALOGVE TROISIÈSME

par ce s'ensuit qu'ils n'ont que faire de vin, qui est aussi en sa qualité chaud & humide. P O. Tu n'es pas donc de l'opinion des nourrices, qui presentent du vin aux enfans, aussi tost qu'ils sont naix, de peur qu'ils ne l'ayment assez, & ne boient que de l'eau, quand ils seront en aage. T H E O. Ce sont leurs folies, Polyloge: mais entens qu'en dit Galien, au premier liure de contregarder la santé, puis tu iugeras lequel des deux, ou Galien, ou les nourrices, doit estre plus tost creu. Je ne suis point d'aduis (dit-il) qu'on baille du vin aux enfans, & quiconques le fait, fait acte de fol & insensé: Car le vin, outre ce qu'il ne leur apporte aucun profit, leur nuyt de beaucoup. Le vin est vne torche, ou du cotton abbrené d'huyle, des etouppes, ou de la poix. Ce que ie pourrois aussi prouuer par Auicenne, & par Rase, qui d'un mesme accord disent, que bailler du vin à un enfant, est mettre de la graisse au feu, lors mesmement qu'il y a du bois biē sec: denotās par là, que c'est leur faire plus tost tort, que bien, de ce faire, à raison de leur grande chaleur & nerfs imbecilles, qui se pourroient enflammer, & leur nuire bien fort. P O L Y L O G E. Et sil est petit en telle sorte, qu'il ne puisse porter eau, deffend-on neammoins de leur en don-

en donner, aussi bien que s'il estoit gros. **THE.**
Ouy : d'autant qu'il est par trop subtil. **POL.**
Et s'il y a de l'eau ? **THEOPHR.** Tout
autant : car estant meslé d'eau, il en est sem-
blablement plus subtil, & par ainsi il pene-
tre plus aisement les plus estroicts conduits
du corps, & nuyt au cerueau. **POLYLO.**
Certes ie croy, que c'est la cause, que le vin
des cabarets & tauerne enyure le plus com-
munement: car i'estime qu'ils y meslent de l'eau
plus souuent qu'il ne pleut. Mais comment
s'accorde celà, & ce que dit Auicenne, que
ceux, qui ont le cerueau debile, ne doyuent
boire de vin, ou s'ils en boyuent, il doit estre
trempé & meslé d'eau ? **THEOPHR.**
Il entend qu'il soit moderement mixtionné,
c'est à dire, que la force du vin surpasse l'eau,
& non pas tellement qu'estant par trop trem-
pé il puisse par trop penetrer, & enyurer ce-
luy qui le boit. **POL.** Il ne nuyt pas donques à
la santé, de le mixtionner moderement. **TH.**
Mais est à louer, principalement à ceux, qui ont
& souffrent grande & vehemente soif, plus
beaucoup que l'eau pure, d'autant que le vin fait
penetrer l'eau en tels & si estroicts cōduits, que
l'eau seule ne scauroit. Il faut toutesfois noter,
que celuy ne doit souuent vser de vin trempé

DIALOGVE TROISIEME

d'eau, qui à l'estomac froid et debile: par ce quil amasseroit mal sur mal, à cause que tel vin aproche & tient de fait de la nature de l'eau & du vin-aigre, qui nuýt non seulement à l'estomac, mais aussi aux intestins. Ceux au contraire, qui ont l'estomac fort & robuste, peuuent boire du vin meslé d'eau, mais au lieu de medicine, & principalement quand il fait grand chauld, & que la region semblablemēt est chaulde. Oultre plus, Arnaud enseigne & conseille, que tout homme, qui á soing de sa santé, se garde de mesler de l'eau avec du vin, lors qu'il faut le boire, & qu'on est au mylieu du repas, mais vne demye heure deuant que se seoir: de peur que, n'estant mixtionné comme il faut, il engendre vn bruit & tōnerre aux intestins, & empesche la digestion en l'estomac. POLYLOGE. Passons oultre, & disons quelque chose des vins, qu'on fait d'aucunes herbes: Et premierement, d'autant qu'on vse en mon pays communement de celui d'absinthe, ie te pry me dire, s'il est bon. THEOPRAS. Galien t'en asseurera, en son liure de la theorique, Polyloge, quand il dit, qu'une femme, nommée Arria, sçauante en philosophie, ne se guarist iamais d'autre chose, ayant dissolution d'estomac, & ne pouuant rien manger, que en beuuant de ce vin, cōbien qu'on trou-

ue en

ne en plusieurs autres lieux, qu'il chasse aussi toute pourriture & infection, qu'il empesche les oppilations du foye & de la rate, qu'il eclarsist la veüe, & resiste virilement à tous venins. J'estime toutesfois encore plus le vin de rommarin : car oultre ce qu'il soit souverain remede à toutes maladies prouenant de froid, il restaure aussi l'appetit perdu, il ayde aux nerfs trop lasches, il engarde que le cheueux ne chéent, il fait vuyder la melancholie, & les maladies engendrées d'icelle, il ayde merueilleusement aux gèsetiques, & chasse toutes sortes de venins, aussi bien que celui d'absinthe. POLYLO. Les Roys font grande feste de celui de saulge : est-il bon? THEOPHRAS. Bien fort : il est tres secourable aux nerfs, & à tous membres nerueux, il endurest & affermist les genciues lasches et trop molles, il corrobore l'estomac, & luy ayde à digerer, il haste les fleurs des femmes. Neantmoins pourautant que nature, quoy qu'elle ayt dōne vertuz à beaucoup de choses, y a aussi meslé quelques incommoditez : iagoit aussi que le vin saulgé soit salubre à beaucoup de choses, il a toutefois quelques incomoditez meslées. Car qui en vseroit largement au repas, il chasseroit les viandes prinſes dehors, auant leur concoction parfaite, & causeroit des opilations in-

finies, qui sont sources & fontaines de toute putrefaction: d'ou vient que les medecins le deffendent aux femmes grosses, & ensainctes, de peur qu'elles n'auortent. POLYLOGE. Il faut donc dire le semblable, du vin d'Enula campana: car Dioscoride dit, qu'il haste les fleurs des femmes, & contreint le fruit sortir deuant terme. T H E. Il est vray, mais il a d'autres proprietes tres louables: il purge l'humour superflu de la poitrine: si le ventricule est trop froid & debile, il ayde la digestion, & le conforte: il empesche, qu'il ne s'engendre du sablon aux roignons: & clarifie la veüe. Celuy de fenoil a semblable proprieté quant à la veüe, & à oultre-plus, qu'il augmēte la semence & le sperme en l'homme: qui est la cause, pour laquelle on en donne aux bonnes gens vieux, qui ne peuvent plus habiter: il guarist ceux, qui ont douleur de reins, à cause qu'il en chasse la pierre et le sablon: finalement (qui n'est pas peu de cas) il empesche, qu'obstruction aucune ne se face ny au foye, ny à la ratte. On en fait aussi de fraissette, ou enfraissé, beaucoup plus excellent, que ces deux, pour la veüe: car nous lisons, aucuns auengles auoir recouuert saine & entiere veüe par l'usage d'iceluy. POLY. I'en ay beu n'aguères, qu'on disoit estre fait d'une herbe, nomme scolopédie. Il ne

mi'a pas semblé trop mauuais . T H. Il desenfle
la ratte, cõme aussi celui de Tamaric. P O L Y.
I'ay certes honte de tant t'empescher, Theophra-
ste, d'autãt que tu n'es sans affaires, voire de plus
grande consequence: toutesfois ta grande patien-
ce, & promptitude à respondre me fait, deuant
que te lascher, prẽdre la hardiessẽ de t'enquester,
& prier pour conclusion, de me dire, si ce vin,
qu'on fait avecques de la betoine, est semblable-
ment bon: car il me souuient auoir quelque fois
eu vn pedagogue, qui en vsoit. T H. Il y a encore
plusieurs sortes de vins mixtionnez d'herbes.
Mais d'autant qu'il me faut maintenant visiter
quelque pauvre podagre & gouteux, ie n'en fe-
ray, pour le present, plus long propos: seulement,
pour te cõplaire, satisferay à ta derniere deman-
de. Sçache dõc, que le vin de betoine (selon l'ad-
uis de plusieurs famez medicins) corrobore &
meurist le cerueau, ayde oultre plus (comme dit
Dioscoride) cõtre toutes sortes de venins. P O L.
C'est assez, c'est assez: tu ne serois iamais lassẽ.
Mais dymoy, qui est ce podagre, que tu vas voir?
T H E O P H R A S. C'est mon frere. P O-
L Y L O. Ton frere! certes i'en suys marry. Ha,
dieu ne vueille, que ie t'arreste plus: il est (ie t'as-
seure) tresbonne personne, & fort facecieux.
Dieu, pa sa grace & misericorde, te donne

moyen, que par ton ayde il soit par cy apres en
aussi bonne santé, qu'il fut iamais. Va donc, ie te
supply, de peur que tu n'y faces faute: demain ie
te viendray voir, Dieu aydant. Maintenant ie
te dy *A dieu, & prie le bon soir.*

ARGVMENT DV QVAT- triesme Dialogue.

*Il est seulement conclu au suyuant Dialogue, a-
pres long propos du repos & de l'exercice,
que, pour cōtregarder la santé, il est plus que
necessaire d'auoir egard à l'un & à l'autre.*

P O L Y L O G E.



La merueille, que ie voy ! T H.

Et qui á il, Polyloge ? P O L Y.

*C'est, que ie te voy, cōtre ta cou-
tume, assis en chaire, sans liure.*

*T H E O P. Tu estimes donc
que ie sois à present oisif. P O L Y L O. Et quoy
donc ? n'est-il pas vray ? T H E O. Ie suis certes
plus empesché, que Solon ne fut onques, tāt s'en
faut, que ie sois oisif. P O L. Quel est ce si grand
affaire, que tu as de present, Theophraste ?
T H E O. Ie fuz hyer tout tard voir mon frere,
comme*

comme ie te dy au depart, & en viens encore maintenant. Je t'assure, frere & amy, que les pauvres gens, que Phalaris faisoit mettre en son veau de cuyure chaud, ne hurloyent de telle sorte, sentans le tourment & la chaleur ardente dudit taureau, que mon pauvre frere fait, lors que sa douleur l'assaut. helas! l'extreme rage que c'est, que gouttes & podagrerie! Je suis icy, il y a pres d'une heure, à penser quel remede on y pourra trouver. Il faut que ie luy applique quelque medicamēt lenitif, pour mitiger la douleur, de peur qu'un tant intolerable tourment ne luy oste la vie à la parfin, par trop le tormenter. P O L. Et d'ou (bon dieu) luy peut estre venu tel accident? est-ce point du ventre de la mere? car il en aduiēt souvent ainsi, comme i'ay ouy dire. T. Nenny point, mais bien pourautant qu'il n'a tenu cōte en son ieune aage des six choses nō naturelles, desquelles nous auons parlé deia en quelque endroiēt. Car pour parler de la premiere & principale, qui est l'air, tu sçais toy mesme, combien il a craint l'air sec & puant, veu qu'en mesprisant ce q'ie t'en ay dit, il a toute sa vie autant aymé viure & demeurer en air contrainct, suffoque & corrompu, qu'au clair, pur, & serain. De la seconde, qui est du boire & du manger, il n'en a pas moins fait: car il n'a non plus

craint ou fait difficulté d'vser de ciguë en po-
tage, que de buglosse, ou autre bonne herbe
laxative. Quant est de l'exercice & repos troi-
siesme chose non naturelle, vn chacun, qui a
vescu auecques luy, sçait assez, combien il
s'en est peu soucié. Neantmoins iusçais, que ie
t'en ay dit, & de fait Galieñ tesmoigne, que sans
icelle on ne se pourroit long temps garder en
bonne santé. P O L Y L O G E. Tu m'as
parlé des deux premieres : ie te supply bien fort,
ne permettre que i'ignore cette cy. T H E O.
I'en suys content : tu sçais de long temps, que ie
n'ay rien à moy, de quoy tu ne puisses disposer
selon ton bon plaisir. Toutesfois i'adiousteray ce
mot auant, que qui n'vsera, comme il faut, de
l'exercice & du repos, il s'en ensuyura non seu-
lemēt podagrierie, et des goutes insupportables
mais vn infiny nombre d'autres maladies &
grādissimes aduersitez. Car tout ainsi qu'on ne
voit iamais l'eau, qui coule, engendrer pourritu-
re & corruption, ains celle seulement, qui dort,
& ne coule point : aussi pareillement ne voit-
on les corps, qui s'exercent, se trouuer mal, que
bien rarement : & ceux au contraire, qui mei-
nent vie oyseuse, estre iournellement affligez de
mille petites aduersitez, preambules infallibles
des grandes, qui sont à venir iouxte le dit d'O-
uide

uide poëte Romain, qui dit.

L'homme ainsi se corrompt par faute d'exercice,

Cōme l'eau d'un estang, ne se mouuant, prend vice.

Car l'exercice deuëment prins excite & augmente en telle sorte la chaleur naturelle, qui est en l'homme, qu'il peut luy seul, estant ainsi corrobore, aussi bien purger le corps de toute immonde & dommageable superfluité, en les consommant, que les medicamens purgatifs, ou la saignée (qu'on pourroit & qu'il faudroit de fait appliquer) les pourroyent euacuer. POLYLOGE. Tu dys prins deuëment, Theophras-

te : & qui est le temps propre pour l'exercice? THEOPHRAS. Lors que les deux coctions sont parfaites, c'est à sçauoir, celle du ventricule & estomac, & celle du foye: si on s'exerce, ie louë tel exercice. POLYLOGE.

Et si quelqu'un le fait deuant, sans aucun e-

gard de ce temps, qu'en aduient-il? THEOPRAS. Qu'il en aduient! Iceluy, quiconque il soit, enuoye non seulement des cruditez par les membres, mais se cause aussi plusieurs obstructions, sources fecondes de fieures dangereuses.

PO. Ouy: mais d'ou cognoistray- ie icelles deux coctions estre parfaites? THE. Par l'vrine: car

si elle est au plus pres de la couleur de citron, adonc s'approche le temps de l'exercice. combien qu'il faut prendre egard au temps, d'autāt qu'au printemps il est bon de s'exercer enuiron mydi, & en esté vne demye heure deuant, & le tout en lieu temperé: en yuer, apres midy, & en lieu, ou lon ait premierement fait du feu, de peur qu'il n'aduienne inconuenient par le trop grand et extreme froid. Ce qu'à obserué Antonin empereur (comme escrit Galien) qui souloit s'exercer aux petits iours, quād le soleil couchoit, aux grands, à l'heure de neuf ou dix heures, & par là s'entretenoit en bōne santé. D'auātage il faut noter, q l'exercice en esté doit estre plus delicat et plus petit, qu'en hyuer. parce qu'en esté lō. rēdroit (en faisāt trop vehement exercice) le corps lasche, & trop debile. Ce qui aduiēt au cōtraire en hyuer: car sans iceluy, la chaleur naturelle se pourroit esteindre, à cause du froid exterieur.

PO. Est-il licite à tous, de s'exercer egaleement?

T H E O. Non: ains faut bien se garder, quand on a le corps cacochime et remply de mauuaises humeurs, qu'on ne s'exerce aucunement. P O L. Il faut donques, contre ton decret, viure en oysiuete?

T H E O P. Ie ne conclud pas ainsi: ains faut mettre toute diligēce d'euacüer icelles mauuaises humeurs, premieremēt par quelque medicament.

camet & purgatiō propre. Car tout ainsi qu'on craint d'esueiller vn mauuais chien, quand il dort, de peur qu'il ne iouē des dents: tout ne plus ne moins faut-il craindre d'esmouuoir des mauuaises humeurs, quād elles sont au corps, par vehement exercice, de peur qu'elles ne nuisent. Car s'on les esment, et on les reuoye par plusieurs petits conduits & receptacles du corps, on les contraint là pourrir & se corrompre, pour susciter tost apres quelque dangereuse maladie: comme Galien le tesmoigne, sur le troisieme liure des aphorismes: Et Auicenne aussi, quād il dit: Alors qu'on veult commencer de s'exercer, il faut diligemment preuoir, que le cors soit vuyde de tout mauuais suc, de peur qu'autremēt l'exercice ne poussast es veines & autres petits receptacles ce d'humeur, qui seroit mauuais. POL. I'ay bien peu d'egard si mō corps est cacochimerou non, quand tous les iours ie m'amuse à ebrācher les arbres de mon iardin, ou à en arracher les herbes superflues, ou quād ie prēs plaisir à picquer les beufs à la mestairie de mon pere, de peur d'estre oisif. T H E O. As-tu vn iardin pres de ta maison? P O L. Tout iognant. T H. Tu as donc ta boucherie à la porte: car la boucherie du pauvre est, vn iardin prochain. Et la maison, au contraire, qui n'en a point, quoy qu'elle soit plaisan-

te & magnifique quāt au reste, n'est point maison, mais vne triste & ennuyeuse prison, principalement lors qu'au lieu de se promener et faire le tour de court, il faut resppōdre à vne legiō d'ēfās, qui demādēt du pain. Mais dy moy à bō esciēt, te promenes-tu q̄lque fois en tō iardin? P. Le plus souuēt. T H. Tu faistres bien: car cōme mediocre exercice fait deuāt le repas ayde la digestion & contregarde la santé, aussy se tenir coy apres, ou se promener lentement, est tres vtile, iusques à tāt que la viāde soit descendue au fond de l'estomac, ou elle se cuit le mieux. P O. Si n'ay-ie pas egard à celā le plus souuent: car ie monte aucune fois à cheual aussy tost q̄ i'ay disné, et m'en vas ou à ma metairie, ou à mon tailliz, ou à d'autres affaires hors la ville. T H. Tu n'en es pas plus sage. P O. Pourquoi? T H. Pourtāt qu'en cheuachāt la viāde se resppād ça & là, et se corrompt deuāt qu'estre descēdue au fond de l'estomac: ce qui n'aduient, quād on se repose, ou qu'on se promene lētement: selō Galien, qui dit, qu'au repos, & au sommeil se fait la meilleure digestion. P O. Tu veulx dōques dire apres Galien, que le repos sert à cōtregarder la santé. T H. Bien fort, voire en telle sorte, que si aucun de nature chaulde & seiche, c'est à dire, coleriq̄, auoit par illicite exercice perdu l'en-bō-point de sa sātē (d'autāt qu'iceux est deffendu par Auicenne l'exercice vehement

hement) il ne la pourroit par meilleur, ou plus expediēt moyen recouurer, que par le repos: ioint que ce, que dit Ouide, est tres cognu, quād il parle en la personne de Phedra à Hippolyte.

Il est plus que certain, que ce qui n'a repos (stre. Ne peut lōg tēps durer, soit tel qu'on voudra e- Son a perdu la force, on la trouue au repos:

S'on se veult deslasser, repos en est le maître.

P. Voir, mais q dirois-tu, si ie n'ay l'opportunitē ny loysir de m'exercer, quād il en seroit biē tēps? n'y a il aucun moyen que ce soit, duquel ie puisse vser, affin de m'exercer, quand mes affaires me pssēt? T. Si a dea: il te faut toymesme frotter les extremitēz des mēbres, avec vn gros linge rude, ou avec la paulme de la main, selō la disposition de la partie, q tu frotteras, et en telle façō tu recō pēseras l'exercice. Si tu n'aymes mieux mōter à cheual, et galloper par-my les chāps, par quelq's heures: ce q Pline estime proffiter et à l'estomac et aux cuisses: ou t'embarquer et faire voyle en mer, si tu te sēs prīciplement amaigrir et deuenir etique. Si tu auois reuenu plus gras, ie te cōseillerois volōtiers d'vser des inuētiōs d'Asclepiade, à sçauoir, de ne coucher autre part, qu'en vn lit pē du et accroché avecques des cordes, et te promener souuent dedans vne coche par la ville, ou ailleurs, ou tes affaires t'appelleroient: Ce qui

DIALOGVE QVATRIESME

est vne espece d'exercice avec le bain & les estuues. P. Quelle sorte de bain et estuues entēs-tu Theophraste? I. E'ay quelq' fois ouy faire trois especes. T. Tout reuiēt à vn: il ne m'en chault laquelle, ou soient estuues faites en vn cuier couuert de draps (qu'on appelle seches, d'autāt qu'il n'y a q' deux pierres chaudes dedās, vne de chaque costē) ou soient telles qu'on les a communement, qui sont echauffēes par le dessoubs: ou biē le bain tiede, duquel on vse ordinairement, fait d'eau douce. Or faut-il noter, que ceux, qui veulent deuenir gros & charnux, doyuēt entrer au bain ou aux estuues, à l'apres-disnée, lors que la seconde digestion est pres d'estre faite: s'ils ne craignent les opilations, qui se pourroyent faire adonc, mesmement que le corps est cacochime, & remply de mauuaises humeurs. Ceux au cōtraire, qui, estans trop gras, veulent s'amai-grir, doyuēt regarder de n'y entrer qu'à ieun. P. Soit qu'e' y estre deuant ou apres desjuner, ie n'y puis estre vn seul momēt, que ie ne sēte aussi tost vne grande douleur à l'estomac. D'ou viēt celā, Theophraste? T. De cet humeur, que nous appel-lons coleric, qui descend en iceluy estomac. Mais tu y pourras remedier aisemēt, si tu māges premier qu'y entrer, quelque chose aigre, cōme quelques fruits, ou du pain trempē avec du vin-
aigre,

aigre, ou avec de l'eau rose .P. Si celà desaltere, ie suis content de le faire: car tout aussi tost que ie sors de l'estuue, ie suis plus alteré, qu'un vieil cheual, qui ne vid eau de huit iours, et n'a ce pendant cessé de detrousser foin & auoyne .T. Il n'y a pourtant rien pis, ny plus pernicieux pour la santé, que boire à l'issue des estuues, & principalement de l'eau freche. Et ce pour autant que, si cette grande frigidité, qui est en l'eau, vient à toucher & penetrer iusques aux parties nobles, il y a grandissime danger, qu'elle ne suffoque et esteigne la chaleur qui y est, de sorte qu'il ne s'en peut rien moins ensuyure, qu'une mort subite & improuuë. Combien qu'Auicenne en dit autāt de l'eau, qui auroit bouilly: pour autant qu'elle pourroit enflammer & les esprits & les humeurs internes: d'ou sortiroit & se pourroit engendrer une dangereuse fièvre etique .P. Il n'est pas de mesme du bain, que ie prens en un cuvier: car ie m'y trouue un peu mieux, moyennant que ie n'y demeure par trop, & que l'eau ne soit trop chauffée .T. Tel bain est tresvtile, quand on a cheuauché quelqs iours, ou couru & tracassé par ville, ou qu'on est travaillé de quelque autre affaire laborieux. Quant est des autres estuues, elles sont plus propres à ges oiseux & adonnez au vetre, qu'aux susdits,

DIALOGVE QVATRIESME

qui sont trauaillees : combien que l'un & l'autre soit contraire à gens catarreux, à ceux qui sont harasses de l'ardante chaleur du soleil, à ceux qui ont la teste poisée, & à tous ceux qui ont, ou ont eu auparauant la fieure. P O. Tu triophes de philosopher, Theophraste: mais si voudrois-ie bien sçauoir, quel est ton iugement du bain le plus cõmun et vulgaire, qui soit en tout pays, c'est à sçauoir, qui se fait en plaine riuie, lors que le chauld picque: car ie m'y suis autrefois escaillé ma ieunesse avec mes compaignõs, durant que i'estois en mon bon pays d'Angoulmois. Et y a encore plusieurs gentils-hommes, & autres gens d'estat, qui menent leurs ieunes enfans, pour apprendre à nager, au prochain fleue de leur maison: ce, qui ne me sèble estre fort profitable, selon mõ iugement, pour la santé des petits enfãs, qui se baignet. T. Telle maniere de gès cherchera, qui luy approuuera son fait: quāt à Theophraste, il n'ẽ fera rien: Car si le corps de celui, qui se baigne en telle façon, est maigre, et de peu de chair, le froid naturel, qui est en l'eau, entre aisement au dedās, et refroidist le corps en telle façõ, q̃ les parties nobles en sont biẽ tost apres blessés: puis le sãg et la chaleur naturelle s'a mōcelle & asseõle en petites parties solides, et finalement le patiẽt se trouue tāt assopy et de corps et d'esprit, qu'un tel sōmeil n'est de riẽ moindre.

ny differant à celuy, duquel sont prins & assail-
liz tous serpens en hyuer, quand il fait grand froid.
Nicolas toutesfois, au cinquiesme de sa theorique,
appuyé sur l'opiniõ d'Hali, escrit n'estre nõ seule-
mẽt pas dõmageable qu'un ieune hõme robuste
et puisât & biẽ charnu se baigne ainsi, mais as-
seure mesmes, qu'il luy est proffitable: d'autãt q̃ la
frigidité de l'eau augmẽte par accidẽt la chaleur
naturelle du corps, corrobore la force de chaque
mẽbre, & par cõsequẽt ayde à parfaire la dige-
stion. PO. Le philosophe dit aussi, q̃ l'eau eschau-
fée du Soleil ne proffite point à ceux qui se bai-
gnent, ains au contraire qu'elle leur est nuisible.
TH. C'est par aduẽture à cause qu'elle est deue-
nue tiede par la chaleur du Soleil: car telle eau
(selõ Galien, & Auicenne) est propre pour ra-
mollir & rendre lasche, & effeminer le corps.
PO. Veu qu'il y a tãt de choses à cõsiderer en tou-
tes sortes de bains et estuues, ie pense que ceux,
qui n'y vont q̃ pour leur plaisir quand il se portẽt
bie, & qui pis est, viuas deliciens emẽt tãt qu'ils
y sõt, se saoulãs les vns de patisserie et de tartres,
les autres s'enjurãs & rẽplissãs du meilleur &
plus cher vin qui se trouue, l'achetent bien cher:
Veu (cõme ie pense) qu'ils ne scauroient exercer
vne tãt abominable & desordõnée volupté en
tel lieu, sãs s'acquerrir quelque accidẽt dãgeroux
& mauuais. T. Celà est plus q̃ certain, ou la plus
grand part des mediciens mẽt, qui dit d'un accord,

DIALOGVE QVATRIESME

qu'au lieu que tels gens pourroyent s'entretenir
 vn long temps en bonne santé, ils changent au
 contraire vne telle & si louable felicité en vne
 petite volupté de peu de durée, & en vn plaisir,
 qu'on appelle communement partout, à courte
 queue. Ils sont certes tellement dissoluz & des-
 bordez à toute volupté & vilanie pour le seul
 ventre qui les regist & gouuerne du tout, qu'on
 les peut dire compagnons, ou pour le moins disci-
 ples des Lydiens, qui n'estoyēt point contents de
 se veaultrer & plonger, tāt que la nuit d'uroit,
 & celoit leur vilanie, en toutes sortes & fa-
 çons de plaisirs & voluptez deshonestes &
 illicites, voire vilaines & redoutables à tout bō
 cœur d'homme, mais aussi autāt, ou plus effron-
 tez q̃ putains, les exerceoiet sans aucune crain-
 te, en plain mydi, deuāt tous. O incredible bruta-
 lité! ô lasciueté desmesurée! ô vie (ains plus tost
 mort) plus qu'Epicurienne! P O L. Je voudrois
 certes, Theophraste, q̃ quelcun de tels porceaux
 fust icy en quelq̃ part caché, pour r'ouyr plaider
 sa cause. Mais dy moy pour dieu, que disent les
 medecins pour leur raison, quand ils deffendent
 ainsi de boire et māger, durāt le tēps qu'on est ou
 au bain, ou aux estuues? T H E. Qu'ils disent!
 qu'il se fait cōmo vn cōbat dangereux, non seu-
 lement s'on y boit ou māge, mais aussi s'on s'y en-
 dort.

dort. Car la chaleur extérieure, à ſçauoir, du bain tiède, ou des eſtues, attire à ſoy & dehors l'intérieure, que nous appellōs naturelle, laquelle le ſommeil ſ'efforce auſſi d'autre coſté attirer, ou les viandes mägées, pour eſtre cuittes par icelle: & par ainſi eſt empeschée la diſteſtion. P O L. C'eſt aſſez, Theophraste: mais il y a bien encore vn point. Ie te ſupplie me dire, ſi ceux ne ſont pas vrayſ ſols naturels, qui, ſ'ils ſont mariez, & ne peuuent engendrer avec leurs femmes, les enuoyent, le plus toſt qu'ils peuuent, aux eſtues, pour remedier à tel inconuenient. Telles gens ont grand peur, ce ſemble, ou que l'antiquité de leur lignée ſe perde en eux, ou qu'ils ne puiſſent bien manger leur reuenu durant leur vie, & qu'ils demeurēt par ainſi ſans hoirs & ſucceſſeurs. Quant à moy, ie n'eu iamais peur de tels accidens, & crains encore moins que ie ne peuſſe bien moy ſeul manger mon pain. Mais dy moy, qu'en ſemble? T H. Il m'en ſemble autre choſe, qu'à toy: car tu les appelleſ ſols naturels, & ie les appelle ſages. Et pour t'aſſeurer de ce qui en eſt, faut noter, que tant ſ'en faut qu'ils perdent leur temps, ou qu'ils ſe deçoyuent, que tout au contraire ils impetrent par ce moyen ce qu'ils auoyent long tēps deuant ſuppliyé au ſeigneur Dieu leur donner:

DIALOGVE QVATRIESME

car si la nuit suyuâte, que leurs femmes ont esté
aux estuues & au bain, ils ont cōpagnée d'elles,
deuant vn moys prefix ils cognoissent aisement
le ventre enfler à celles, qui parauant leur sem-
bloient steriles. P O L. Voylà certes merueilles,
i'ay pensé dire, miracle. Et pense maintenāt fer-
mement, que les anciens n'ont pour autre cause
accoustumé de faire aller leurs femmes, le iour
precedant leur nopces, aux estuues, q̃ pour celle
là: & de fait, le tient-on encore à Paris de ce
tēps. Mais il y a bien vn inconuenient. T H E.
Quel? P O. C'est, qu'il vaudroit mieux les laisser
telles, qu'elles sont, pour ce qui s'en ensuit: car si
la femme est grosse, elle est aussi tost paresseuse,
& sans se soucier d'aucune chose que ce soit.
Encore faut-il craindre de la tacer, voire mesme
admonnester de son office: car aussi tost elle prēd
le frain aux dents, cōme on dit, se c olere et fache,
& fait tout au contraire de son deuoir, pour se
venger: ce pendant elle tient le pauvre mary en
subiectiō, pour ce qu'elle sçait bien, qu'il a gran-
disime crainte, que pour se fascher & colerer
elle n'auorte: car tu sçais assez, cōbien nuyt la
colere & fascherie à tel cas. T H E. Ie le sçay:
& si sçay bien d'auātage: c'est, que i'ay quelque
fois veu vn voisin pres ma maison, qui enuoya
pour la cause susdite sa fēme aux estuues: vn ou
deux

deux mois apres qu'elle fut deuenüe grosse, il n'eust pas enduré, qu'elle fust apres disner descendue de la table sans ayde, & pour cette cause luy mesme la prenoit sous les bras, & la descendoit le plus delicatement qu'il luy estoit possible: & la tenant en la sorte la promenoit ainsi qu'une espousée par la châtre, de place en place, marchant seulement de la pointe des pieds, pour mieux la soustenir, iusques à tant qu'elle disoit, Laissez-moy, je suis lasse, seiez moy sur mon placet aupres du feu. Que si ce tēps pendāt quelque mouche ou quelq puce la piquoit, & il n'estoit le p̄mier à se plaindre & plorer, maudissant la puce mechante qui auoit eueillée sa fēme, elle ne demādoit plus d'aide pour se leuer, aĩs d'un plein sault le prenoit aussi tost aux cheueux (car il portoit perruque, cōme fortune vouloit) puis l'ayāt renuersé, le fouloit aux pieds, l'appellāt meschāt, esgignardier, belitre, marault, & autres infinies iniures. Encore n'estoit-ce pas tout: car il n'eut aũs de huit iours boire ny māger à la maisō. Ne voy là pas un beau ieu? P. Nēny gueres pour le pauvre patient, qui pour biē faire estoit tāt mal recompensé. Mais laissons celā, et venons à vne chose, que i'ay quelque fois ouy dire. Il y en ā, qui tiennent, qu'une femme peut engrossir par la seule eau du bain. Est-il vray, ou si c'est vne bourde, qu'on m'a donnée? car de moy,

DIALOGVE QVATRIESME

ie croy tout: & l'ayme mieux croire, que d'y aller voir. THEOPHR. Il est credible, Polyloge, principalement s'il y a de l'or & de l'argent meslé parmy l'eau du bain. POLYLO. I'entens bien que tu veulx dire, sans parler plus oultre. A buon intendidor poche parole: ce dit l'Italien. THEO. Tu m'entens doncques biẽ: Ie ne m'en ebay pas: car tu as (comme ie croy) bien ouy dire l'ancien prouerbe, qui dit, que par or & argent on apaise les Dieux. Ie ne dy rien des femmes: ie t'en laisse penser ce qui en est. Oultre plus ne sçays-tu pas, que l'oracle d'Apollõ respõdit au Roy Philippes de Macedoine? Si tu veulx tout vaincre (dit-il) bataille toujours avec armes d'argent. POL. Ha, certes il n'y a pas faute de telles armes aux estuues des femmes: car les amoureux s'y trouuent le plus souuent, qui (pour venir à leur dessein, tandis que le mary se tue & corps & esprit, pour gagner la vie de luy & de sa maison) font la court de bien pres à leurs femmes, & les mu- guettent à leur souhait. Dieu sçait, si l'argent y est espargné. Or me semble-il estre icy le lieu propre de parler de ces bains chaulds naturels, qui sont en certains pays, puis que nous auons tant long temps parlé des artificiels: & ie croy que le discours n'en sera pas ennuyeux, ny moins

encore

encore indecente. De quelle nature donques sont-ils? **THEOPHR.** Celà se pourroit aussi bien dire vne autre fois, qu'à present, Polyloge; neantmoins pour te contenter premierement, puis affin qu'il ne demeure rien appartenant au propos, de quoy nous ne parlions, & qu'expliquions selon nostre petit pouuoir, il faut tenir pour tout certain, que le bain, qui prend sa source de quelque mine d'airain, participe en sa qualité du chauld & du sec, comme la mine, de laquelle il prend origine, qui tient sa nature du soulfre, du cuyure, & de l'argent vif: & tel bain est merueilleusement vtile à tous maulx froids, & humides, comme aux defluxions du cerueau, aux yeux chassieux, au tintement d'oreilles, aux gouttes, & à la podagrerie, à la difficulté de respirer, & aux passions des reins. Toutesfois qu'il se faut bien garder du fer, de vaisseaux d'airain au commun vsage, d'autant que c'est vne chose merueilleusement dangereuse: de là vient, que ceux, qui continuent d'en vser, deuiennent ladres & lepreux, qu'ils sont deuant long temps affligez de chancres, de passion de foye, & que la ratte leur enfle: sur tout quand ils prennent dedans, choses aspres & poignantes, & du vin doux, & quand elles y ont long

DIALOGVE QVATRIESME

temps demeuré. Comme aussi on n'approuue pas, qu'on garde du poisson cuit & chauld encore, par l'espace d'une nuit, ayant couuercle d'erain: car il se changeroit par ce moyen en pur & vray venin, au lieu qu'au parauant il eut peu seruir de nourriture. En sorte que, pour la guarison d'un tel mal, on ne peut trouuer meilleure contrepoison, ny plus secourable, qu'incontinent manger d'un ail crud; ou de la pouldre de calament, ou bien prendre avec de bon vin d'une confection, qu'on appelle entre les mediciens Diatrion pipereon, ayant premierement oinge le ventre avec huyle de rue. Mais ie sommeille en parlant, & si tu ne m'en dis rien. Parquoy ie pense qu'il ne sera que bien fait, si ie m'en vays dormir: car ie suis de telle complexion, que, si ie ne dors mon heure acoustumée, il y a sans aucune faute le lendemain à crier la teste, qui me poise autant (ce me semble) que si i'auois quelque gros sac de musnier chargé dessus. POLY. Adieu, adieu donc: demain (s'il plaist à Dieu) tu me diras le bon ordre de dormir. THEO. Je t'en diray plus, que tu ne voudras: reuien seulement. Ce pendant ie me recommande.

L'ARGV-

L'ARGVMENT DV
cinqiesme dialogue.

Il est seulement traicté du dormir & du veiller: puis conclu, apres long propos, qu'il faut, pour garder la santé, prendre egard à l'un, & à l'autre.

POLYLOGE.



E prie le tout puissant, te donner bonne & heureuse iournée, Theophraste, mon grand amy. THEO. Et à toy aussi, Polyloge. POL. Grand mercy. Mais

dy moy, qu'est-ce à dire, q̃ tu te leues tant matin? L'aube du iour commence seulement à apparoir. Tu penses volontiers, que le dormir nuysse. TH. Non fay point pourtant, mais estime au cōtraire, qu'il ne proffite pas peu pour garder la santé, s'il est prins cōme il faut: tout ainsi que le veiller, quand il n'excede pas raison. POL. Il faut donc tenir quelque ordre en ces deux. THEO. Quoy donc? car tout ainsi que le trop long dormir est bien fort nuysible, celuy aussi, qui n'est moderé, ains par trop bref, nuyt plus tost, qu'il ne proffite: Iouxte ce que dit Hippocrates aux

DIALOGVE CINQIESME

aphorismes, Le sommeil & la veillée, si l'un ou l'autre excède, nuyt. Par ce (comme dit Galien) que l'abondance & le deffaut nous meinent à ces mesmes differences. POLYLO. Tu veulx donques conclure, que, s'on vse du dormir & du veiller comme raison le veult, & avecques mediocrité, il en aduient tout autant de commoditez, que d'incommoditez, s'il se fait & prend autrement: car puis que ce sont deux contraires, il s'en ensuit vne mesme science, comme veut le philosophe. THE. Il est vray. Et qu'il soit ainsi, le sommeil temperé à telle propriété & vertu, qu'il restaure & repare les esprits, qui parauant ont esté dissipéz & perduz par vehement ou non acoustumé exercice, en sorte que le corps en deuiet beaucoup plus vigoureux & robuste: & de fait, le sommeil n'est autre chose, qu'une retraction & recollection des esprits, qui s'estoiët dispersez & perdez par la veillée. Ce que Pline veut dire, en la definition du sommeil: Sommeil (dit-il) n'est autre chose, qu'une recollection des esprits dispersez, en soy mesme. Constantin l'appelle restauration de la force & vigueur perdue, & le repos du corps, & de tous les sens, aydant & renforçant la chaleur naturelle, pour mieux faire la digestion. Galien aussi dit, que par le som-

sommeil temperé la digestion non seulement est auancée, mais que aussi les humeurs superflux sont cuits & digerez. Aegineta s'y accorde semblablement, au premier liure des Remedes, disant ainsi: Quiconques sçait prendre son sommeil temperé & mediocre, s'acquiert beaucoup de biens ensemble: car en premier lieu la digestion des viandes en est auancée, s'on a quelque douleur elle en est mitigée, on est deslassé & refraichy s'on est harassé de labour, toute fascherie en est chassée, le corps sec & tabide par maladie est restably en sa pristine constitution, l'esprit est conforté, & (pour conclusion) l'entendement s'en sent alairoy & clarifié. POLYLOGE. Adionte aussi les commoditez, qui viennent pour veiller mediocrement. THEOPHRA. Escoute que t'en dit Auicenne, & tu orras, que pour veiller mediocrement on excite les sens, on prepare le corps pour ouurer & traualier, on ressuscite l'appetit perdu, on discharge le corps de tous excremens. POLY. Tu dis, que le sommeil iustement temperé profite beaucoup, Theophraste: mais quel sommeil estimes-tu tel, c'est à dire, mediocre & temperé? Car d'aucuns se plaisent à dormir iusques à my-iour, voire & eleuent tellement les

DIALOGVE CINQIESME

oreilles, quand ils s'eueillent, qu'ils semblent
 vouloir denoter par leur minois, qu'ils ont
 fait quelque beau chef d'euure, de s'estre vn
 si long temps veaultré en la plume, entre
 deux castodes, à leur aise. THEOPHRA-
 S T E. Tels gens reposent, peut estre, non
 pas eux mesmes, mais le trop de vin qu'ils
 ont en la teste, il y a deux ou trois iours. Mais
 tout ainsi qu'vne tant desbordée & desordon-
 née vie, que celle là, est plus propre sans com-
 paraison, & plus conuenable aux porceaux,
 qu'aux hommes raisonnables, semblablement
 tel & si desmesuré sommeil, qui est propre aux
 lirons, est beaucoup plus conuenant à yron-
 gnes, gormans, prodigues, deuorateurs, & à
 tous autres meschans & desbordez à tout vi-
 ce & villanie, qu'à gens ayans raison & en-
 tendement. Brestels gens sont vrais rossignols
 de Sathan, qui nuit & iour chantèt, ou hanis-
 sent pour mieux dire, comme vrais asnes d'Ar-
 cadie, l'vn haut, l'autre bas, s'accordans entre
 eux, comme des asnes avec des porceaux. Il y
 a bien vne autre mediocrité & moyen de dor-
 mir, Polyloge, que cette tant abhominable &
 brutale. POLYLOGE. Ie te supply donc,
 dy moy qui elle est, Theophraste, & ne me tien
 plus

plus en suspens. THEOPHRAS. Combien qu'elle ne se puisse pas bõnement prescrire, & moins encore dire, pour beaucoup de raisons, qui suruiennent: il est toutesfois certain, que cetuy est le vray dormir naturel, qui se continuë iusques à ce, que les deux premieres coëctions soient faites, & accomplies. Encore est requis diuers temps & diuerse occasion, selon la diuersité des personnes & complexions. Car si ceux prennent quantité de viandes, qui sont de leur nature chaulds & humides, & qui cuisent bien, ils doyuent peu dormir pour leur santé, & le propre temps de leur sommeil est volontiers limité de tous mediciens en l'espace de sept heures. Quant à ceux, qui sont au contraire froids & humides, qui cuisent & digerent à peine, & qui prennent, comme gourmans, quantité de vilanies dures & de difficile digestion, ils ont besoing de plus dormir que les precedens, & leur faut environ neuf ou dix heures pour leur repos. Qui aussi tiennent le mylieu, & sont mediocres entre les deux predits, ils ont semblablement besoing de mediocre & temperé sommeil: iacoit qu'il faille considerer la lasseté & vigueur de

la force: car d'autant qu'elle est plus lassée & affoyblie, d'autant plus doit estre augmenté le repos & sommeil: d'autant aussi qu'elle est forte & en bonne vigueur, d'autant doit-il estre court & plus bref: & le tout de nuict. Car le dormir de iour ne fut encore iamais approuué de personne, par ce que (comme dit Auienne) par là se font des distillations & desfluxions du cerueau, par là la chaleur naturelle se corrompt, par là la ratie s'appesantist, & les nerfs s'amolissent, on deuient par là negligent & paresseux, ont perd l'appetit, on engendre des apostumes, des fieures, & vne legion d'autres maladies, qui seroient longues à raconter. Et de fait, du temps d'Hippocrates on mesprisoit tel sommeil, & estimoit-on celuy tant seulement bon & naturel, qui se faisoit la nuict, & n'empeschoit point le iour: comme il appert par le second des prognostiques, composé par le mesme Hippocrates. Mais comme toutes bonnes coustumes sont toujours mises en arriere & sous le pied, & le tout par le cõmandement de ma dame Volupté & monsieur le Ventre son mary, aussi en est-il ainsi aduenue en cet endroit du temps de Galien: car messieurs les gros milours & primats ne pouoyent assez contenter leur aise en beuuant & mangeant

mangeant à leur plaisir, & dormant la grasse matinée, s'ils n'eussent vsurpé quelque partie de l'apres - dinée à se tourner, & dormir sus le lict richement encourtiné, ou en quelque chaire auprès d'un bon feu, de peur du froid. Ce qui à beaucoup mieux esté observé iusques à nostre temps, que les autres bonnes & saintes coustumes vsitées entre les gens sçauans & bien instruits. Qu'à ma volonté les hommes eussent esté si studieux de prester l'oreille à l'esprit de dieu, qui les admonnestoit d'ensuyure leurs saints ancestres, & maiers anciens, qu'ils ont esté contents de prester, voire mesmes donner du tout, non seulement l'oreille, mais l'esprit, l'entendement, & toutes leurs affections, & tous leurs sens, à l'esprit du diable & de mensonge, pour les faire deuoyer du vray chemin, les entretenant quelque peu de temps en delices & alechemens mondains, qui n'est qu'vmbre de fumée, puis les ayant aveuglez comme taupes, ou souriz chauues, pour les faire chopper à tous coups, tant qu'ils se soyent rompuz le col, les iambes, & tout le corps au royaume de Sathan leur capitaine. Mais venons au point, Polyloge. Puis donc que la coustume de dormir sus iour a prins racine entre les hommes, il faut trouuer, s'il est pos-

DIALOGUE CINQUIESME

sible, quelque moyen pour user d'un tel sommeil sans danger : & pour ce faire, faut ouyr *Auicenne*, qui dit estre besoing de observer cinq conditions en tel cas : c'est à sçavoir, que celuy, qui aura accoustumé de dormir ainsi, & voudra cōtinuer, ne s'endorme soudain apres le repas : secondement, qu'il ne tienne la teste basse : tiercement, qu'il ne dorme long temps : puis, qu'il ne s'esueille en sursaut & subitement, mais doucement & lentement : finalement il faut choisir le lieu pour dormir, qui ne soit point trop chauld, ou plein de vapeurs, mais temperé, & quelque peu frais. Il faut aussi, selon le temps, couvrir le corps modiquement, affin que la chaleur naturelle se retire au dedans du corps, & que les extremités ne se mortifient & refroidissent par trop : car par ces deux derniers points la troisieme coction est beaucoup aydée, à sçavoir, celle qui se fait en l'estomac, au foye, & par les autres membres. **P O L Y L O G E.** Mais pourquoy deffend *Auicenne* de dormir incontinent apres le repas, veu que tu m'as respondu par *Galien* (quand ie t'ay enquis, s'il failloit plus largement manger au disner, qu'au soupper, ou au soupper, qu'au disner) qu'en dormant se

faisoit

faisoit beaucoup meilleure digestion, que non pas en veillant. **T H E O.** Par ce qu'il faut temporiser apres le repas, iusques à ce que la viande soit descendue au fond de l'estomac, de peur qu'il ne s'ensuyue des trêchées & tonnerres, avec des inflammations au ventre. **P O L.** Je pense certainement, que c'est la vraye raison, que celle que tu dy. Mais il y a encore deux mots, qui ne seront point inutiles. **T H E.** Quels? **P O L.** S'il nuyt ou sert de quelque chose, de dormir les pieds deschauffez: car i'ay cognu quelque estudiant en medicine, qui iamais ne se fust mis à dormir, que premier il n'eust laissé ses souliers. **T H E O P H R A S T E.** Il faisoit tresbien: car s'on dort autrement, on nuyt à la veüe, on blesse la memoire, & est-on cause qu'aussi tost le corps est en vne eau de sueur, non pas par la chaleur naturelle & interieure, mais exterieure & accidentale. **P O L Y L O G E.** Je n'ay point iusques à present prins garde à celà: car tout l'hyuer ie n'ay gueres dormy, qu'avecques mes souliers, ou pour le moins avec de gros chauf sôs de laine, de peur du froid: ayant (qui plus est) le plus souuent la teste basse & desconuerte. **T.** L'un & l'autre est vicieux: car la teste, qui est le domicile de raison & de tous autres sens, doit estre appuyée sur quelque haut coïssinet, de

DIALOGVE CINQIESME

peur que la viande ne retourne à l'orifice de l'estomac, & empesche par là la digestion. On la doit aussi couvrir mediocremēt de quelque bonnet de nuit, auquel y ait vn trou au milieu cōme vne cheminée, propre pour faire place aux fumées & exhalations, qui montēt & s'exhalent du cerueau durant le dormir, & sur tout quand on à la teste nue & rasée, comme tu as.

P. Cōment? penses-tu que ie me sois fait tort, de m'estre fait touser la teste? T. Ouy: car il est credible, que nature n'à riē fait en vain, & encore moins les cheueux, qui non seulement ornent la persōne, mais aussi gardēt & munissent la plus noble partie de l'homme, à sçauoir, le cerueau.

P O L. Comment? Il me semble auoir leu en Aristote, que ceux deuiennent plus tost cheuux & grisons, qui, ayans longue perruque, se couurent d'autre couuerture & bonnets par dessus. T H E. Il est vray: mais il faut auoir cette consideration, de s'enuelopper & couvrir la teste en hyuer plus chauldemēt, et en esté au cōtraire plus à la legere, affin q̃ les cheueux demeurent plus lōg tēps en leur entier & vigueur. P. C'est donc vne chose dangereuse de se faire raser exactement avec le rasouër. T. Bien fort: & qu'il soit ainsi, n'est-il pas aisé à voir, que la peau de la teste en est plus esclaircie, veu q̃ par apres
les che-

les cheueux croissent à plus grande abondance, qu'au parauant? P O L. Et bien que s'ensuit-il, si la peau en est plus esclaircie, & que les pores & conduits soient plus patens? T H E O. Qu'il s'en ensuit! telle teste est incontinent subiette à tous accidens extérieurs, qui peuvent suruenir. Tesmoings en serōt ceux, qui, releuez de maladie, retumbent par ce moyen en leur pristine & accoustumée misere. Combien que nous pourrions amener l'exēple de Sampson (s'il est permis de mesler les saintes escritures avec les profanes) qui fut fort et robuste plus que tout autre tant qu'il iouyst de sa perruque: puis deuint aussi tost foible & debile, qu'il l'eut perdue par le moyen & trahisō de Dalida sa fēme. Et à la verité, nature n'a point créé le poil en l'homme, qu'à bonne & iuste cause: car si par necessité ou penurie l'hōme ne se peut recouurer bonnet, il aura au lieu d'iceluy sa perruque, qui luy couurira la teste. P O L Y. Regarde, ie te prie, ou nous nous sōmes renduz par le moyen de cette raserie, qui nous a osté du propos commencé. Ie te supply, laissons & les perruques & les rasures, & me dy (pour reuenir au propos) comme il se faut tenir au liēt, y estant couché pour dormir. D'aucans tiennent, que le premier sommeil se doit faire sur le costé droit: d'autres, sur le

fenestre. Ostes-moy de ce doute, et ie te diray mō Apollon. T. Ie suis de l'aduis de ceux qui cōseillent, qu'ō prene le premier repos sus le costé droit: car la raisō de leur dire gist en celà, q̄ l'estomac, en ce faisāt, est eschauffé par le foye, qui est situé celle part: & par là s'ensuit meilleure et plus parfaite concoction. Le second, sus le fenestre, afin que par ce moyen le foye se renuerse sus l'estomac, & luy ayde (comme dit est) à mieux cuire & digerer: toutesfois ce dernier doit pour le mieux estre plus bref, que le premier. Car il doit estre cōtinué sus le droit, à cause de la vraye dispositiō de l'estomac, qui a sō orifice inferieur tendant vers ce costé: & par ce moyē qu'il puisse plus aisement vuyder les viandes cuites avec les excremens & superfluitex de la coctiō faite. Ie n'ignore point, que d'aucuns n'approuuent, qu'il ne faille dormir sus le ventre, la face en bas, affin (comme ils disent) que la reuerberation de la chaleur (qui s'engendre, à cause des parties, qui sont ioignantes le ventricule) puisse conforter & eschauffer le dit ventricule & estomac. Neantmoins ceux qui ont leurs corps temperez, doyuent euer d'ainsi dormir, d'autant qu'ils se destordroyent & presseroient nō seulement l'estomac, mais aussi s'égēdroient mal es yeux. Or dormir la face & le ventre en

haut

haut ne peut en aucune sorte estre profitable, pour
 les incōmoditez, qui s'en ensuyuent : car il est tout
 notoire, que les superfluitēz, qui ont propre lieu
 pour s'enacuer par les narines, et par le palais de
 la bouche, sōt empeschées de ce faire, à cause de
 la dispositiō du corps: parquoy elles sōt contrain-
 tēs de s'enacuer par le derriere, avec grād dan-
 ger de catharre. Cōme aussi il est dangereux de
 dormir la bouche ouuerte, d'autant que par ce
 moyē le poulmō se noircist et gaste. Et affin d'a-
 cheuer en vn mot, il faut diligemmēt prēdre e-
 gard, q̄, s'on est couché sur vn costé, quel q̄ ce soit,
 lō ne seremūē soudain sus l'autre, puis de rechef
 vn peu apres de cetuy cy sur le premier encore:
 par ce q̄ par ce moyen & la digestion est retar-
 dée, & les intestins (selon Rase) s'en enflent. Il
 faut noter oultreplus, qu'il se faut mediocremēt
 courir, selon le lieu & le temps: car par le som-
 meil se fait retraction de la chaleur naturelle
 & des esprits au dedans & plus profond du
 corps, dōt pourroit aduenir incōueniēt aux par-
 ties exterieures estans priuées & destituées de
 toute chaleur. Mais nous ferons fin à ce cinqies-
 me dialogue pour commencer le sixiesme. PO.
 C'est bien dit, Theophraste. Poursuy dōc la cinq-
 iesme chose non naturelle, puis qu'elle vient en
 rang. T H E O. J'en suis content.

DIALOGVE SIXIESME
L'ARGVMENT DV
fixiesme dialogue.

Il est monstré au suyuant dialogue, comment,
& en quelle sorte on pourra garder la santé,
prenant egard à la repletion & euacuation,
qui est cinqiesme chose non naturelle.

POLYLOGE.



PE te supply, Theophraste, pour-
suy de dire ce q̄ tu as promis. Tu
sçais asses combien c'est chose ir-
cuiile & deshōneste, de ne tenir
sa promesse: **T H E.** Ie le sçay
bien, Polyloge: mais ie n'ay iusques à present rien
promis que ie n'aye tenu: iagoit que (cōme Cha-
res Athenien) ie sois assez prompt à promettre.
Mais dy, que c'est, que i'ay promis: car i'ay de-
puis pensé à quelque autre chose. **P O L.** Ne t'en
souuient-il deia plus? Tu auois promis de parler
de la cinqiesme chose non naturelle. **T H E.** Il
est vray, Polyloge. Or donc pour commencer,
c'est repletion & euacuation, que tu demandes.
P. Ouy. Et cette cinqiesme chose est-elle vtile
pour la santé? **T H E.** Mais plus que necessaire:
Car vn auengle voyrroit, combien on endom-
mage

mage la sãté, si lors que l'estomac à grãde faim, on luy reffuse alimẽt: & au cõtraire, si quand il est richement plein, on luy dõne de rechef quelq̃ chose pour l'amour de la cõpagnée. Car en errãt au p̃mier point, on rẽplist l'estomac de mauuaises humeurs, & en fait-on vn receptacle de superfluitez. Quant au secõd, on rend en premier lieu le corps plethoric, puis on engẽdre des opiliatiõs, qui sont sources de fieures. Combien que nature donne à chacun, comme vn certain & infallible but pour la repletion & euacuation. P O L. Quel? T. H. Ce sont les vertuz, que nous appellõs naturelles, à sçauoir, celle qui attire, celle qui retient, celle qui cuit & digere, et celle qui pousse & chasse dehors. P O L. Comment peuuent-elles estre vne merque pour ce, que tu dis? T. Parce que, si les deux premieres sont bõnes & valides, aucune euacuatiõ ne peut nuire ny endommager: si les deux d'apres aussi (c'est à sçauoir, celle qui cuit, & qui pousse dehors) se portẽt biẽ, telle que vouldra, ou pourra estre la repletiõ, ne sçauroit estre dõmageable. Car le corps se nourrist & sustãte, puis se nettoye & purge de toutes immondices, ainsi qu'il faut. P. Et s'il aduient, que ces vertuz soyent tellement blessées ou debilitees, que le corps ne s'en puisse ayder et servir pour deuẽment se rẽplir, & purger aussi,

que conuiuent-il faire alors pour eüiter accident de maladie? T. Il faut mettre peine, que la trop grãde euacuatiõ soit secouruë et aydée par quel- q̃ moyen: & l'excessiue repletiõ soit euacuée ou empeschée, soit ou par le vomissement, ou par le flux de vëtre, ou par la saignée, ou le flux de sãg par le nez, ou par ventouses, ou application de sangsues, ou biẽ par autres choses tenans le lieu des susdites, comme est exercice, trauail, frotte- ment, le bain, les estumes, le sommeil, lauement de teste, & de pieds. P. Tu veulx donques dire, que par le vomissement la santé est cõtregardée. T. Ouy: d'autant qu'il euacuë ce que n'auoit peu euacuër celle vertu, que nous auons nommée ex- pulsive: comme tesmoigne Auicenne, qui, de l'autorité d'Hippocrates, cõmande de prẽdre de chaque mois deux iours, durant lesquels on tas- che à bien vomir, affin que, si par le vomissement du premier iour tout ce, qui deuoit estre euacué, ne l'est point, le soit le iour ensuyuant par l'au- tre, en sorte que l'estomac demeure vuyde de tou- tes dõmageables & nuisibles superfluitez. P. I'en cognoys d'aucuns, qui tous les iours s'eyurẽt pour mieux vomir, cõme ie croy: iceux sont dõc bien vuydes de toute infection. T. Telles gens sont plus sordides que chiens, qui deuorent trois fois vne chose, pour la vomir trois fois. Ils ne sca- uent

aient pas, qu'ils s'égèdrēt de longues et fort dange-
 reuses maladies. Nous ne parlōs point icy de ce
 brutal vomissemēt, ains de celuy seulement, qui
 par quelq̃ doux medicamēt se fait, pour secourir
 vn pauvre malade & affligé. P. Voyre, mais il
 y en a, qui ne peuuent en aucune sorte vomir, quoy
 qu'ils puissent faire. T. Je le sçay biē: & tels gens
 sōt volōtiers ceux, qui ōt le col graile, la poictri-
 ne etroicte, hautes espaules, les iābes tortues, et
 qui sont gras & pleins: ausquels certes seroit
 meilleur de s'en abstenir, & le laisser à ceux,
 qui sont de corps maigre & graile. Puis quād
 ils se sentiront auoir bon ventre, ils pourrōt lors
 manger à tous propos de toutes sortes de vian-
 des, diuerses & en substance & en odeur:
 & ce plus tost en esté qu'en hyuer, selon le com-
 mandemēt d'Hippocrates, & ils pourront ain-
 si vomir aisement. Que si celà ne peut rien, il
 leur faut boire par dessus du vin meslé avec
 du miel seulemēt, ou bien de ce mesme breuage
 moyēnāt qu'il ayt bouilly quelque tēps avec de
 l'hyssope, ou de la raue. Et si tout celà ne peut en-
 core les emouuoir, qu'ils boyuent de l'eau tiede, ou
 il y ait quelq̃ quātité d'huile: et lors n'y aura fai-
 te, qu'ils vomiront assez. Quant à l'hellebore et
 lazaro, qu'ō appelle, cabaret, qu'ils n'vset point:
 car il poingt l'estomac. Et s'il excite douleur

au ventre par le vomissement, il faut prendre de la laine bien nette, trempée en huile camomile, puis l'appliquer chaude à celle partie du ventre, en laquelle gist la douleur. Oultre plus faut noter, qu'il se faut arroiser la face d'eau rose, apres auoir vommy, & ne mager au repas que viande subtile, bonne, & de bon suc, encore bien sobrement, iusques à ce, que l'estomac, qui s'est debilité par l'emotion faite en vomissant, soit cõforté & remis en sa place. Il se faut aussi garder de vomir souuent, & de le continuër: car autrement on nuyt à la poictrine, et au poulmon, on endõmage la veuë & l'ouye, on se suscite mal & douleur de dents, & longues passions de teste. P O L. Si quelqu'un ayme mieux s'euacuër par bas en laschant le ventre (car aucuns en y a, qui ont en horreur le vomissement) doit-il estre blasmé pour ce qu'il fait mal? T H. Nenny point, s'il y procede comme le commande Hippocrates en ses aphorismes, à sçauoir, que, qui se veult ainsi purger, regarde s'il luy est cõuenable: d'auantage qu'il n'euacue que ce qu'il faut euacuër, qu'il prene egard au tẽps, à la region, à la complexion, à l'age, au sexe, à la coustume, & à la force. P. Faut-il tant considerer de choses, pour lascher le ventre? T. Encores plus: car il en y a encores d'autres, qu'on adionte

adioute aux premieres. P O. Vrayement les pauvres gens de mō pays sont donc bien deceuz à la bonne foy : car ils ont des medecins, qui en tous temps, & à l'endroit de tous n'y sent iamais que d'une medecine, & ne se soucient aucunement de se rōpre la teste à conspirer tant de cōditions & de circonstāces, que tu viens de dire. T H E. Ceux ne sont pas medecins, ny dignes du nom, Polyloge, mais bourreaux plustost : cōme aussi ces porteurs de rogatons, qui vont de ville en ville, & de pays en autre, pour gagner leur pauvre vie: encore ne peuēt-ils tant biē harāguer, qu'ils la puissent gagner. Ce sont affronteurs, trōpeurs, menteurs, & qui ne valent rien, qui par leur babil promettēt merucilles, & ne tiennent du tout rien: bref, qui sçauent si bien endormir le simple peuple, qu'il s'ause bien incontinēt mettre ètre leurs mains, pour auoir guarison, s'il est affligé de quelque aduersité, ou dangereuse maladie. Lors Dieu sçait, cōme ils abusent & decoyuent les pauvres patiens, veu qu'au lieu de la Rheubarbe, de la mauue, de la casse, & d'autres simples, doux, & delicats, ils baillent esfrontēemēt de l'hellebore, de la coloquinte, de la noix beihel, du nexeron, & autres semblables, en grande quantité, avec grandissime danger du patient, contre toute raison, & sens humain, &

mesme cōtre l'aphorisme d'Hippocrates, qui dit qu'il ne faut pas iuger des deiections par la quantité, mais si ce qui meritoit destre chassé hors du corps & extirpé, est deuëment euacué, & comme il faut. P. Il y a bien pis, Theophraste. Nous auons des medecins en mon pays, qui guarissent le mōde sans medecine. T. Avec des prieres, volontiers. P. Cōment donc? nous auons la plus gēte vieille, qu'on sçache trouuer, en vn village, pres la ville d'ou ie suis. Quoy? elle fait honte à tous medecins, qui se trouuent, moyennant qu'elle tienne vn crible, avec quelques feues, pour diuiner de l'issue & nature de la maladie: & si triōphe de parler et iaser des sainctes, disāt qu'ils se vengēt sur ceux, qui ne font cōte d'eux, et les mesprisent. T. Et quels sainctes appelle-elle vindicatifs? Ne dit pas Dieu en Deuteronomie: La vengeance m'appartient, & ie rens digne recompense? Mais dy moy, est-elle mariée? P. Nō: elle a toutesfois eu quelque temps vn mary le plus expert en toutes sortes de venins, enchantemens, & sorcelleries, qu'ōques la terre porta. T. H. E. O. A-elle quelques autres en son escole, à qui elle apprenne son art? P. O. L. Six, ou sept, autant ou plus difformes, que vieilles & anciennes. T. H. E. O. P. H. R. Et elle aussi est fort difforme & contrefaite? P. O. L. Y. Tu la prendrois en plain

en plain mydi pour Meduse escheuelée : car elle
à la teste en partie chauue et pelée d'autre costé,
la plus part de ses cheueux gris & chenuz, &
meslez entre eux sans aucun ordre, la gueule tor-
te & desirée, la langue babillarde, venimeuse,
& la plus medisante de la terre, le nez long &
enléué, les maschoires larges & pendantes cõ-
me à vn grand leurier & dogue d'Angleterre,
les yeux noirs, enfoncez en la teste, & regards
de trauers, & tout le corps long et courbé sur le
my lieu du doz. THE. Je suis decen, si elle n'a
l'haleine bien puante. POLYLO. Comme vn
vieil bouc. THEO. Pardonne moy, Polyloge:
ce n'est pas vne femme : ie l'ay cognue: ains la
tante de Sathan, femme de Iason, issue de Thes-
salie, à qui rien n'est impossible. Ce luy est peu
de cas de voler par la cheminée, & de trauer-
ser le Rhin avec vn seul roseau, de pescher en
l'er, & tirer du lait d'un boue, elle n'en fait
que le Cerf. POLYLO. Tu estimes donc,
qu'elle soit sorciere. THEOPHR. Non fay
point, mais archisorciere, laquelle ne fera ia-
mais chose à droict, que Vulcan Lemnien ne
l'ait premier passée par ses mains. POLY.
Certes tu luy pourras donques bien chanter cer-
te hymne à sa louange.

DIALOGVE SIXIESME

En ce pays y á vne vicille damnée,
Yurongne, babillarde, à medire enragée,
Enuieuse, pariure, & qui mord en riant,
Vomissant de sa bouche vn noir venin puant.
Qui scait, quãd elle veut, sãs nasselle, ou engin,
Avec vn baston seul outrepasser le Rhin.
Ayant aussi debat, fuyant toute concorde,
Et qui deux freres peut mettre en dure discord:
Les deux yeux de trauers, & le nez de faucon,
Les baulieures aussi plus noires qu'vn charbõ;
Boyteuse, chassieuse, & de face transie,
Prompte à faire tout mal, de tout biẽ ennemye;
Le col long, & courbé cõme cil d'vne grue:
De ce qu'elle á de poil, toute grise & chenuë:
Les ongles trop plus lõgs, & de crasse chargez,
Que les ergots d'vn coq, qui á dix ans passez:
Qui les grenouilles gagne à son aise en chãtant,
Et imite de voix vne chieũre belant.

T H E. Elle chante donc quelque fois? P O L.
Le plus souuent, & mesmement quand elle est
yure, ou qu'elle á quelque malade entre mains,
duquel elle effere bõne prattique. Car elle prend
lors vn vieil manicordion, qu'elle á en sa cham-
bre, puis, en grattignãt de ses grãds ongles sus les
marches, elle triomphe de chãter, ou (pour mienx
dire) beler. T H. Mais celà ne fait riẽ au propos:
ie te prie persyste de la depaindre. P O L Y L O.

Le lieu, qui pour raison du poil peut estre beau,
 Est aussi nu qu'un œuf, ou qu'un pelé naueau.
 De sa bouche monstreuse on la voit escumer
 Tout ainsi qu'un roussin qu'on a fait galloper.
 Elle ayme de rechef (dont sommes ebays)
 Estre du nez infecte, ainsi qu'une brebis.
 Elle a son tors regard de beaucoup plus hideux
 (S'elle prend conurechef) qu'un hibou malheu-
 Bref, tu dirois alors, Certes nature a fait (reux.
 (Pésât faire une fême) un vray mōstre parfait.
 Elle sent sous les bras le pourry, l'eschauffé,
 Plus beaucoup qu'un vieil bouc de la chieure es-
 A la table murette, et babillard au liēt: (chaufé.
 Qui mord, qui frappe et rue, et qui chacū maudit.
 Mangeant ou rien, ou peu, s'en cōpagnée se voit:
 Et qui, se sentant seule, un mouton mangeroit.
 Elle ploure, s'on rit: & son ploure, au contraire,
 Elle prend son plaisir & à rire & à braire.
 Aux estuues s'en va douze fois en l'année,
 Pensant par là polir sa vicille peau ridée.
 O sorciere insensée! ô mere à Lucifer!
 Pèses-tu bien blāchir un corps plus noir q'fer?
 On pourroit biē pl' tost blāchir un noir corbeau,
 Que faire changer face à ta tant laide peau.
 Tu rottes au matin, & toute nuit tu vesses,
 Tu vomis à mydi: voy là pas tes proesses?
 Aux pauvres affligez, en lieu de medicine,

DIALOGVE SIXIESME

Tu donnes le venin, qui les tue & ruine.

Bref, on te doit nōmer, ayant cognu ta vie,

Du beau nom de Thais putain d' Alexandrie.

THE. Tu l'as certes depainte de ses viues couleurs, si ce, que tu m'as dit parauant, est vray.

PO L. Comment? Il y en a bien d'autres : car afin que cette peruerse & contrefaite chieure puisse mieux & plus aisemēt abuser les pauvres gens, elle se fait renommer estre très experte en la cognoissance des vrines. Voire & se vante sans aucun front, qu'elle cognoist par icelles certaines choses, qui n'ont iamais parauāt esté cognues ny entendues d'aucun. Si on luy apporte de l'vrine de quelque ieune femme, Elle est enceinte (dit-elle) & mōtre incōtinent la raison de son dire en l'vrine qu'elle tiēt en ses mains. Et son luy en apporte de quelque vieille ridée cōme elle, Ceste femme (dit-elle aussi tost) a la matrice trop froide, & pleine d'humeur froid superflu: diuinant cōbien elle a eu d'enfans de chaque mary, si elle en a eu plus d'un. TH. Voylà de grāds cas: mais elle diuine parauenture ainsi, par quelque crible, ou autre instrumēt propre à faire charmes & sorcelleries. PO. Cōment donc? Mais il y a bien encore quelque chose: c'est, qu'il y a encore aupres du village de la sorciere, de qui nous auōs parlē, vn ranaudeur, qui fait aussi du

medicin:

medicin: car il fait vn médicament de petits re-
 taillons et pieces de drap, pour purger la pituite
 à tout hōme, à qui il le dōne: & a apprins celà
 (cōme il dit) d'un vieil bouquin de liure, qu'il
 trouua au cofre de sa mere grād, apres qu'elle fut
 decedée, laq̃lle estoit aussi sorciere: dedās lequel il
 estudie encore de rechef, quand il n'a point de
 chausses à racoustrer. TH. Ie suis biē deceu, si l
 ne fait vn grād thresor de ce liure, par le moyen
 duq̃l il est en si peu de tēps deuenu, de ranaudeur
 de chausses, docteur medicin des hōmes. P. Thre
 sor! ouy certes: & de fait, la marge d'iceluy est
 pleine de glause, qui assure le lecteur, q̃ tous les
 remedes, cōtenuz au fueillet, ont esté esprouuez
 plusieurs fois. T. Et le possesseur d'un tāt p̃cieux
 liure, l'estime-lon aussi beaucoup? PO. Merueil-
 leusement: voire & en telle sorte, qu'un chacun
 va disant de luy la sentence d'Homere.

Le petit corps la grand vertu possede.

TH. Se cognoist-il en l'vrine? P. Et quoy donc?
 Quand il a vne fois colligé en huiēt iours vne
 pleine fiole de l'vrine d'une chieure qu'il nour-
 rist, il p̃dist aux bōnes gens laboureurs, quel tēps
 doit suyure vn mois aps. C'est vne chose p̃sques
 incredible, neātmoins elle est plus que veritable.
 Si l'vrine est subtile et de couleur de citron, avec
 vne bonne hypostase, il assure de noir en suyure

DIALOGVE SIXIESME

beau temps & serain, propre pour labourer la terre. Que si elle est blâche & espesse (que nous appellons, crue, & sans hypostase) Attendez vous bonnes gens (dit-il) d'auoir de la playe, du brouillas, & mauuais temps pour cultiuer.

THEOPHRASTE. Je conseillerois, que on le monstrast au doigt, cōme le plus excellent, qui se trouue: car sans mentir i'estime celuy excellentissime, qui surpasse en prognostique, & tout autre sçauoir, Hypocras & Galien. **POLYLOGE.** Je serois aussi de cet aduis. Mais affin que telle canaille, vrais supposts de Lucifer ne nous face par trop extrauaguer de nostre propos, ie te supply bien fort, me dire, quel temps il faut choisir, quand on veut donner quelque medicine laxatiue. **THEOPHR.** Auicenne le t'enseigne en la quatriesme partie de son premier liure, au cinqiesme chapitre, disant ce qui s'ensuit. Il faut sçauoir (dit-il) que le temps, auquel on veut prēdre medicine, ne doit estre trop chauld, ny excessiuement froid aussi. Monstrant par là, qu'il y a deux parties de l'an propres & idoines pour ce faire, à sçauoir, le printemps, & l'autonne. Il faut oultreplus noter, que, soit en autonne, ou au printemps, qu'on prenne medicine laxatiue, on ne la prenne forte & vehemente, ains la plus douce & delicate qu'il sera possible

sible de faire pour le mieux, propre pour euacuer l'humeur superflu qu'on veut euacuer, & qui non seulement ne blesse ny debilité point la chaleur naturelle & les parties nobles ou elle habite communement, ains les reiouyssé, conforte, fortifie, & corrobore: cōme pourroit estre aloé, toutes les sortes de myrobalans, la Rheubarbe, la casse extraicte, la manne, & semblables. Voy là tout, quant à ce poinct. POLYLOGE. Ouy bien quant à cetuy là: mais l'autre, qui parle de la region & pays. THEOPRASTE. Il est vray: Il faut qu'elle ne soit point exposée au vent de bise, ou aquilon autrement, ny à celuy de mydi. Car le premier par sa frigidité ferme les pores & empesche la solution des humeurs, & l'autre rend les corps lasches & debilitēz outre mesure: mais il faut regarder qu'elle soit entre deux, ny trop froide ny trop chaulde & humide, mais vn peu participante du chauld, & semblablement vn peu de l'humide. Tout ainsi que des personnes: car on purge plus volōtiers ceux, qui sont chaulds & humides, avec mediocrité, que ceux, qui sont froids & secs, ou froids & humides. POLYLOGE. Et quant à l'age, qu'y faut-il regarder? THEOPHR. On ne doit purger ceux, qui ne sont encore venus en age competant de pouuoir porter médecine, ny

DIALOGVE SIXIESME

ceux aussi, qui sont trop chargez d'aage, & vicillesse, d'autant qu'ils ont en premier lieu les intestins debiles, & la chaleur à demy morte et flestrie, qui est toutesfois la chose, qu'on doit plus diligemment considerer, selon Auicenne, & tous autres. POLYLOGE. J'enten biẽ, qu'il faut aussi prẽdre egard au sexe. THEOPHRASTE. Aussi faut-il, Polyloge: car vne femme doit estre autrement purgée, que non pas vn homme. D'avantage aussi faut regarder aux artifices & mestiers: car en maniere de purgation le pescheur est autant different du charbonnier, & le meunier du verrier, que la rose du chardon. POLYLOGE. Je voudrois bien entendre, que c'est: d'aucuns ne prennẽt iamais, ou pour le plus que bien peu souvent, purgation, ains au lieu de ce se font saigner souvent, & neantmoins ie les voy en tresbonne santé. THE. Ceux là prennent par aventure garde diligemment aux conditions, qu'Auicenne dit deuoir estre considerées en toute saignée. Non pas noz medecins, ou plustost cuisiniers de village, qui le plus souvent sortans de la tauerne, ou ils s'en sont donné par la teste ainsi qu'il faut, s'en iront ordonner la saignée, aussi tost qu'on les mande, à quelque pauvre homme laboureur, & là, sans aucune consideration de leur fait, vous respan-

dent

dent & arrachēt du sang à si grand marché & grande quātité, que si c'estoit eau pure, ou autre liqueur plus mesprisee & inutile encore: En sorte qu'ils en enuoyent d'aucūns sus l'heure mesme ad patres, faire les bleds, les autres languissent iusques au lendemain, ou par auenture iusques à deux ou trois iours: à d'autres ils suscitent de longues maladies, & preparent & acoustrent tellement les corps des autres, qu'ils demeurent toute leur vie ou paralitiques, ou etiques, ou payez de quelque autre telle deformité & misere. Je laisse encore ce, que lesdits laboureurs (quoy que ils soyent de nature chaulde) vsent en leur manger quotidien, apres auoir esté saigne, d'aux & d'oignons cruds, viande plus que propre pour rendre le sang visqueux, gros, & contraire à sa naturelle qualité. D'autres se traictent de raues, et pastenades, pēsans faire quelq̃ beau chef d'euure, & disent, q̃ la viande est plustost beaucoup digeree par le moyē des raues, & que les pastenades eschauffent et incitēt à Venus: cōme si vn homme saigné auoit neceſſité d'exercer Venus, vray moyen de dessecher le corps: mais plustost s'ils ne la doiuent pas fuir et eiter par toutes manieres, qu'il se pourra faire, se souuenās q̃ Hippocrates l'appella briefue epilepsie. Encore y en a-il d'autre sorte tāt stupide, qui vous deuorēt des choux:

en aussi grand appetit, que tu ferois de la dragée:
 Ven qu'en vsant d'iceux ils engendrent vn sang
 corrompu, & de soy mesme lepreux. POLY.
 Il y a donques danger en la saignée. T H E O.
 Ouy, bien grand, quand elle n'est deuëment or-
 donnée: car ie te pry, quel tort est-ce faire à na-
 ture, en tirant du sang à trop grand foison, Ven
 que le sang est la source, & receptacle des es-
 prits, l'appast & nourriture de toutes les parties
 du corps, & le precieux thresor de la vie? P O-
 L Y L O. Pourquoy donc n'ensuit-on Crysip-
 pe, dit des Grecs αἰμόφορον, par ce qu'il abhorroit
 la saignée, & qu'entre la scète medicinale il n'y
 a deffense expresse de plus saigner personne,
 quelque commodité qu'il semble s'offrir? T H.
 Pourquoy! d'autant que, si la saignée est accom-
 modée en temps & lieu, elle sert de beaucoup nō
 seulement pour contregarder la santé en bonne
 disposition & estat, mais aussi pour subuenir
 contre plusieurs maladies d'agereuses, qui pour-
 roient estre deia engendrées. Comme doctement
 le tesmoigne Rase, au liure septiesme de ses diui-
 sions, quand il dit que nature monstre assez que
 elle a besoing d'ayde & secours par diminution
 & detraction de sang, enuoyant flux de sang
 par le nez de son bon gré, par le siege ou fonde-
 ment, qu'on appelle Hemorroïdes, & en rendāt
 quel-

quelque fois le crachat sanglant, & l'vrine rougeastre & sanglante. POLYLOGE. Rends donc la raison, pourquoy celuy, qui premier inuenta de saigner les hommes, fut mis à mort les yeux bendez. THEOPHRASTE. Parce qu'il en abusa, & nō pas parce qu'il l'inuenta: car il saignoit iournellement sans aucune consideration des choses predites, à sçauoir, de la regiō, de la cōplexion, de l'aage, du sexe, du tēps, & de l'estat & artifice. POLVOIRE, mais nous lisons biē, que depuis Auensoar a saigné vn enfant de trois ans, veu qu'il n'est licite de ce faire, qu'apres quatorze, selon Galien, & ce par deux raisons: la premiere, parce qu'ils sont prompts à se resoudre, à cause de la chaleur externe: la secōde. pourtant qu'ils ont besoing de double alimēt, pour ce qu'ils croissent incessammēt. TH. Cela ne nous doit point emouuoir, Polyloge: car cōbien qu'il ait esté de grād sçauoir, neantmoins il a peu faillir: & est vne chose plus que ridicule, qu'aucuns tiennēt, depuis qu'ils ont gousté quelque vertu d'vn personnage, iceluy ne pouoir faillir: veu que plusieurs anciēns docteurs le confessent d'eux mesmes clairement. POLY, J'ay veu vne autre chose des mes yeux, Theophraste. J'ay veu saigner vn hōme aagé de septante ans, & qui disoit en auoir eu le cōseil d'vn

medicin tres famé. Iasoit que le cōmandement
 d'Auicēne soit repugnāt, qui deffend aux vieil-
 lards, de se faire saigner, pour vne cause, qui est,
 d'autant qu'ils ont plus de sang mauuais, que de
 bon: & en se faisant saigner, ils euacueroyent
 ce de bon, qui seroit au corps, & retiendroient
 le mauuais & superflu. T H E O. On s'ar-
 ste quelque fois à la maladie, Polyloge: & de
 fait, Galien commande de saigner vn homme
 vieil, s'il a les veines larges, pleines, & s'il
 n'a point perdu sa force. Mais hors la maladie
 tous medecins le deffendent, & singulierement
 Rase, qui deffend à tous hōmes aagez de soixā
 te ans, de se faire ouurir la cephalique, à ceux de
 cinquante il deffend la noire & mediane, &
 la basilique, aux septuagenaires. P O L Y L O.
 Faut-il regarder de si pres seulement aux vieux?
 T H E O P H R A S. Nenny: ains se doyuent
 tous ceus garder diligemment de la phlebotomie,
 qui sont n'agueres releuez de qlque lōgue mala-
 die, ou reuenuz du bain, ou des estuues, ou qui ōt
 exercé Venus vn peu deuāt, ou endure la faim,
 ou qui ont l'estomac debile, & des humeurs gros
 & visqueux, s'ils ne veulent acheter la saignée
 bien cher, à scauoir, par le pris de leur propre vie.
 En oultre Galien deffend à tous desbordez,
 yrongues, gormans, & qui n'ont autre dieu
 que

que leur ventre, de prendre purgation ny saignée en quelque temps que ce soit : car (comme il dit) s'ils estoient euacuez en aucune sorte, ils se rempliroient incontinent apres d'humeurs crues & mauuaises, entant qu'ils continueroient leur yuongnerie & gormandise, comme parauant. P O L Y L O G E. Ily a donc à regarder & choisir le temps en la saignée, aussi bien qu'en la purgation : car tu dis, qu'ils ne prennent saignée en quelque temps que ce soit. T H E O P H R A S T E. Et en es-tu encore là ? n'est-il pas plus credible que le printemps, qui est temperé, & de mesme qualité que le sang, à sauoir, chauld & humide, est plus propre, pour la saignée, q l'esté, ou l'hyuer, en l'un desquels trop grande secheresse & chaleur abonde, & en l'autre trop grande froidure ? Il est tout certain. Et par tant faut retenir iceluy printemps pour la saignée, d'autant que le sang est en ce temps là plus abondant. L'autonne aussi ne sera trop mauuais, pour luy estre acouplé : par ce qu'il est, peu s'en faut, temperé. Quât à l'hyuer et esté nous ne les receuons au nombre, pour les causes qui s'ensuyuent : desquelles la premiere est, qu'en hyuer le froid espost le sãg, et le red immobile & peu idoyne à couler : en esté aussi les humeurs internes, cõprises avec le sãg,

DIALOGVE SIXIESME

sont echauffées & emeuës, & la chaleur naturelle debile. Oultre plus faut cōsiderer plus haut, à sçauoir, iusques aux signes du zodiaque. Et lors ceux, qui sont pituiteux, & se veulent faire saigner pour cette cause, doyuent choisir pour ce faire les signes coleriques, c'est à dire, chaulds & secs: comme sont Aries, Leo, Taurus. Ceux, qui sont melancholiques, & y veulent remedier par la saignée, se doyuent elire les signes sanguins, c'est à dire, chaulds & humides, comme Gemini, Libra, Aquarius. Les coleriques doyuent choisir les signes flegmatiques, comme sont Cancer, Scorpio, Pisces. Les sanguins doyuent attendre les signes melācholiques, à sçauoir, Virgo, Capricornus, Sagittarius. Il ne faut aussi pas mespriser les parties de la lune: car elle est aussi bien diuisée en quatre parties, que le soleil: & en la premiere partie, qui est (selon le tesmoignage de Ptolemée) chaulde & humide, les adolescens, aagez de vint & cinq, ou trente ans, se feront saigner, s'il sen ont besoing: en la seconde, qui est chaulde & seiche, les ieunes hommes de l'aage de trente cinq, ou quarāte ans: en la troisieme, froide & seiche, les hōmes meurs et rassis, aagez de cinquante ans: en la quatrieme, qui est froide & humide, les vieillards, si la nature de la maladie le requiert. Encore n'est-ce pas tout: car il se faut
donner

donner garde, de toucher le membre du signe, auquel est la lune pour lors, comme cōmāde expressément Manfradus. P O. La femme à mon voisin auoit proposé de se faire saigner auourd'huy, mais (à ce que ie vois) il me la faut admoester de s'engarder, par ce qu'il fait froid. T H. Elle est enceinte, comme ie pense. P O L. Mais bien fort, prochaine d'enfanter. T H E. Qu'elle s'en garde donc, s'elle veut: car il luy coustera bon, si elle l'entreprend. Et pour confirmation de mon dire, il ne faut que lire ce, que dit Hippocrates, au trente & vniesme aphorisme du cinqiesme liure. Toute femme (dit-il) qui est enceinte, auorte, si elle est saignée, & principalement si le fruit est ia grād. I'açoit que toutes n'auortent pas, mais celles, qui se font beaucoup tirer de sang. P O L Y L O G E. Ie fay certes telle estime de la saignée, et l'estime vn si excellent moyē & remede pour la santé, que ie n'en vse du tout point. T H E O. Tu ne l'as volontiers point accoustumé. P O L. Non. T H E. Ne l'accoustume point donc encore, s'il est possible: car si, estant vieil, tu voulois te faire saigner, & tu ne l'auois accoustumé, tu te mettrois en danger de pasmoyson. P O L Y L O G E. Et si quelque bon homme vieil l'a accoustumé, doit-il, continuēr? T H E O P H R A.

DIALOGVE SIXIESME

Nenny: mais s'en abstiène plustost peu à peu, cōme s'il auoit acoustumé d'estre saigné quatre fois, ou plus, ou moins, en l'année, luy estant en aage de vingt & cinq ans, qu'il s'accoustume de ne l'estre que trois, quand il en aura quarante: puis à cinquante, ou soixante, qu'il ne le soit qu'une. Combien qu'en tel aage les auteurs plus doctes sont d'aduis de ne plus saigner, ains ventouser plus tost: car s'on vêtouse en temps deu & lieu propre & commode, la ventouse sert de saignée. POLYLOG. Quel temps estimes-tu propre pour ventouser? T H. Le tēps que la lane est pleine & rend plus de lueur, & que la premiere & seconde digestion est faite: car alors les humeurs sont plus respandues & disperseees par les parties du corps hors les veines, qu'en tout autre temps. POLYLOGE. Et n'y a-il que ce temps, qui soit propre? T H E. Si a des: & tel temps a esté appellé des anciē, contreint: pour autant que pour la necessité on ne peut attendre le tēps legitime de ventouser, mais est-on contreint de ce faire à toute heure, qui s'offre & presente. PO. I'entens à present trop celà. Mais à quelle fin et pour q'lle occasion applique-lon la vêtouse? à quoy sert celà? T H. Il sert pour deux causes, en partie pour euiter danger de maladie, & en partie aussi pour la chasser & gua-

rir, si elle estoit ia acquise: car elle bannist diuerses maladies, selon la partie, à laquelle elle est appliquée: cōme le mal de teste engèdré d'abondance de sang, ou de colere, si elle est appliquée à la nuque & derniere partie d'icelle, avec scarification: la rougeur de face qu'on nomme couperose, appliquée sous le menton: elle tient aussi le lieu de la veine, dite basilique, saignée, mise sus les reins, & sus les hanches: appliquée aux iambes elle sert, cōme s'on saignoit les dites iambes par ouuerture de quelque veine d'icelles: elle proffite en oultre aux rheumatiques de long tēps, appliquée à la poitrine, ou aux espaules: aussi fait-elle au mal des yeux. Bref si la vëtonse est applique au lieu, ou qlq beste venimeuse auroit mors, elle a singuliere propriété d'extraire et attirer le venin. P. Tu as dit, avecques scarificatiō: neantmoins i'ay plusieurs fois ven vëtonser sans scarifier aucunemēt. T. Je croy bien: et qu'ainsi soit, quād on vëult arrester la trop impetueuse effusion de sang, qui se fait par la narine dextre, il n'y a au monde plus souuerain moyen ny remede, qu'appliquer soudain la ventouse au mesme costé dextre, sans rien scarifier, ou couper. & si c'est par la fenestre narine, que le sang decoule, l'appliquer semblablement au fenestre costé. Oultreplus si elle est

DIALOGVE SIXIESME

appliquée sous les mammelles d'une femme, qui a ses fleurs en trop grande abondance & quantité, elle les arreste aisement: & appliquée au contraire au gras & derrière des iam-
bes, elle les ement & contraint sortir. On a de coustume aussi de l'appliquer au front, pour dessecher les rhumes: & à la nuque, pour le secours des paralitiques: car ainsi elle echauffe les nerfs: elle restreint finalement le vomissement, & le hoquet, si elle est appliquée à la partie interessée. Les sangsues ont cette mesme propriété d'attirer, hors mis qu'elles attirent avecque plus grande vehemence.

POLYLOGE. Il y a (ce semble) tant long temps, que tu parles d'euacuation, & par combien de moyen & sorte elle se fait & tu ne dis rien de Venus, combien que Constantin, hōme doctissime, l'appelle moyen singulier de garder la santé.

THEOPHRAS. Si tu veulx ie te reciteray en bref, ce que i'en ay peu colliger des auteurs par & par là. Car ie me delecte pour deux raisons à parler de tel cas: la premiere, d'autant que tous hōmes sont de leur natarelle inclinatio amoureux d'habiter avec les femmes, et les femmes avec les hōmes, tant pour raison de quelque plaisir & delectation qu'ils disent en recevoir, que aussi pour croistre,

stre, & engendrer lignée: la seconde, pource
que Venus est entendue sous la cinquième cho-
se non naturelle, qui est inanition & euacua-
tion. POLYLOGE. Je le veulx bien,
& si t'en prie, Theophraste. THEO-
PHRASTE. Sçaches donc, que, si Ve-
nus n'est point trop fréquentée & exercée,
ny en temps impropre & indeu, elle entre-
tient l'homme en tres bonne santé, selon Ga-
lien. Et s'il y a faute en l'un de ces deux
pointz, elle nuyt, au lieu d'ayder. Car en l'ex-
ercant trop souuent, & respendant ainsi pro-
digalement & en trop grande abondance
le sperme & la semence, qui est faite de la
meilleure substance de tout le corps, & par
laquelle il est soustenu, il ne s'en peut moins
ensuyure, ayant perdu le fondement du corps,
sinon que celuy corruë, s'amaigrisse, s'en-
vieillisse, & auance sa mort & sa fin: à quoy
semble s'accorder Hippocrates, appellant Ve-
nus briefue epilepsie, comme nous auons de-
ia dit vne autre fois. Que si au contraire on
s'en absente par trop, & retient-on la se-
mence trop long temps es vaisseaux & re-
ceptacles ou elle est contenuë, les muscles en
premier lieu, qui sont ioygnant les aignes, se
retirent & roidissent, les testicules s'enflent cu-

DIALOGVE SIXIESME

tre leur nature, sieures suruiennent, le cer-
 ueau est endommagé, la chaleur naturelle est
 estranglée, & tout le corps s'appesantist. D'ou a
 esté emeu Celse, à demontrer, qu'il ne failloit ny
 trop, ny trop peu habiter, par ces deux vers.
 Le bain, le vin, Venus, perdent le corps humain:
 Qui garde nostre corps? le vin, Venus, le bain.
POLYLOGE. Si donc quelcun exerce Ve-
 nus en temps deu, & autant qu'il faut, c'est à
 dire, avecques mediocrité, quelles commoditez
 s'en ensuyuent? T. Si l'habitation se fait, cōme
 nature l'enseigne, avecques la fēme, et que ladi-
 te femme n'ayt pour lors point ses fleurs (car on
 pourroit de là deuenir enrrouē, aquerir chancre,
 & la lepre) il en prouient vn grandissime biē:
 par ce que premierement, le corps est deschar-
 gé de cette superflus humeur & semence: secon-
 dement, la vertu naturelle est rendue plus agile.
 & disposée pour faire son estat, & vaquer à
 son office, principalement es corps forts & robu-
 stes, ieunes & accoustumēz d'habiter: tierce-
 mēt, le chemin est couppe à toutes maladies pro-
 uenantes de flegme & pituite, l'esprit en est
 plus à son aise, les fascheries sont abatues, la me-
 lancholie mise soubs le pied, les insensez re-
 tournent à cognoistre raison, la fureur & rage
 est apaisée, le cors parauant deffait, maigre, &

cacochime, est reduit à sa premiere & naïue constitution, & en-bon-point: on en dort plus profondement & avec moins de peine, les sens stupides & hebetex s'eueillent & excitent, l'appetit perdu est restauré et reconuert: & (afin que ie ne nombre les estoilles, i'acheueray en vn mot) le corps & l'esprit en reçoient aлегement, ayde, & souuerain secours. P O L. Ne faut-il point auoir egard au temps propre pour habiter, aussi bien qu'en la saignée & purgation? T H E O. Si fait: & iceluy se pourra colliger par ce que dit Celse: Habiter de iour (dit-il) est mauuais: & de nuict, tres bõ. Et par ainsi tu voyz, qu'habiter de nuict est le temps propre, & commandé par Celse. Mais il faut oultre celà noter, qu'il faut attendre, que les deux premieres digestions soient paracheuées: combien qu'habiter au cõmencement de la nuict ne soit mauuais, d'autant qu'apres s'ensuit vn sommeil doux & profond, pour reconuertir les esprits perdus avec la semẽce. On se doit aussi garder de se fâcher, ou au cõtraire de se reiouyr par trop, deuant qu'habiter, d'endurer aussi longuement la faim, de prendre melancholie, de se baigner, ou estauer, de s'exercer oultre mesure, & de s'enzyurer. Car quicõque mesprise ces choses, se nuyt beaucoup, & principalement son s'enzyure. Ce

DIALOGVE SIXIESME

qui est aisé à voir es gens yures & rempliz, qui respendent sans coniunctiõ aucune la semẽce par trop imbecille pour engendrer, comme dit le philosophe. Leurs femmes aussi sont le plus souvent (comme on le voit) subiettes à longues maladies. Celse est d'aduis aussi qu'on prenne egard aux parties de l'année, & dit qu'habiter en hyuer n'est pas du tout nuisible, qu'il est tres vtile au printemps, & dommageable en esté, & autonne. POLYLOGE. Voyre, mais si durant ce temps, on ne se peut abstenir à cause de la chaleur des reins? T H E. Les medecins conseillent, que, pour y remedier, on applique aux reins vne lame de plomb trouëe de plusieurs pertuis, ou qu'on les frotte avecques de l'huile d'oline & du iust de iombarbe, ayant premier mangé de la rue, ou en ayant mis derriere le cheuet: car ils pensent que par là la chaleur se reprime & diminuë. Ils commandent aussi par fois, de manger des pierres precieuses, ou les boire avec du vin, les ayant puluerisẽes & brisẽes subtilement, disant, qu'entre autres le saphir & l'esmeraude ont occulte proprieté de refroidir & diminuër l'ardeur de la semence. POLYLOGE. Vrayement il ne me faut, quant à moy, ny plomb, ny pierres precieuses, pour me refroidir: i'ay

dir: i'ay assez, voire plus que trop suffisante
medicaine à ma maison pour celà, ayant vne
femme, & des enfans vne legion, qu'il me
faut nourrir & entretenir de mille petites ne-
cessitez, qui leur suruiennent de iour en iour,
en sorte que, si quelque fois il me vient enuie
de me resiouyr avec ma femme, voy-cy aussy
tost l'un qui crie, l'autre qui demande, & les
autres, qui m'appellent par quelque autre cho-
se, en sorte que, quelque enuie que i'aye de pas-
ser melancholie, il me la faut, bon gré mal gré,
recommencer. T H E O. Et quelle peine y a-
il tant en mariage? I'ay toujours estimé, que tout
y estoit doux, amyable, & plaisant. P O L O
que la guerre est douce à ceux, qui ne l'ont han-
tée! Tu y trouueras certes (amy) plus de fiel
que de miel, si tu compasses la chose de pres:
veu qu'il faut iournellement auoir soing &
du passé, & de l'aduenir: comme on pourra
acquerir du bien pour l'aduenir, & par quelle
sagesse on pourra gouverner deuëment celuy qui
est ia acquis. Il faut penser aux petits menuz
meubles de la famille, ouyr le bruyt & la crie-
rie des enfans, sentir leurs drapeaux, tant de-
bourser d'argent pour cecy, pour celà. Ie ne par-
le point encore de l'importunité de la femme,
qui me rompt iour & nuict la teste de deman-

DIALOGUE SIXIESME

der. Prestez-moy, ie vous prie (dit-elle)
 donnez moy, ie vous supplie: achettez cela,
 pour Dieu: là là, peschez à la bourse, mon
 amy: nous n'auons plus de pain, le vin est fail-
 ly, il ny a plus de chair, de sel, de laiët, de
 beurre, de fromage, & si la cheminée se
 plainët de n'estre plus chauffée. Encore seroit-
 ce peu de cas, si, ayant fait à ma femme, i'a-
 uoïs fait à tous: mais aussi tost que i'ay fait paix
 avec elle, & qu'elle a ce qu'elle demandoit,
 Voy là le chandelier, mon pere (me vient-on
 dire) qui est là bas à la porte, qui demande de
 l'argent: voy là le cousturier, le sauettier, le
 charbonnier, le patissier, le frippier, & vn tas
 d'autres belistres, qui demandent, qui prient,
 qui supplient, & qui souuent commandent,
 qu'on leur donne argent, ou qu'ils enuoyront
 sergent pour executer. Ne voy là pas v-
 ne gente douceur? vn singulier plaisir &
 deduit? & vn souhaittable repos, qui est en
 mariage? Que t'en semble? THEOPH. R.
 C'est vn enfer, à ce conte. O que tu es heu-
 reux! mais à la fin, quel remede donnes-tu à
 tant de besongnes? POLYLO. Le plus
 souuent ie me tays, & tiens coy, d'autres fois
 ie me courrousse, & d'autres fois ie suis con-
 traint leur laisser la place & m'en aller aux
 champs,

champs, pour ce iour, tout morne & pensif.

THEOPHRASTE. Tu n'as donques
iamais l'esprit libre, ains toujours tormenté:
car se courrousser, craindre, & prendre sou-
cy, sont passions & tormens de l'esprit, se-
lon tous mediciens, & sont la derniere chose
non naturelle de toutes celles, que nous auons
iusques icy traictées. **POLYLOGE.**

Seruent-elles de quelque chose pour contre-
garder la santé? **THEOPHRA.** Ouy,
moyennant qu'on en vse comme des autres,
c'est à dire, alors qu'il le faut. **POLYLO.**

Dys-en donc quelque chose, ie te pry, Theo-
phraсте, affin que tu aye acheué ce qu'il faut
dire de tout cet affaire. **THEOPHRA.**

Ie serois d'aduis que tu attendisses après dis-
ner, Polyloge. Le pourras-tu bien faire?

POLYLOGE. Ouy dea: c'est tres bien
dit: aussi bien ay-ie bon appetit. Adieu donc
iusques à là. **THEO.** Adieu.

DIALOGVE SEPTIESME
L'ARGVMENT DV
septiesme dialogue.

Il faut prendre egard aux passions de l'ame & esprit, pour contregarder la santé de maladie.

THEOPHRASTE.



O là, Polyloge. POLY. Ha, est-ce toy, Theophraste? THEO. Et qui donc? Veulx-tu pas, que nous mettions tost fin à cette septiesme chose non naturelle? POL. Je t'en supply. Je pensois certes, que tu n'eusses disné: mais à ce que ie puis voir, tu es plus diligent que moy. THEO. Or pour commencer le propos, la sixiesme chose non naturelle, sont les accidens de l'ame, & de l'esprit, dits des Grecs *πάθη*, qui est autant à dire que passions & affections: comme sont, ioye, fâcherie, tristesse, crainte, enuye, haine, fureur, & autres semblables. POL. Pourquoi en nombres-tu si grand nombre? THEO. Par ce que toutes peuuent ou contregarder nostre santé, ou la destruire & ruer bas. POL. Quand la peuuent-elles destruire? THEO. Quand on n'en vse pas comme il faut, comme toymesme as peu lire par les

les histoires. Ne raconte pas Valere le grand, que deux femmes sont de son temps mortes & expirées de trop excessiue ioye? Et Hali, au cinquième de sa theorique, au dernier chapitre, n'en dit-il pas autāt d'un Harnesius? Et en semblable maniere tu liras dedās des autres les vns auoir esté morts subitement de fascherie, qui leur est suruenue, les autres deuenuz paralytiques & impotens de leur corps, plusieurs aussi estre tombez en fieures plus que pernicieuses. cōme Galien le monstre clairement au liure des causes des maladies. Je passe, combien de dangers aduiennent de peur & crainte non esperée, ven que l'experience le monstre assez tous les iours. car plusieurs en tombent en epilepsie, les autres se pasment sur l'heure mesme. Je ne dy rien aussi de la fascherie & angoisse, laquelle renuoyant la chaleur naturelle au profond du corps, engendre des fieures diaires & iournalles: puis avec le temps quand la chaleur & ardeur est augmentée, les parties nobles sont interessées, & de là s'ensuit vne fieure etique, qui precede la mort. Galien parle exactement de toutes ces choses, au premier liure du regime de la santé, quand il dit: Il faut que tout homme, qui se veult garder en santé, se donne garde de ne corrompre point les meurs de son esprit. Car,

fureur (dit-il) qui est vne fole confiance, tristesse, sollicitude, ire, enuie plus grande qu'elle ne doit, corrompent la force naturelle, & sont principes de fieures & autres maladies: d'autant (comme dit Auicenne) que par ce moyen la digestion est empeschée & corrompue, d'où procedent & sourdent infinies maladies & aduersitez. P. O. L. Y. Je n'ay garde de rien oblyer de tout ce que tu dys: & pourtant tu as dit, que tout ainsi que par les passions de l'esprit s'ensuyuoient beaucoup de dangers, aussi semblablement s'ensuyuoient des comoditez grandes. Tu as parlé des incommoditez & dangers: Je te pry deduy moy vn peu les biens & comoditez, qui en viennent, & par quel moyen celà ce fait. T. H. E. O. Quand en toutes ces affections modestie est tenue, & mediocrité. Comme tres bien le declare Rase, quand il dit: Toute chose quelconque, qui reioynt l'esprit (il entend, mediocrement) & le delecte, elle enforcist le corps, eueille nature, & luy donne secours en ses actions, & proffite à tout homme sain: horsmis à celui, qui est par trop replet & charnu. car la tristesse & marriesson luy est plus cōuenable, et à tous ceux qui luy sōt semblables, que la ioye. Alexandre aussi, médecin fort famé, dit, que le corroux & la facherie est

therie est proffitable à ceux, qui par maladie ou autrement ont tellement debilité leur corps, qu'ils ne peuuent rien qui soit cuire ny transformer en leur propre substance. Et si quelcun considere de pres ce qu'escriit Constantin Africain, il trouuera, que, tout ainsi que la ioye est proffitable à tous ceux qui sont de leur nature tristes & faschez, la tristesse aussi sert de beaucoup à ceux, qui sont timides, & de complexion froide. Combien que ie te pourrois alleguer Galien, prince des medecins, qui raconte aucuns (qui auoient eu de tous temps angoisse & tristesse en leur esprit) auoir receu guarison & ayde prompte, à cause de quelques biens & richesses, qui leur sont suruenues sans y auoir espoir. Voylà (ce me semble) ce que tu demandes sçauoir. P O L. Aussi l'entens-ie ainsi, qu'il faut vser de ces affections & passiōs de l'esprit avec reiglée mediocrité. T H E O. On y pour tout vray, en sorte que s'il y auoit excès d'un costé ou d'autre, il y auroit aussi quant & quant erreur. Le plus seur chemin est celuy du mylieu. Au reste, si tu as quelque chose à me cōmander, tu le peux dire librement, comme à ton amy. Quant est des six choses non naturelles, i'estime qu'il n'y a autre chose à dire. P O L. Si auroit bien, Theophraste : mais d'autant que tout trop

DIALOGVE VII. DE PICTORIVS.

est en toutes choses à couter, & qu'il n'y a (selon Plinē) chose plus pernicieuse, ie desisteray pour l'heure presente de plus t'enquester, te rendant toujours humbles graces de ce qu'il a plu à ta bonté & humanité singuliere, me respondre si librement à toutes les choses, que i'ay bien ausé hardiment te demander: suppliant au tout puissant Seigneur & createur de toutes choses, te maintenir toujours en sa seur & sainte garde. Adieu donc, Theophraste, mon amy. Ie te pry, que, si mon petit pouoir peut ayder de quelque chose à ta grandeur, tu m'espargues moins, que le moindre de tes seruiteurs, desquels ie m'estimeray, tant que i'auray vie. THEO. Adieu donc, Polologe, iusques au reuoir.

F I N.

ΑΠΑΡΧΗ ΔΕΙ ΔΙΣ.

DIALOGVE

DIALOGVE
DE L'INDVSTRIE DES ANI-
MAVX, DE PLVTARQVE: FAIT
François par Arnault Pasquet,
de la Rocheffoucault.

L'ARGVMENT DV
suyuant dialogue.

Quelqu'un vn iour auoit, avec grand ioye & delectation des studieux, dit la louange de la chasse, & exalté grädement l'exercice d'icelle. Or pour autät qu'en ce faisant auoient esté racötées quelques vertuz et admirables faits des animaux, au soupper suyuant s'ement entre les assistans tres apre dissension & dispute de ceste mesme chose: En laquelle dispute & debat, par ce qu'aucuns donnoient des vertuz & industries plus grädes à d'aucunes bestes, & d'aucuns à d'autres, selon leur iugement & aduis, ou selon l'affection qu'ils portoient à l'une chasse plus tost qu'à l'autre: à la par fin la dispute, ia par la chaleur du vin, ou de la contention presente, diuisée en deux parties, s'accroissoit en disputant, & augmentoit fort. Toutes fois pour cause de la nuict ia beaucoup auancée, &

des disputas aussi, qui auoyent pour cette heu-
re assez bien ben, on ne sceut pour ce soy
mettre fin au propos, Parquoy promesse fut
faite & la main donnée entre les parties dif-
feretes, que le lendemain par iuges et arbitres
idoines & suffisans pour decider d'un tel
fait, la dispute seroit cōclue & arrestée. Les
arbitres furent Autobule, Soclare, & Opta-
te, tous trois experts en la nature des ani-
maux, & tres grands philosophes. Le iour
suyuant, aussi tost qu'il fist iour, ceux, qui de-
uoient disputer, s'assemblerent au lieu de pu-
té, animez grâdemment chacun pour son par-
ti. Aristotime tient la part des animaux de
la terre, & Phadime celle de ceux de l'eau.
Les iuges & arbitres du procès, attendans
le commencement de la dispute, cōcluent en-
tre eux (comme il appert) par solide dispu-
te, qu'il y a sans doute quelque raison es
bestes; laquelle est par apres amplement cō-
firmée par un grand nombre d'exemples a-
portées par ceux qui disputēt. Au reste tou-
te la dispute s'adresse à ceux, qui ont ausé,
et ausent encore à present denier aux bestes
la raison, laquelle appert clairement y estre
par plusieurs argumens, & exemples tres
certaines.

AVTOBVLE, SOCLARE, Optatc, Aristotime, Phædime.

AVTOBVLE.



LYrtée, excellētissime poëte Athe-
nien, interrogé quelque fois par
Leonides Roy des Lacedemoniēs,
quelle estime il auoit d'vn poëte,
luy fit response, qu'il l'estimoit merueilleusement
bon & propre pour orner l'esprit des ieunes gēs:
par ce que par ses Vers il engendroit avec vne
ardeur d'esprit vne force si grāde aux cerueaux
des ieunes hōmes, qu'ils estimoyēt par apres bien
peu & mesprisoient du tout toutes sortes de pe-
rils qui se pouuoient offrir en guerre & cōbat. Je
doute aussi certes, q̄ cette louāge de la chasse, qui
fut hyer dite, & tāt biē receuē d'vn chacun, n'ayt
par trop emēu l'esprit de nōz ieunes gens, de sor-
te et façō que, mesprisans et laissant arriere tou-
te autre chose, ils soyent du tout adōnez à icelle
seulement. Car moy mesme (à dire vray) cōme
ayant de rechef recouuert mes premiers ans, mo-
sens aucunement plus emēu, que ne porte &
desire mon aage vieil & caduc, voyre & de
fait me semble à present recréer merueilleuse-
mēt, & (à l'imitation de la Phedre d'Euripide)

Inciter chiens à tost se mettre en queſte
Du Cerf, cheureul, & autre rouſſe beſte.

Tant m'a emeu ce narré & louange de chaffe!

SOC L A R E. Tu diſ certainement Verité, a-
my **Autobule**: car elle m'a ſemblé n'auoir point
peu de rhetoricue, en ce que, ſ'accommodant à
eux, elle eſtoit en langage auſſi floriffante, qu'ils
ſont floriffans d'aage, & principalement elle
m'a ſemblé fort delectable, quād elle a fait men-
tion de la monomachie & combat d'un contre
un. Pour laquelle choſe, à la Verité, la chaffe ſe-
ble ne meriter point peu de louage: car ven que
de noſtre nature nous deſirōs & ſouhaitōs grā-
dement voir combattre les hommes entre eux,
avec eſpées & autres baſtons dommageables,
nous pourrōns facilement voir tel & ſembla-
ble ſpectacle en la chaffe, ſpectacle (dy-ie) ex-
empt & nullement contaminé d'aucune mecha-
ceté & forfaiture: c'eſt à ſçauoir, l'art, la cōſian-
ce & hardieſſe (ſoutenuë de raiſon) bataillans
contre la brutale force des beſtes. Laquelle rai-
ſon ſe iaëte ainſi à bon droiët en Euripide.

Il eſt tout clair, que petite eſt la force

De l'homme humain: mais ſa raiſon ſurpaſſe,
Dompte & regiſt toute beſte, & ſa force,
Soit ou de l'eau, ou de la terre baſſe.

AUTOB. Si eſt-ce neātmoins, **Soclare**, qu'on
dit &

dit & tient par tout, q̃ de là la cruauté & inhumanité, qui regne entre les hōmes, à prins sa source et origine: par ce qu'ayant vne fois gousté du suc des animaux, depuis n'a aucunemēt craint d'hardiment regarder en chassant & le sang et les playes d'iceux: mais aussi s'est accoustumée à se reioiuyr d'auantage, alors qu'elle en a peu tuer & massacrer quelqu'un. A la par fin tout ainsi qu'en Athenes les trente tyrans ont premiere-ment fait mourir iustement vn rapporteur et calumniateur, puis à la seconde fois vn autre, puis sëblablemēt à la tierce, en apres se sōt peu à peu ruez sus les bons, & en fin n'ont mesme point espargné les plus grands & mieux famez citoyens: de mesme façon celui à esté estimé auoir virilement fait, qui premier a tué ou vn loup, ou vn ours. On a sëblablement aussi estimé, qu'il estoit decent, qu'un beuf & vn porceau mourus- sent, par ce qu'ils auoyent par auenture tant soit peu touché qlques lieux sacrez. Bref puis apres les cerfs, les lieures, & cheureules ia mortes & mägées, ont inuité les hōmes à l'occisiō & tue-rie des brebis, & des chiës, & biē souuent aussi des cheuaux. Mais ceux qui premiers ont tué et detranché vne oye apriuoysée, vn pigeon domestique, & ce sage & tant fidele seruiteur, vn coq: non point comme les chats & belettes, qui les

tuët, emeu^x de faim et par faute de viade, mais incitez à ce par la seule prodigalité et friandise. Cōme certes ceux là ont cōfirmé ce peu qui pou-
uoit estre en l'hōme de cruel & brutal, & l'ont
rēdu inflexible à toute misericorde: aussi par mes-
me moyen ont-ils totalement effacée & abatue
la douceur & benignité, qui estoit de nature en
vn chacun des hōmes. Cōme au cōtraire les Py-
thagoriens faisoient vn exercice à douceur &
inclinatiō à misericorde, de la clemence & pi-
tié qu'ils auoyent en deffendāt l'occision des be-
stes. Car cette chose tant vëhemente, qu'acoustu-
mance, s'estant aucunement associée avec les
affectiōs, tāt petites soyent-elles ou legeres, peut
mener & cōduire les hōmes plus oultre & plus
loing. Mais nous sommes de telle façō entrez en
matiere, que ie ne voy point ce que nous disons se
pouuo^{ir} cōuenir ny à la dispute d'h^{ier}, ny à cel-
le, qui se doit faire au iourd'huy. Car h^{ier} nous
dōnāsmes (cōme tu sçais) cette cōtentiō à debat-
tre à noz ieunes gens, laquelle aussi (cōme ie pē-
se) sera ce iourd'huy desfinie & cōclue, si Phædi-
me, qui soustient les animaux de l'eau, & Ari-
stotime, qui à la suāsiō de ses cōpagnōs soustient
ceux de la terre cōme muniz de plus grāde promi-
dēce, tiennēt leur promesse, à sçauoir, qu'il y arai-
son telle q̄lle en tous les animaux, & qu'il n'e-
stoit point abhorrāt ny aliene de raison, qu'ainsi

*fust. S. Ils sont prests, Autobule, s'ils le fureront ia-
mais: ie les ay veu ce matin instruits et aprestez.
Toutesfois s'il te plaist, nous repeterons en peu de
paroles, pendant qu'ils vièdront, ce qu'il failloit
hyer dire, & qui (combiè qu'il fust propre pour
adiouter au propos) ne fut toutesfois assez eplu-
ché, tant pour cause de la bresueté du temps &
de la nuit suruenüe, qu'à cause que les disputās
auoyent deia vin en corne, & auoyent assez
bien beu au soupper. Celà dōc (si i'ay bonne me-
moire) retentissoit en la sale, non pas sans cha-
leur & colere forense, à sçauoir, que mortel e-
stoit de nature contraire à immortel: qu'une
chose, se pouuant pourrir & flestrir, estoit aus-
si contraire à vne, qui ne le peut point: & que
semblablement vne chose corporelle contrarioit
à vne incorporelle, & qui n'a point de corps.
Adioutans avec ce, que, ven qu'une chose rai-
sonnable estoit de mesme genre & semblable
aux sudites, icelle auoit sèblablement son cōtrai-
re en vne chose irraisonnable: ou biè qu'il y auroit
imperfectiō en cet article seulemēt, et non point
aux autres. A. Qui est celuy (ie te pry, amy Socla-
re) qui demande ce luy estre concedé, à sçauoir,
qu'une chose ayant raison soit tant seulement
en nature, sans que son contraire y puisse estre?
Si est certainement, elle y est, mesmement
en toutes choses, qui n'ont point d'ame: en*

sorte, qu'il n'est besoing d'autre chose pour opposer à vne chose raisonnable, q̃ tout ce qui n'a point ame. Car toute chose, ayāt ame, raison, & entendement, est directement opposée à vne autre, qui n'a ame, entendement, ny raison. Que si aucun, estimant nature n'estre imparfaite ou defaillante en quelque chose, diuise neantmoins ce qui a ame en ce qui a raison, & ce qui n'en a point: vn autre viendra, qui partira cette mesme chose ayant raison en ces choses qui ont apprehension, & en celles qui n'en ont point, ou en celles qui ont sens & celles qui n'en ont point, afin qu'il y en ait vn mesme gère soit equalité de cōtraires. Et si celuy fait chose absurde, qui diuise ce qui a ame en ce qui a sens, et en ce qui n'en a point, ou en ce qui a apprehensio, & en ce qui n'en a point, cōme si tout ce qui a ame n'auoit incontinent ny sens ny apprehension: de combien (ie te prie) est cecy plus iniuste & inique, que tout ce qui a ame soit diuisé en ce qui a raison, & en ce qui n'en a point, principalement à l'endroit de ceux là, qui veulent aucune chose n'auoir sens, qui n'ayt quant & quant intelligence, & qui disent aussi & estiment qu'il n'y a aucun de tous les animaux, qui n'ayt quelque opinion & iugement aussi bien que le sens & mouuement volontaire? Car nature, laquelle ils disent (&

non sans cause) auoir tant fait prudemment, à muny & orné tous animaux de sens; par ce que luy ayant donné quelque belles graces & commoditez, & ensemble aussi quelques incommoditez meslées, à bien veu, qu'ils auoyent besoing, pour suyure le bon & fuir le mauuais, c'est à dire, pour contregarder leur vie, de sens, cōme seur moyen pour faire ce que dessus. Mais quant à ce qui ensuit le sens (comme prendre & ensuyure ce qui est vtile & commode, & fuir & reietter ce qui est nuisible & pernicieux) ie dy, qu'en vain on le requerra des choses, qui n'ont ny raison, ny memoire, ny iugement, ny promptitude aucune à mediter quelq̃ chose. Car en toutes choses, desquelles on oste totalement ou l'esperance, ou la memoire, ou la volonte, ou la puissance de s'appliquer à quelque chose, ou la crainte, ou la cupidité & desir: en icelles choses (dy ie) soit qu'elles ayēt ou yeux, ou oreilles, ny à neantmoins aucun vsage de l'un ny de l'autre. Et seroit beaucoup meilleur n'auoir ny sens ny apprehension, comme priuē d'aucune vtilité, que d'estre aflagé, se doulour, ou d'endurer calamité, ven qu'on n'a aucun moyen pour remedier à telles aduersitez. Combien que Straton phisicien escriue, que le sentir mesme ne se peut faire sans l'esprit & entendement.

Car encore que souuent nous lisions quelques es-
crits par le moyen des yeux, qui passent seule-
ment dessus, et que la prononciatiõ des mots et
vocables môte aussi iusqu'aux aureilles: toutes-
fois le plus souuent nous nous deceuons, & ce,
que nous auions de ialeu, s'oblye facilement, par
ce qu'en lisant nous auions l'esprit beaucoup
plus attentif à autre chose, qu'à la lecture pre-
sente: lequel esprit apres estre incontinent retour-
né à soy mesme, & s'estre mis à lire quelque es-
crit, cherche & examine viuement tout le con-
tenu audit escrit. Parquoy on a toujours dit en
commun prouerbe: *Le seul esprit voit & escoute,*
Et tout le reste ne voit goutte.
Comme si tout ce que fait & la veüe & l'ouye,
n'auoit aucun pouuoir d'exciter les s'es, si le spirit
n'y est quāt & quāt attentif. Pour cette cause
Cleomenes interrogé quelq̃ fois en vn banquet
qu'il pēsoit, quāt à luy, d'vne certaine narration
faite par vn des assistās, et s'il ne l'estimoit pas e-
legāte: Pēses-y (dit-il) car quāt à moy, mō esprit
est maintenant en Peloponessē. Il est donc ne-
cessaire qu'en toute chose, ou il y ā sens, soit aus-
si entendemēt & esprit, puis qu'on n'ā sens au-
cun que par le moyē diceluy. Mais soit: posons le
cas, que le sens n'ait point affaire en son office,
c'est

c'est à dire pour sentir, de l'ayde de l'esprit: que demeurera-il donc, si ce qui enseigne la difference du profitable et du pernicieux, qui est le sens, est osté & perdu? Or quant à ce que les bestes ont souuenance et crainte de ce qui leur est dommageable, & astuce de choisir ce qui leur est commode & vtile: d'auantage qu'elles tachent & machinent à soumettre en leur puissance ce, qui n'y est point: quant à ce aussi, qu'elles se trouuent et cherchent deffense, cachettes, et instrumens pour se suruenir au besoing, & que finalement elles trouuent moyens & industries de faire eschapper des embusches et filets leurs cōpagnes: combien que les phisiciē cōfessent toutes ces choses estre es animaux sauvages & champestres, si ne cessēt ils toute fois iamaïs de mettre ces diffinitions en auāt, & les adiouter es liures qu'ils metēt iournellemēt en lumiere. Vne entreprisedisent-ils) est vne merque de paracheuer quelq chose: aggressiō et cōmencement, est effort deuāt vn autre effort: aprest, est affaire deuāt vn autre affaire: memoire, est vne cōprehension du passé, duquel le present soit cōceu par le sens. Il n'y a pas vne de toutes ces choses, qui ne soit ouurage de raison: & toutes fois on les voit toutes estre en tous les animaux. Ils amenēt encore cecy d'intelligēce et cogitation, et disent, qu'intelli-

gèce est vne cognoissâce interieure & permanente: quat à cogitatiō, q̄ c'est vne notice muable et vagāte. Touchāt des afectiōs, veu qu'ils cōfessēt q̄ ce sont iugemēs & opiniōs depraüees, c'est merueilles, qu'ils ne les recognoissēt es bestes, en plusieurs desquelles on voit cupidité, crainte, enuie, & bien souuent ialousie. En oultre iceux mesmes Phisiciens ne scauroiēt nyer, que, si quel que fois ils ont ou vn chien, qui ait failly, ou vn cheual, qui ait brunché, en leur dōnant du fouët, ou de l'esperō, ils ne les aduertissent par la punition qu'ils leur donnent, d'vne autre fois mieux faire, & que de fait ils n'y cognoissent amendement. Oultreplus ils entendent tres bien, que le cerf & le cheual se delectent merueilleusement d'ouyr des flutes & autres instrumens musicaux: que l'aloise s'appriuoise par le chant, & de ioye saulte & bondist au dessus de l'eau: que l'oyseau aussi, qui est dit en latin *Asio*, & en François Chouette, se fait prendre luy mesme, estāt amoureux des danses & chansons, en telle sorte, que, s'il voit l'oyseleur avec d'autres d'anfer et entonner quelque chanson, il veult faire comme eux, & sans y penser se met luy mesme aux filets & rets tenduz. Or quant à ceux, qui parlent plus grossièrement de ces matieres, & qui disent qu'un rossignol (par maniere d'exemple)

ple) ne s'apriuoise point absolument, que le lion ne se colere pas, & que la mouche à miel n'a point de memoire ou souuenance du passé, mais que le lion ne fait que comme se colerer, que le rossignol ne fait que comme s'apriuoiser, que le cerf ne fait que comme craindre. Je ne sçay semblablement qu'ils diroyent si quelqu'un leur disoit, que le lieure ou le cerf ne voit aussi pas, ny n'oyt, mais que ce qu'il fait par le moyen des yeux & aureilles, n'est seulement que comme ouyr, & comme voir: qu'il ne mange aussi point, & finalement vit, mais qu'il ne fait seulement que comme manger, & comme viure. Ne voy-là pas de belles raisons? si est-ce pourtant tout vn (si i'ay bon iugement) de dire aussi bien l'un, que l'autre. SOCLARE. Si est vrayment: c'est tout vn, selon mon aduis: toutesfois dire que les bestes soyent du tout si parfaites en leurs estudes, estats, & affaires, & en vertu, que les hommes, ce seroit chose absurde. AVTOBVLE. Je ne le dy pas, Soclare mon amy: mais d'autant qu'elles n'ont pas la vertu si parfaite, & par consequent la raison, ils concluent, qu'elles n'en ont point du tout. Je leur maintien, qu'ils ne me sçauroient non plus donner homme, en qui lon puisse voir vne ver-

tu & raison parfaite. Je confesse fort bien, qu'il y a difference entre la raison des bestes, & celle des hommes : aussi y a-il bien diuersité entre les bestes mesme: car qui dira, q̄ la cigale ait la veüe tant a guë, qu'à le milan? qui soustiendra, que la perdrix vole si viuement, ny tant à lalongue, que fera l'aigle? Et pour dire en vn mot, il y a semblablement bien diuersité entre les hommes, cōme on peut voir en noz disputans, que nous attēdons: car n'y en a-il pas les vns animez pour le party des animaux de la terre, et les autres pour le party de ceux de l'eau? Il seroit pour autant bien insensé, qui voudroit par là conclure, qu'il n'y a point de raison es bestes, d'autant que ce, qu'elles en ont, est differāt de la vraye raison & vertu humaine. Ils voyent par ce que ie vien de dire, qu'il y a apparente diuersité & entre les hommes, & entre les bestes. Je suis eby, qu'ils ne scauent pas, que la nature de l'hippotame, cheual aquatic, & naissant ordinairement au Nil, est diuerse, voire & du tout contraire à celle de la cigogne. La cigogne nourrist son pere & mere estans vieux, & l'hippotame les tue. C'est aussi merueille, que, quand Antipater a fait mention de l'infection des asnes & des brebis, il a laissé à parler du linc & de l'hirondelle. Le linc a de coustume, apres auoyr pissé, de garder &

der & couvrir songneusement son vrine, comme chose de grand valeur: L'hirondelle au contraire, aussi tost qu'elle a fait ses petits, les enseigne, comme plus civile que le lincx, de sortir & eleuer le derriere hors & par dessus le bord du nid, pour rendre leur excremens & immondices. Or tout ainsi qu'on ne dira iamais des choses, qui n'ont point de mouuement, & qui ne parlent aucunement, Cette court plus legerement que l'autre, & icelle est plus eloquente en son parler que l'autre: aussi semblablement ne pourroit-on dire de deux choses irraisonnables, Cette cy a plus meure & assuree raison, que celle là: mais seulement quand il y a raison en toutes deux. **SOCLEARE.** Si est-ce pourtant, *Autobule*, que l'homme est sans comparaison plus excellent, que les bestes: ne fust-ce seulement qu'en douceur, en benignité, en amitié, en humanité, & en société de vie. **AVTOBVLE.** Aussi bien sont d'aucunes bestes plus excellentes que les hommes en grandeur & grosseur de corps, en agilité, en bone et aguë veüe, en ouye prompte: & toutesfois l'homme n'est pas pourtant auetgle, paralitique, & impotet, ny sourd. Et combien que nature ayt donné à tous hommes des mains, des pieds, des yeux, vn corps, si n'est-ce pourtant rien

de celà au regard d'un charneau, d'un elephant, d'un cerf, & d'un linx. En telle sorte donc nous ne dirons pas, que, pour autant que les bestes sont moins sages que les hommes, & ont la cogitation plus tardive, ne soyent point (dy-ie) pourtant sages, ny n'ayent raison aucune: mais bien que leur raison est imbecile & debile, comme un œil chassieux & lousche. Certes n'estoit l'esperoir que i'ay, que nos disputans triumpHERONT de prouver mon dire par infiniz exemples, l'un exaltant les bestes de la terre, & l'autre faisant triumpHER celles de l'eau, ie t'amenerois mille exemples de vertu, d'astuce, de finesse, de liberalité, & d'amitié singuliere, que plusieurs ont admirez souuent en plusieurs desdites bestes. Mais ie leur lairray de bon cueur cette matiere, puis qu'ils sont enflammez d'un desir extreme de montrer l'acuité & vivacité de leur esprit & profondeur de leur sçauoir. Ce pendant il ne me semble que bon, que ie poursuyue propos, puis qu'ils nous en donnent loisir. Voicy donc que ie dy: en chaque partie du corps peut aduenir faute & priuation de l'office de ladite partie. Comme l'œil sera par accident auetugle, la iambe boyteuse, le bras manchot, & ainsi des autres.

Orest-

Or est-il qu'on ne dira iamais d'une chose qui ne vit onques, qu'elle voit moins qu'une qu'on pourra amener, ny d'une qui ne se sceut iamais partir d'un lieu, elle va plus lentement qu'une autre: d'ou vient à conclure qu'une beste ne sera iamais dite fole, sottte, & insensée, si premier on ne concede qu'elle a raison, sens, & iugement: mais qu'icelle raison, sens, & iugement sont actions deprauées en icelle beste. Car comment pourroit tomber malade celuy, qui est nay pour estre touiours sain? & comment du contraire iugera-lon cctuy-cy se porter plus mal que cetuy-là, si on ne confesse deuant, qu'en tous deux y a quelque moyen pour se porter ou bien, ou mal? Mais dy moy, pour faire court, as-tu iamais veu des chiens enrager? S O C L. Ouy, & des cheuaux. A V T O. Il y en a bien aussi, qui croient, que les beufs, & les renards peuuent enrager: mais l'exemple des chiens nous suffira pour la matiere presente: par lequel on peut aysement voir, que en tout chien enragé la raison & entendement est premierement blessée & corrompue, apres laquelle sensuit necessairement la rage, dite des Grecs *λύσσα*, sans aucune lesion ou blesseure de la veüe, ny de l'ouye. Et tout ainsi que celuy seroit iustement reputé sot & idiot (comme

on dit) qui nyeroit, que tout homme, qui est
 tormenté de melancholie, & qui est fol &
 insensé, ne fut priué d'entendement, de rai-
 son, & de memoire: car nous tenons du com-
 mun dire, que tout homme, qui est fol, est
 insensé & priué de sa raison naturelle: aus-
 si seroit iceluy plus que rurauly, qui, voyant
 vn chien enragé estre estourdy contre sa cou-
 stume, ne cognoistre plus que ceux qu'il che-
 rrissoit au parauant, ne vouloir plus manger,
 ne voir aucunement ce qu'on luy met au de-
 uant des yeux, voudroit encore obstinément
 nyer, que tout cela ne prouiendroit de la rai-
 son corrompue & offensée par quelque acci-
 dent. **SOC L A R E**. Il sembleroit, sans men-
 tir, vouloir opiniatrer contre la raison mesme,
 veu ce que dit Hesiode.

Beste terrestre, oyseau, & tout poisson

A dedans soy quelque occulte raison.

Mais l'homme à ce, plus qu'aucun des susdits,
 Qu'il porte honneur au droit, & aux edits.

AUTOBVLE. Tu dis bien, Soclare:
 mais laissons cela pour cette heure. Voy cy
 noz disputans entrer, avecques lesquels i'ay
 veu Aristotene, ce me semble, & les deux
 neueux de Denys, avec le fils d'Euthydeme, Ni-
 cander, qui sont tous maistres chasseurs. Je me
 doute

doute bien, qu'ils seront pour Aristotime. J'ay
 veu aussi avec Phædime, Heracleon, Philostrat-
 te, & nostre compagnon Optate: mais ie ne sçay
 quel party favorisera Optate, veu qu'il est &
 grand chasseur, & tresexpert pescheur. Mais
 le voy cy, qui s'adresse à nous. Je croy qu'il n'est
 ny pour l'un, ny pour l'autre. Dieu te doint le bõ
 iour, Optate, nostre amy. Nous nous sommes
 certes bien doutez, que tu aymoies mieux estre
 arbitre avec nous, que non pas de soustenir l'o-
 pinion de l'un ou de l'autre. OPT. Aussi le pou-
 uiez-vous bien pëser, puis qu'il y a (cõme vous
 sçauex trop mieux) ia l'õg tẽps, q la loy de Solon
 est abolie, laquelle preparoit punition à celuy,
 qui, voyant quelque disension & debat, ne se
 mettoit soudain d'un des costez, pour soula-
 ger & tenir escorte au premier combatant.

AVTOB. Ouy: mais sied toy là entre nous
 deux, affin que s'il faut donner son opinion de
 quelque difficulté, nous ensuyuions ton aduis,
 sans aller chercher Aristote. OPTA. Me
 voy cy, grand-mercy. SOCLARE.

Or sus, enfans: ne vous estes-vous point
 encore accordez entre vous, lesquelles bestes
 estoient les plus nobles & mieux douées de
 raison & vertu? PHÆDIMÈ. A
 grand peine s'eut peu faire celà, Soclare, veu

qu'encore faudra-il long temps combattre, premier que de voir telle conclusion. S O C. Là donc, Aristotime, montrez nous ce que vous avez caché sous le bonnet : il est temps qu'on vous oye, & que vous parlez. A R I S T O. Il faut donc entendre (messieurs les arbitres) que ie suis eby de la cecité de mon compagnon, qui a bien ausé entreprendre de vouloir soutenir les animaux de l'eau, veu la stupidité, paresse, & pesanteur qui regne en iceux, comme tout le monde le sçait assez sans que ie le die. Qui est la cause, que Platon deffend coup sus coup, & mesme supplie par prieres expresses, qu'aucun ieune homme ne s'adonne à la pescherie, en quelque sorte & maniere que ce soit, veu le peu d'exercice qu'il y a, le peu d'industrie, & le peu de moyen pour acquerir force, agilité, & legereté. Ce qui n'est pas en la chasse que ie soustien, veu que tantost il faut courir, tantost s'arrester, tantost se cacher & tenir fort, tantost tendre rets, puis soudain les destendre, à present deuancer le gibbier, & vn peu apres le laisser aux abboys des chiens, qui n'est pas peu de chose pour preparer le ieune hōme à la guerre & combat, & qui est aussi la cause, qu'elle est maintenant, & de tous iours en grāde vogue. & recōmandation entre les Roys & les plus

plus grands seigneurs. La pescherie, n'a seulement pas vn moyen, par lequel on la puisse louer. Et d'auantage on se trouua-il iamais aucun des Dieux, qui se soit amusé à tuer des congres, mullets marins, & autres tels poissons, comme Apollon s'est delecté à renuerser les loups, & sangliers, & Diane, sa chaste seur, à viser au cerf, & au daim? ce qui n'est pas de merueille, puis qu'il est tout certain, qu'il est sans comparaison plus honnestes de tuer & mettre bas par force de bras & de chiens vn sanglier, vn cerf, vn daim, vne cheureule, que de les acheter pour en manger. Ce qui n'est pas du poisson: car il est, du contraire, plus decent de l'acheter, que d'auoir le cul tout vn iour sus vne pierre, ou dedans quelque bastean à tournoyer ça & là, iusques à ce que la teste semble autant tournoyer, que le bastean: encore bien-souuent pense-on tenir quelque chose, qu'on n'en tient que l'ombre. D'où vient encore, que cette gentille chasse aquatique est plus desprisée, & que l'estat en est plus sale, abiect, & villain. Et pour dire en vn mot, veu que de toutes les choses, par lesquelles les philosophes cognoissent la raison (comme amitié, inimitié, enuye, soing, cure, fascherie, tristesse, & les autres) il n'y en a point vne seule, qu'on me puisse montrer aux poissons: &

qu'au contraire elles sont toutes patètes es bestes terrestres, qu'est-il besoing de tant de paroles? Premièrement d'oques vn chacun voit, cōme le taureau demāde le cōbat, quād il vous demene les cornes d'une fierté grande, & cōme il sy prepare & s'enhardist, vous gettāt rudement la poussiere en l'air, qu'il a arrachée de son pied en donnant viuernēt plusieurs coups cōtre la terre, comme s'elle luy contredisoit: comme le sanglier s'aguise les dents, quād il se sent assiegé: comme les elephans s'aydent d'une dent seulement pour repaistre & nourrir, & gardent de l'autre costé l'autre entiere & aiguë, pour s'en ayder au besoing, si combat se presente. Le Lion aussi, qui ne sçait encore, qu'il ne marche iamais par voye, qu'il n'ayt retiré ses ongles au dedās de leur origine tant qu'il peut, affin de ne les emousser & rendre inhabiles à la guerre? & affin aussi que les veneurs ne le puissent trouuer par la trace, n'apperceuans en la poussiere que quelques vestiges rōds & sās aucune forme de patte? Il n'y a aussi persōne, qui ne soit assez aduerty de l'astuce & sagesse du rat d'Inde, dit des Grecs & Latins, Ichneumon, & cōbien il est differant du champion, qui veult entrer en champ clos contre son ennemy qui l'attend. Iceluy se couure tout entieremēt de bouë & limon, puis voyant

le crocodile (qu'il hait mortellement) ouvrir la gueule pour manger quelque chose, se gette au dedans de son gosier de plain sault, & finalement, estant entré iusques à l'estomac, se venge de son ennemy à souhait, luy rongeanr & l'estomac & les entrailles, iusques à ce qu'il l'ait abbattu mort, puis s'en sort à son aise tres content de sa victoire. D'avantage ne voyons-nous pas tous les ans les hirondelles (qui est chose admirable) quand pour faire leurs petits elles construisent leurs nids, comme pour le fondement d'iceux elles disposent certains festuz & chaumes au plus bas, qui sont aucunement durs & fermes: puis apres comme elles en adioutent de plus mollets & delicats, s'aydans de bouë la mieux battue & plus propre qu'elles puissent trouver, au lieu de chaux et sable v'sité entre les hōmes. Que si elles n'en peuvent trouver, par le moyen de quelque grande secheresse qui auroit precedé, elles s'aydent incontinent de leur industrie & esprit: car elles s'en vont au prochain estâg & plus proche rivièrè du lieu ou elles ont cōmencé leurs nids, & là volettent le plus pres de l'eau qu'il est possible, sâs toutefois y toucher, et en ce faisât se redēt humides, & quasi toutes mouillées par ce vol tât prochain de l'eau, et n'en sont point pourtât plus chargées. Puis apres elles

viennent voltiger en quelque subtile poussière,
 & ayans chargé leurs ailes d'icelle par le moyē
 de l'humidité, s'en retournēt chacune en son nid
 particulier: lors vous polissent ce qui y est de ra-
 boteux & bossu, ferment diligemment ce qui
 n'est assez bien ioint, & finalement parache-
 uent d'un tant admirable artifice leurs edifices,
 qu'ils ne sont ny triangulaires, ny quarrés, ny
 en doz, mais ronds comme vne boule ou sphere,
 qui seroit partye par la moitié: & ce, d'au-
 tant que telle forme & figure est plus forte, &
 plus spacieuse, & plus malaisée pour ceux qui
 voudroyēt nuire ou à eux, ou à leurs petits, que
 nulle autre. En oultre qui pourroit assez digne-
 ment exalter les airaines de leurs iournels ou-
 urages? ou me trouuera-lon toile mieux ou plus
 proprement tissue, que la leur? Il semble verita-
 blement, que ce soit chose surpassant l'entende-
 ment humain, tant elles entrelassent bien, &
 lient leurs fils l'un à l'autre ingenieusement, n'o-
 blians aucunement de colorer leur ouvrage de
 couleur bruneuse et aerée pour decevoir la veüe
 des regardans & chābrieres, qui ont de coustu-
 me de les rompre et abbatre: & ont oultre plus
 tellement tissue icelle leur dite toile, qu'auſsi tost
 qu'il y entre quelque proye dedans, elle se retire
 & l'encloſt, auertissant tout ne plus ne moins
 l'airai-

L'airaigne de proye prise, que le filet & cordage de l'oyseleur tenant captif quelque oyseau. Ce qui sembleroit de premier front estrange, n'estoit la iournelle experience, qui nous en fait sçauans. Comme aussi i'ay veu n'a pas long temps des corbeaux en vne maison, qui, n'ayans point d'eau pour boire, et en voyãs au fond d'un seau, ou ils ne pouuoient toucher, prenoient avec le bec des pierres & petits lopins de bois, puis ne cessoiẽt de getter pierre sur pierre, iusques à tãt que l'eau, par le moyen des pierres, qui remplissoient le seau, redondaĩt assez haut, pour en pouoir boire à leur aise. Au tant en ay-ie veu faire à un chien, apres vne demye cruche d'huile, qu'il vuyda tost apres. Mais personne n'ignore (comme ie croy) la singuliere sagesse des mouches à miel, qui sont en Crete. S'il leur faut voyager quelque part & pays, ou les vents soyent e-muez, elles prennẽt chacune un petit sablon & menue pierre, pour estre plus poĩsantes, et moins agitées desdits vents : & par ainsi se rendent en fin ou elles tendent, & la part qu'elles quierent, pour chercher pasture. Les oyes de la region de Cilice les imitent: car, si pour chercher pays plus propre il leur faut trauerser le mont Taurus, elles prennent semblablement chacune vne pierre assez grosse, comme un baillõ, qu'elles se-

mettent au bec, & illec la laissent iusques à ce que le mont soit passé, de peur d'exciter par leur cry naturel (duquel à grande peine elles se peuuent abstenir) les aigles, qui habitent audit môt: & par tel artifice echapent la furie de leur enemy, imposans silence par certain moyen à leurs langues babillardes de nature. Cecy n'est pas moins digne de noter, qui est es grues: car elles sont tellement apprises de nature pour leur commodité, qu'elles ont diuerse façon de voler en temps de grand vent, & en temps serain, doux, & paisible. S'il fait vent, elles se donneront tres bien garde de voler de front, ou en croissant, comme en temps serain: mais se disposans en forme de coing, couppēt tellement le vent impetueux, qu'il faut necessairement qu'il tourne à costé, estant couppé et diuisé, cōme d'un couteau, sans endōmager les costez, ny la pointe. Icelles mesmes estans posées en quelque part herbageux pour se repaistre & puis reposer, ne reposent iamais, qu'elles ne tiennent vn pied leué, & en ice luy vn caillou, affin de ne trop dormir profondemēt. Parquoy il ne se faut emerueiller d'Hercules,

Qui sous son bras vouloir tenir

Sa massue, voulant dormir.

Or quant aux formis, comme il est tres difficile de

le de pouuoir exprimer par escrit leur industrie & discipline domestique, aussi seroit-ce certes trop ingratement fait à moy, de la taire du tout. Nature véritablement n'a plus beau ny plus excellent mirouër de choses belles & grandes, qu'en ces petites bestes icy. Car là reluiſt, comme en vne pure petite goutte d'eau, tout le sommaire de vertu. L'image vray d'amitié est-il point clair en leur commune habitation & frequentation? L'exemple de force ne se voit-il point en l'alegresse, qu'elles prennent à porter & souffrir toute peine & labeur, le chaud, le froid, la pluye, & le vent? Quoy? on peut voir à l'œil en iceux petits animaux, infiniz autres exemples de temperance, de prouidence, & de iustice, qui seroient trop longs à raconter pour le present. Parquoy combien que Cleante ait nyé la raison es bestes, si dit il toutesfois et confesse auoir veu de ses propres yeux le spectacle & fait merueilleux, que ie vais dire. Il dit, que plusieurs formis vne fois s'en alloiēt à vne formigiere prochaine, & en portoyent vne morte, cōme elles en furent approchées d'assez pres, voy cy aucunes de ladite formigiere, qui viennent au deuant, & les ayant rencontrées demurerent quelque temps ainsi entre les estrangeres, cōme

me si elles eussent deuisé: puis celles de la formigiere s'en retournoyent en leur domicile, laissant là les autres, qui les attendoyent: tantost apres elles retournoyent encore aux estrangeres, & y demeuroyent quelque temps, puis s'en retournoyent de rechef comme rendre responce: & firent celà par quatre ou cinq fois. à la par fin celles de la formigiere apporterent vn ver aux autres (cōme pour rachetter leur compagne, qu'elles tenoyent morte) & le leur ayans donne, & prins la formis morte, s'en retournerent, elles en leur formigiere prochaine, et les autres en la leur assez loing de là. Il est aussi notoire à chacun, de quelle beneuolence & amitié elles s'aiment l'une l'autre, quand (si elles trouuent en chemin quelques vnes, qui soyent chargées) elles se destournent à costé, de peur de leur nuire. Si elles ont quelque butin, qu'elles ayent fourragé, & qu'elles le veulent transporter en leur domicile pour estre en seurté, elles diuisent le dit butin en plusieurs lots & parties, puis chacune se charge, et se mettent en chemin, pour se retirer. Si elles sentent leur prouision se vouloir corrompre & gaster par faute d'air, & trop grande humidité, elles la sortent au vent & au soleil pour s'endurcir, affin de mieux attendre l'hyuer. & quand celà se fait, c'est (selon le iugement d'Arat)

rat) certain signe de pluye. Celà oultreplus sur-
passe tout entendemēt humain, que (de peur que
leur dite prouision ne germe, & deuenāt herbe,
ne perde sa substance) elles māgent, aussi tost qu'el-
les l'ont serrée & mise au dedās, ce petit nōbril,
par lequel l'herbe a de coustume sortir: & par ce
moyen preuoyent sagement à l'accident adue-
nir. On raconte aussi, que leurs domiciles sont tel-
lement bastiz, qu'il est impossible à toute autre
petite peste, d'y pouuoir en aucune sorte entrer,
et aborder au dedās. Il y a certaines petites tour-
nées & vireuoltes entournans tout le domicile,
premier que de trouuer aucun lieu vuyde, et pro-
pre pour habiter: toutesfois apres plusieurs toars
on trouue en toute la formigiere comme trois pe-
tites cauernes: l'vne desquelles on dit estre desti-
née, pour deliberer de leurs affaires: l'autre, pour
serrer la prouision, comme vn seur garnier: &
l'autre, qui est la troisieme, pour enterrer celles,
qui meurent, comme en vn cimetiere propre &
dedié à celà. Il me semble maintenant ne faire
rien d'estrange, si ie fay mention, apres les for-
mis, des Elephans, affin qu'vn chacun puisse
voir, que les animaux de grande stature ne sont
moins douēz d'entendement, que ceux de plus
petite. On a coustume d'admirer en ce la natu-
re de l'Elephant, qu'il approche de bien pres à la

nature de tous hommes : car il est impossible, ou pour le moins très difficile de pouuoir exprimer, de quelle peine il s'efforce à imiter l'homme en tous ses gestes & actions, soit ou en s'assubietissant au maistre pour apprendre & estre instruit en quelque ciuilité & façon de faire, ou en apprenant mesme. Quant à moy, ie iugeroys plus tost par ses actions & gestes naturels, qu'il a raison, que par autre moyen & raison qui soit. Car il est certain, qu'à Rome s'est veu ce que ie vais dire. Vn certain personnage auoit quelques elephans à endoctriner, & apprendre plusieurs saults & tourdions subtils & difficiles. Tous sçauoyent leur leçon, quand venoient à la repeter : mais il y en auoit vn de plus gros & plus lourd esprit que les autres, qui ne pouuoit retenir ce qu'on luy monstroït, fust qu'on le punist aigrement de coups de fouët & bastonnades, ou qu'on l'amignardast par plusieurs moyens doux & amiables. Aduint vne nuit, que luy seul, à la lune, pendant que ses compagnons dormoyent, meditoit & taschoit à faire ce que le maistre luy auoit monstré le iour deuant : & fust ainsi trouué se demenant, & tournoyant puis ça, puis là, comme quelque baladin apprentif estant reuenus de son maistre.

stre. Agnon aussi escrit, qu'en quelque maison de Syrie on en nourrissoit vn: & comme le seruiteur, qui estoit commis pour le traiter, ne luy donnaſt, que la moytié de la pension accoustumée ordonnée par le maistre de la maison, aduint qu'un iour ledit maistre voulut assister au soupper de son elephant, affin d'en recevoir quelque passe-temps & plaisir. Lors le seruiteur ne fit comme les autres fois, ains apporta toute l'entiere portion, que le maistre entendoit estre donnée ordinairement. Mais affin que le maistre present fust aduerty de la tromperie & fallace de son seruiteur, l'elephant avec sa pompe & long museau vous separe la portion, que le seruiteur luy auoit donnée, par la moytié, & en prenant vne partie & moytié pour son repas, reietta l'autre à costé: lors le maistre ebay, pensant bien que la portion, que l'elephant se reseruoit, n'estoit suffisante pour refectionner vn si grand corps, ne sceut autre chose penser, sinon que son seruiteur l'auoit trompé, & n'auoit fait ce qu'il luy auoit commandé: ce qui fut aueré et fait certain par apres par la cōfessiō mesme du seruiteur. Vn autre seruiteur auoit semblablement de coustume de trôper son maistre, ne dô-

N y

nant à vn elephant, qu'il auoit en charge, ce que le maistre luy auoit commandé, mais mesloit parmy son manger du sablon & de la terre. Vn iour, que le maistre le fit amener en la sale, ou il deuisoit avec sa femme, ses enfans, & seruiteurs, l'elephant s'approche du feu, & ayāt prins de la cendre avec son museau, regarda ou estoit le seruiteur, qui l'auoit en charge, et en s'approchant, luy vint getter ladite cendre en son potage, & par là fut cogneuë la meschanceté de ce seruiteur, aussi bien comme du premier. Que dirons-nous d'un autre, qui, passant par Rome, & estant prouoqué, & picqué par les petits enfans, qui couroyent apres, comme est leur coustume, en print vn d'iceux avec sa pompe, & l'ayāt entourné d'icelle, & le leuant & baissant, sembloit qu'il le voulust deuorer: & pour autant les gens, qui voyoyent celà, crioient tous effrayez, Lasche, lasche: mais tātost furent aduertiz qu'il ne luy vouloit faire mal: car le baissant tout bellement en terre, le lascha le plus doucement qu'il est possible, sans aucū dommage, puis passa oultre, sans autrement s'emouuoir? demonstrent aisement par celà, qu'à vn tel petit enfant ne falloit autre payement de son offense, que la seule peur. Tous ces exemples sont de ceux, qui sont apprinoyses. Ne dirons-nous rien des

des champestres, qui viuent seulement ainsi qu'ils sont apprins de nature? Il est clair assez, & assez connu d'un chacun, que, s'il faut passer quelque large riuere, toutes les bestes de là autour s'assemblent apres l'elephant, luy tra-uerse premier ladite riuere, & les autres bestes regardent sur le bord iusques ou il se mouille : lors s'elles voyent, qu'estant passé il ne se soit gueres mouillé haut, elles prennent hardiesse de l'ensuyure & passer apres luy : que si du contraire, elles ne se hazardent au danger de l'eau en aucune sorte, ains se retirent, laissant leur guidon de là l'eau. Or depuis que nous sommes venus iusques icy, il ne me semble que bon, si pour la semblance d'esprit, qui est du renard à l'elephant, nous en disons quelque mot. Les poëtes disent, que Deucalion, du temps du deluge, se seruoit d'une colombe, pour sçauoir, si les eaux couuroient encore toute la terre, la laissant aller de son arche ou elle vouloit : & tant qu'elle reuenoit, iugeoit, que le deluge durroit encores : puis quand elle ne reuint plus, s'assura, que quelque lieu de la terre estoit descouuert, & que les eaux estoient baissées. Les Thraces tout ainsi s'aydent coustumierement de l'ayde du renard, s'il leur faut passer au dessus de quelque riuere

glacée. Car si le renard se voyant pressé
 veut gagner la traaverse de quelque riuere,
 il se met dessus, si elle est glacée, le plus
 lentement qu'il peut: ayant ia passé auant de
 cinq ou six pas, il met l'aureille contre la gla-
 ce, & esoute quelque temps, s'il orra rien
 crisser deffous la glace: s'il n'oit rien, il pas-
 sera oultre hardiment & sans s'effrayer: &
 s'il entend quelque part quelque cas tant soit
 peu petiller & bruire, il ne passera iamais oul-
 tre, mais se retirera le plus tost qu'il pourra en
 toute diligence: considerant sagement, que
 tout ce, qui crisse & petille, se meut: tout
 ce, qui se meut, n'est point fixe ny perma-
 nent: ce, qui n'est fixé & arresté, se fond
 & deuiet liqueur: & finalement que tout
 ce, qui se fond ainsi & deuiet liquide, ne
 peut resister au poix, ny le soustenir, mais
 luy cede et obeyt. Et ne faut point dire que c'est
 par le moyē du sens de l'ouye qu'il le fait: car c'est
 par la seule ratiocination de son entendement.
 Mais parlons de cette tant gentille beste, nom-
 mée chien. Je ne m'amuseray à reciter le soing
 qu'il a, estant à la chasse, son agilité, dextérité, fi-
 nesse, humilité, & amytié: seulement racõteray le
 spectacle veritablement aduenü vne fois au
 camp

camp de Pyrrhus. Pyrrhus se promenant vn iour parmy son camp, pour voyr l'ordre, qu'on y tenoit, quel guet on faisoit en la sentinelle, & en quelle sorte il estoit, arriva par cas fortuit en quelque coing à l'escart, ou il vit vn homme mort, & vn chien, qui le gardoit: si s'enquist que celà signifioit, & que telle fortune vouloit dire: on luy respond de là aupres, qu'il y auoit trois iours que ce corps mort estoit là, & qu'on ne scauoit, qui auoit fait l'homicide: toutesfois qu'ils auoyent voulu par plusieurs fois enterrer le dit corps mort, mais que le chien, qui luy asistoit, ne l'auoit iamais voulu permettre, s'y opposant viuement avec grinsment de dents & abboy de langue. Lors le Roy le fait prendre, & l'ayant fait enseuelir, & mettre en terre, appella le chien apres luy pour le suyure à sa tente. Aduint qu'un iour la montre se faisoit, tant des gens de cheual, que de pied. Le Roy assis en vn assez haut lieu, regardant l'ordre, comme il ne pensoit qu'à ses vrgens affaires & entreprinſes, regardant marcher ses gens d'un pas braue, voy-cy le chien, duquel nous auons parlé, qui estoit là pres, qui vint avec vne grand furie se ruer sus deux soldats, qui passoient, suyuant

leur rang, & apres plusieurs hurlemens & crieries se tournoit vers le Roy, luy demontrant par signe euident, que c'estoient ceux, qui auoyent par auant occis son maistre. Ce que ainsi pris par Pirrhhus, fit prendre lesdits deux soldats par soupçon, & les ayant mis en seur-garde iusques apres la montre, la chose fut ainsi verifiée par la propre confession des prisonniers, que le chien l'auoit signifiée par son signe. Parquoy selon leur forfait furent iustement recompensez d'un cordeau, qui les estrangla. Autant en fit le chien de ce tant renommé & tant graue Poëte Hesiode, accusant par signes tres veritables, les enfans de Gany-étor auoir tué son maistre. Or pour admirer de plus pres le subtil entendement qui est es chiens, il nous faut entendre ce qui aduint anciennement au temple d'Æsculape, confirmé par plusieurs tesmoignages de noz anciens maieurs demeurans lors en Athenes. Quelque voleur entra vne fois de nuict par finesse audit temple d'Æsculape, & s'estant chargé d'or, d'argent, & autres richesses, pensant estre bien subtil & bien caché, s'en sort tout bellemēt regardant ou estoit son plus court & plus seur, mais le meilleur fust, qu'à l'issue estoit vn chien dormant, qui estoit commis pour garder ledit temple:

temple : estant eueillé, & ayant apperceu le larron, l'assaut furieusement & de dents, & de pattes, & de cris & hurlemens, ne se laissant iamais en repos de son esprit, iusques au matin, qu'il commença à faire iour: car lors il n'abbayoit plus, mais suyuoit son homme de loing par sa veuë seulement. Le voyant arresté, il s'arrestoit aussi: aussi tost qu'il se leuoit pour fuyr plus loing, le chien incontinent l'abba-yoit & suyuoit. L'ayant suuy iusques à vn village assez loing de la, & voyant le larron sortir d'ou il l'auoit veu entrer, le va saisir au collet deuant tous. Les assistans, deia aduertiz du sacrilege, & cognoissans le chien este celuy, qui gardoit le temple, le cognoissans (dy-ie) à son poil, soupsonnerent le personnage assailly du chien, du larcin, toutesfois n'ausoyent mettre les mains sus luy si tost: mais voyans que le chien persistoit de luy faire la guerre, & qu'au contraire il cherissoit tous les autres, le prindrent à la fin hardiment, & l'amenerent iusques au temple pillé, le chien s'esgayant touiours deuant, eiouy merueilleusement de la prinse du larron. Arriué au temple, il fut interrogé, & trouué coupable: parquoy ayant visité la maison, ou il s'estoit re-

tiré, & ayant trouué l'or, l'argent, & les autres thresors, qu'il y auoit laissez, fut condamné à la mort, & le chien à estre nourry publiquement, & que les prestres du temple auroyent le soing de luy administrer son viure quotidien. C'est donques autre chose des animaux de la terre, & de ceux de l'eau, messieurs. Vous pouuez voir aisement, de quelles vertuz ils sont muniz, & que c'est que dit Homere de ceux de l'eau, quand il dit d'un sot, idiot, & d'un homme, qui n'a ny amitié, ny ciuilité aucune, La mer (dit-il) t'a engendré: voulant par là montrer, que de la mer ne naist ny douceur ny amitié. Que si quelqu'un en veut autant dire de ceux de l'eau, il est necessaire, ou qu'il se montre & declare luy mesme malueillant & ennemy de toute raison, ou qu'il nous montre, quelle amitié & iustice y a eüe entre Lysimache & Hyrcane son chien, qui, voyant son maistre Lysimache mort, ne l'abandonna iamais: & le voyant selon la coustume du pays getter au feu, se getta hardiment apres. Ce qu'imita semblablement un autre estant à quelque quidam, nomme Pyrrhus. Mais & des chiens & autres bestes le commun en sçait trop plus, que ie n'en sçau-

rois di-

rois dire. Et qui, tant soit innocent, ne sçait l'ayde, que l'Elephant, qui portoit Porus Roy d'Indie en la bataille contre Alexandre, luy donna, luy arrachant les sagettes du corps avec sa pöpe courbée, & qui, le sentant blessé à mort, luy prepara facile & aisée descente, en s'agenouillant à terre, de peur qu'il ne cheut de trop haut, & se gasta, combien que luy mesme fust aussi bien fort blessé? Bucephale, cheval d'Alexandre, estant nud, se laissoit aysement cheuaucher, & guider au palefrenier: mais sellé & harnasché de la selle & bardes accoustumées quand le Roy le cheuauchoit, homme tant fust braue & hardy n'en eut ausé approcher, qu'Alexandre seul. Quelle magnanimité d'esprit aussi est-ce, qu'un chien & un Lion monstrent leur proësse à l'endroit seulement de ceux, qui leur resistent, & sont doux & paisibles au lieu de furieux & terribles, à l'endroit des humbles, & de ceux qui s'estiment comme rien? Si aucuns leurriers, apres auoir long temps couru & tormenté le lieure, le prennent par leur agilité, ils se délectent merueilleusement à lecher le sang de la proye prise: mais s'il aduient (comme il fait souuent) que par trop longue

course le lieure perde haleine, & meure deuant les chiens, iamaïs ils n'y toucheront, ains en demenant la queue attendront le veneur, gardans le gibbier, monstrans quasi par là, que leur fin n'estoit autre, que de laisser & gagner le lieure, & non pas de le manger. Quant aux finesſſes & cautelles des animaux, combien que ie pourrois retenir l'aſſiſtance vn long temps pour ouyr deſcrire l'aſtuce du renard, du loup, des grues, & autres beſtes tres expertes en telle matiere: ie diray toutesfois ſeulement ce qui aduint vne fois par le moyen d'vn de ces mulets, qui ſont couſtumiers de porter le ſel. Il eſtoit vne fois tant chargé de ſel, que, pour la moindre pierre qui ſe trouueroit en chemin, il brunchoit. Aduint pourautant qu'en paſſant par le trauers de quelque riuere, il y cheut, quelque reſiſtance qu'il y ſceut donner: eſtant cheu, & eſtant aſſez long temps couché au mylieu de ladite riuere, pour ne ſe pouuoir releuer, le ſel, qu'il portoit, ſe fondit par l'humidité de l'eau: & lors le mulet (ſe ſentant ſoulagé de ſon lourd & poiſant fardeau) ſe leua habilement & paſſa oultre. Depuis il eut tellemēt ſouuenance du proffit, que luy auoit apporté ſa premiere cheutte, que toutes les fois qu'il paſſoit par celle meſme, ou autre riuere, il ſe laiſſoit cheoir

cheoir de son bon gré, pretendant mesme fin, qu'elle luy estoit aduenüe la premiere fois: & fust qu'il fust chargé de sel, de fer, de bled, de bois, ou autre matiere semblable, iamaïs ne s'oblyoit de sa coustume. Thales, qui viuoit en ce temps, aduertý de la fraude du mulet, conseilla à son maistre, de le charger, au lieu de sel, de laines & de cotton. Le mulet donc ainsi chargé vouloit poursuyure son ordinaire, mais au lieu de se soulager, il apercent au contraire, quel dommage luy en estoit aduenü: parquoy se souuenant puis apres de la contrefinesse, qu'on luy auoit iouée, ne passoit iamaïs par ruiere, qu'il ne leuaßt le dos, de peur de toucher à l'eau, & d'augmenter son fardeau. L'amytie des perdrix enuers leurs petits n'est pas moindre, lesquelles apprennent leurs petits perdreaux, tant qu'ils ne peuuent voler, de se mettre sous quelque motte de terre, les iambes en haut, lors qu'ils sentent le chasseur & les chiens: & elles, pour euitier, qu'elles ne soient trouuées, se leuent deuant les chiens, & en volant comme à grand peine, amusent lesdits chiens, les menans loing de là, pour laisser leurs petits en seureté. Les lieures n'ont pas moins de soing de leurs petits, que les perdrix. Iceux estans ia grandelets se tiennent, par le commande-

ment de la mere, assez loing de leur trou & domicile, l'un ça, l'autre là, separez le plus souuent l'un de l'autre de quelque buisson & fossé, affin que si l'un vient en danger par fortune, les autres en soient exempts. Et qui plus est, quand ils veulent partir du lieu ou ils ont deliberé se retirer la nuit suyuâte, ils font mille tours en quelque lieu pres de là; du long, du trauiers, & du large, & en fin avec vn grãd sault se retirēt de là, pour chercher leur giste ailleurs. Que dirōs-nous du herisson & de sa finesse? Le prouerbe commun n'en est-il pas venu?

Le Renard sçait de finesse beaucoup:
Mais l'herisson, se munissant d'espines,
Ne craint d'anger de dent, ny d'autre coup:
Qui le fait fin plus qu'autres bestes fines.

Cetuy-cy n'est pas moins studieux de la vie de ses petits, que ceux, desquels nous auons parlē n'ā pas long temps: car au temps de vendanges il habite volontiers dedans les vignes, ou quelques autres lieux prochains d'icelles: là il secout avec les pieds la grappe de raisin la plus meure & la meilleure qu'il sçait choisir, puis s'estant remis en rond, & enuelopé de sa peau espineuse, & s'estant aussi tourné de tous costez au dessus des grains, qu'il auoit fait choir par auant, en garnist tellement toutes sesdites espines;

es pines, qu'on ne pense le plus souvent de luy estant chargè, que ce soit autre chose qu'une grappe bien garnie. Estant ainsi équipé & chargé de viures, il se retire en sa caverne, ou l'attendent ses petits : à l'un desquels il baille commission de l'ayder à descharger, à l'autre de bien serrer la presente prouision, & aux autres de nettoyer la place, en laquelle il a delibéré serrer ladite prouision, & la garder quelque temps. Ayant ainsi ordonné ses petits affaires domestiques, il s'en retourne encore au fourrage. Or faut-il entendre, que sa petite maisonnette à deux entrées, l'une desquelles regarde le septentrion, & l'autre le mydi : & qu'il ne faut iamais, selon le temps, & vent qui court, d'enfermer & etoupper l'une, & ouvrir l'autre. Ce qu'ayant considéré un, nommé Cyzicene, à prononcé hardiment, que cette petite beste auoit certaine connoissance du changement des temps, fust de la pluye au beau temps, ou du beau temps & serain au contraire. Et pour reuenir aux Elephans tant renommez, lourds, & cognez par toutes les histoires : Iuba escrit & l'asseur pour veritable, qu'ils prient Dieu, veu que, festans lauez ordinairement, & purgez de l'eau de la mer, ils adorent le Soleil

leuant, se prosternans de genoux deuant luy, & tendans leur museau & grande pompe en haut vers le ciel, au lieu de mains. D'où conclud aussi Ptolemée, que sans aucune doute cette beste estoit anciennement agreable aux dieux, & fort aymée d'eux: amenant pour exemple ce qui luy aduint à la victoire qu'il eut cõtre Antioche: car ayant vaincu ledit Antioche (comme i'ay dit) il sacrifia pour guerdon plusieurs beaux dons aux dieux, qui luy auoient (comme il l'estimoit) donné la victoire: entre lesquels il leur offrit quatre des plus beaux Elephans, qu'il sceut trouuer: mais la nuit prochaine il eut en dormant reuelation, que les dieux estoient animez contre plusieurs, pour cause d'vne tant cruelle & absurde immolation. Parquoy le plus matin qu'il se peut leuer, il delibera avec son cõseil priué, d'appaiser les dieux en quelque sorte qu'il fust possible: ce qu'il fit, & entre autres choses eleua quatre Elephans d'erain, en lieu & pour recompense des quatre immolez. Le Lion ne merite pas moindre louange, qui, estant vieil & abbatu d'aage, marche en queste avec les autres plus ieunes et plus habiles: & sil se rencontre proye, il court avec les autres tant qu'il soit las, puis se repose en quelque lieu à son ayse, & laisse demener &

poursuyure

poursuyure la besongne aux autres, qui ont les pieds plus legers. Iceux à force de course ayans attrappé le gibbier, & l'ayans desconfist, hurlent de quelque maniere non accoustumée, pour appeller le pauvre vicillard lassé, et le faire participant de la proye cōquise. Au surplus il faut croire, q̃ l'amour est demené aussi bien entre les bestes, qu'entre les hōmes: vray est qu'entre d'aucunes il est plus furieux, que l'humanité ne requiert: mais il est aussi gent & amiable, ou peu s'en faut, à l'endroit d'aucunes, qu'entre les hommes. Comme il s'est veu en vne fille d'Alexandrie, nommée Coronaria, aymée en vn mesme temps d'Aristophane grāmairien, & d'un elephant, lequel brusloit en telle sorte pour l'amour de ladite fille, qu'il ne la venoit iamais visiter, sans prendre des pommes, des poires, & autres telles besongnes en passāt par le marché, & les luy ayant apportées; s'appuyoit quelque part ioignāt elle, & là demouroit vn long tēps, tantost la caressant de sa pompe & museau, la luy mettant par fois au dessous du tablier, & par fois sus les mammelles, le plus mignardement & amiablement, qu'il estoit possible. Semblablement d'un dragon; n'aduint-il pas, que comme ledit dragon eust de coustume de se retirer tous les soirs de cachette à la chambre &

au liēt d'vne ieune fille, A Etola, de nom, qu'il
 aymoit merueilleusement, & entrant par les
 pieds entre les draps, se coucher & estendre du
 long de son corps, l'amadouant doucement &
 baisant, apres que les parens aduertiz du fait
 eurent retiré la fille autre part assez loing de là,
 & que le dragon ne peut plus iouyr de sa da-
 me, sinon en fin par force de chercher, qu'il la
 trouua, & entrant au liēt, au lieu de la traicter
 doucement, & la chatouiller cōme de coustume,
 la tormenta merueilleusement, en la battant les
 iâbes de sa queuē, & les luy liant d'icelle estroi-
 tement, toutesfois sans la tuer, ny rendre mala-
 de: cōme si ce eut esté pour l'aduertir qu'elle ne
 le deuoit ainsi tromper, & non pas pour l'en pu-
 nir à la rigueur. Je vous amenerois encore l'e-
 xemple du mouton & de l'oye, qui aymerēt an-
 ciennement en Aegypte, l'vn, vne ieune fille
 musicienne, & l'autre, vn ieune enfant: n'estoit,
 que vous l'auiez (cōme i'estime) ouy dire autre-
 fois, & que voz aureilles sont ia lassées à bon
 droict, d'ouyr tant de narrations. Parquoy ie
 passeray oultre. Or les estourneaux, les cor-
 beaux, & parroquets, n'est-ce chose merueil-
 leuse de la suauité, douceur, & armonie de
 leur chant? comme ils s'appriuoisent & met-
 tent peine d'apprendre ce, qu'ils oyent dire?

Et pour autant que c'est encore plus grande chose d'enseigner les autres, que non pas d'apprendre, estant enseigné: que pourroit-on dire de ce Rossignol, qui (selon qu'escriit Aristote) fut gardé en cage pour apprendre son chant à d'autres oyseaux; & de fait les enseigna en telle sorte, que par apres on les eut pris (les oyant seulement) pour Vrais & naturels Rossignols? Et certes cecy est confirmé par experience: car il est certain, que, si quelque petit oyseau est de ieunesse privé de la compagnée de son pere & mere, il en a le chant de beaucoup plus enroué & farouche, que quand il est tout le temps de sa ieunesse habitant avec eux, instruit de leur propre & naturel chant. car là les petits se delectent d'ouyr leurs meres degoyser, & d'apprendre leur tant delectable musique, non point pour quelque gaing & proffit, mais pour la seule volupté & plaisir, qu'ils prennent à vne tant souëue & recreative harmonie. Et pour vous en donner exemple tres suffisant, ie vous diray en bres ce que i'ay aprins de plusieurs notables personnages, ayans veu l'exemple suyuant. Il y auoit à Rome, en la boutique d'un barbier, vne Pie la plus babillarde, & mieux disante, qu'oques fut veüe, imitant (quand elle vouloit) la voix naturelle des homes & des bestes,

& l'armonie de tous instrumens, sans en oblyer
 vne seule syllabe, ou lettre. Aduint, qu'un iour
 quelque gros & riche milour se faisoit par là
 deuant conduire par ioueurs de hauboyz et cor-
 nets, les plus experts en cet art, qui fussent en
 Rome: & cōme leur mōsieur s'amusast à quel-
 que chose derriere, les musiciens & ioueurs de
 hauboyz, marchans le petit pas deuant, s'amuse-
 rent (pour attendre leur mōsieur) deuant la bou-
 tique du susdit barbier, qui auoit la Pie, & là
 attendans toujours, furent un long temps iou-
 ans plusieurs chansons de musique, & autres
 fantasies assez belles: en fin ils passerent oultre.
 Le lendemain les voysins, qui auoiēt accoustu-
 mé d'estre tous les matins eueillez & reiouy-
 du gent & recreatif babil de ceste Pie, s'esmer-
 ueillerent de ne l'ouyr en aucune sorte, voire
 mesmes son naturel ramage, & en estoient tous
 aussi tristes & pensifs, que s'elle leur eut appar-
 tenu: & disoient d'aucuns, qu'on luy auoit don-
 né du venin: d'autres, que la voyx confuse &
 variable des hauboyz luy auoit estourdy l'e-
 sprit, & fait oblyer ce qu'elle sçauoit tant bien
 dire au parauant. Mais ce n'estoit ny l'un, ny
 l'autre: car de là à trois iours, aussi tost qu'il fit
 iour, & qu'il y eut quelcun arriué deuant la
 boutique du barbier, voicy la Pie, qui commen-

ce non point son chant accoustumé, mais vne musique bien partie, & fournie, comme il failloit, de tous ses accords & consonances, entonnée le plus melodieusement, qu'il estoit possible, & ressemblante du tout aux cornets & hauboyz, qu'on estimoit l'auoir etonnée & gastée. Qui ne iugera, le temps de la taciturnité de ceste beste auoir esté le temps, qu'elle meditoit & apprenoit ce, qu'elle auoit escouté? Mais nous pourrions parauenture donner mauuaise estime de nous, de vouloir prouuer par exemples & histoires tres veritables, que les bestes ont raison, & que par icelle elles approchent de l'homme & de sa vertueuse façon de faire, Veu que par l'autorité de Democrite il est facile de conclure & asseurer, que les hommes ne sont en plusieurs choses que disciples des bestes: comme des airaignes, pour tistre & faire la toyle: des hirondelles, pour edifier: & des Cignes, & rossignols, pour chanter en musique. Oultre plus n'appert-il point, que les trois parties de medicine leur sont communes & apertes? N'a pas la tortue pour medicament, l'origan? la belette, quand elle a mangé le serpent, la rue? les chiens, l'herbe, qui a proprieté de purger la colere? le dragon n'a il pas le fenoil, auquel il se frotte contre le

O iij

mal des yeux? Apres q̃ l'ourse a faoné, et q̃ par le moyē de sa trop lōgue gesine elle s'est rēdue cōstipée & dure du ventre, n'a-elle pas son recours à cette herbe, que nous appellōs Arō? et si quelque vomissemēt la prēd, qui soit trop vehemēt et trop aspre, quelle cōsideratiō brutale (s'elle auoit icelle seulemēt) l'inciteroit d'aller estendre sa lāgue tirée hors la gueule, au dessus d'vne formigie re, et quād elle la voit couuerte entieremēt de formis, la retirer, & en auallāt toutes ces petites bestes, s'ayder & proffiter beaucoup? Les Aegyptiens n'ont-ils pas imité l'oyseau, nommé Ibis, quād ils ont voulu lascher le vētre? Et leurs prestres estiment-ils autre eau propre et nette assez pour se purger & lauer, que celle, ou ils sçaurōt ledit oyseau auoir beu? s'assurans bien iceluy ne toucher, & mesme abhorrer toute eau, qui n'est nette & pure. Et faut entendre au reste, que les bestes (desquelles nous parlōs) ne s'aydent point seulement de medicamens purgatifs, pour euitier maladie, ou la chasser si elle est deia aqoise, mais estimēt aussi la diette quelque grād cas. Les liōs, & les loups, ayās trop mangé, ne māgeront, ny partirōt de leur case & cauerne, que ce, qui les greuoit & rendoit malades par auāt, ne soit cuit & digéré. J'ay plusieurs fois ouy l'histoire d'vn tigre, qui auoit refusé de toucher vn cheureau, lors qu'il faisoit diette, et apres trois iours, auoir

dechiré

dechiré par morceaux vn chat, qu'on luy dona,
& n'y auoir riē laissé. Quāt à la chirurgie, tierce
partie de médecine, les elephans l'entendent trop
mieux, qu'on ne scauroit dire: Ven que (comme
nous auōs iatouché n'agueres) ils arrachēt, avec
vne grāde dextérité & douceur, les fleches des
corps des hōmes, sans les blesser ou endōmager
en aucune sorte. Et les cheures de Crete, se deli-
urans des coups de sagette, & les arrachans de
leurs corps en māgeāt de l'herbe dite diētamme,
n'ont-elles point mōtré aux hōmes, que par l'ap-
plicatiō de cette dite herbe ils pourroiet deliurer
les femmes grosses de leur fruits et enfans? Enco-
re est tout celà peu de cas (cōbien qu'il y ait des
choses emerueillables) si nous montrons (cōme
nous ferōs, dieu aydāt) q̄ la raison est claire es be-
stes, d'autāt qu'elles ne sont priuées de cette tant
excellente partie de mathématique, qui enseigne
à nōbrer. Gnidius Ctesias, auteur ancien, eſcrit,
qu'en la ville, ou Cyrus auoit son tāt braue, tāt ex-
quis, et tant renōmé palais, nōmée Susa, entre le
pays de Perse & de Babylone, y auoit des beufs
deputez pour ordinairement arroser en la saison
les champs. & iardins du Roy, & chaque beuf
n'auoit point accoustumé de traîner plus de cent
vaisseaux pleins d'eau par iour, pour arroser
lesdits champs: apres auoir traîné chacun au-
tant comme i'ay dit, ils se ſcauoient tres bien

retirer, comme ſçachans le nōbre de leur impoſi-
 tiō et charge. Et eſcrit ledit Gnidiuſ, qu'on a taſ-
 ché pluſieurs fois pour plaſiſir, à vouloir faire
 travailler leſdits beufs, outre les cent vaiſſeaux,
 qu'ils auoyent accouſtumé de trainer : mais
 qu'on n'a iamais ſceu venir au bout de ce qu'on
 entreprenoit. Les Africains ne ſe moquent-il
 pas des Aegyptiens, par ce qu'ils diſent, que tou-
 tes leurs chieures regardēt le ſoleil leuant à cha-
 que fois, que l'eſtoille, nommée canis, ſort avec
 le ſoleil en meſme degré? Au reſte, à ſin que nous
 faiſions fin à noſtre narration, il ſuffira, ſi ſeule-
 ment, pour concluſiō, ie demonſtre, qu'entre tou-
 tes les autres vertuz & ſciences, que nous auōs
 ia monſtré eſtre aux beſtes terreſtres, la diuina-
 tiō n'y eſt obliée. car nous ſommes ſouuēt aduer-
 tiz de la pluye par la Corneille, & du beau tēps
 par les hirondelles & papillons. Au ſurplus il
 ſuffiroit pour conclure quelle magnanimité &
 nobleſſe il y a aux oyſeaux, qu'ils ſont tous ap-
 pellez meſſagers des dieux : & que pluſieurs
 Roys & Empereurs ont eſté nommez du nom
 d'oyſeau: cōme Pyrrhus, aigle : Antioche, vau-
 tour. & ſe delectoyent de tels noms: ou au con-
 traire on ne ſçauroit mieux appeller vn ſot, idiot,
 & vn lourd, qu'en luy donnant le nom de poiſ-
 ſon. On pourroit nombrer de conte fait environ
 deux

deux ou trois mille poissons tous diuers: mais d'en trouuer vn seul, ou lon puisse admirer vne prudence, vne iustice, vne seule vertu, il n'en est point de nouuelles. Ils son retirez en vn lieu à part, propre seulement pour eux, cōme sacrileges et infames, n'ayans pour toute subtilité & raison, que quelq̃ petit sens et mouuement: ressemblā plus tost aux bestes prochaines de la mort, qu'aux viues & bien saines. *HERACLE.* Or sus, *Phædime*, de bout, qu'on eueille cet esprit, & qu'on se prepare au cōbat, qui semble iusques à present auoir inclin  du cost  d'*Aristotime*, vostre aduersaire. mōstre  pour l'amour de moy, que uous auez (cōme l  dit) du s g aux vngles. *PH E.* O la tromperie aperte, *Heracleon*! ce gentil ch pi  nous a-il bien sceu preparer embuche? Il s a uoit bien, que nous nous esti s faits hyer au souper per gentils compagnons, & qu'  grand peine nous aurions loysir de dormir seulem t. Toutefois si me garderay-ie (si dieu plaist) de plus delayer ma r sponse: car cel  m'effraye, que dit *Pindare*,

Qui reffuse   combattre, y estant inuit ,

Obscurcist sa vertu, & magnanimit :

Ay t principalem t assez de loysir pour cette heure. Je vous supply donc, messieurs, tres affectueusem t, que vous me don   de vostre grace

et singuliere prudence, l'audiẽce, que vous auez
doné à mon aduersaire iusques à l'heure presen-
te: et ie vous promets sus ma teste, que ne m'amu-
seray (de peur de perdre le temps) à racõter les o-
pinions des anciens philosophes, les fables des
Aegyptiens, ny les incertaines histoyres des In-
diẽs, cõme á fait mõ aduersaire: mais ce seulemẽt,
que tout hõme, hantãt la mer, á peu, & peut en-
core voir del'õeil, approcher des pieds, et toucher
au doigt: iáçoit qu'infinix exẽples des choses di-
uerses nous soyent celées par le moyẽ de la mer, et
qu'il n'y ait rien, qui ne soit patẽt & ouuert es be-
stes terrestres, tãt rares qu'elles puissent estre: qui
fait (à dire la verité) beaucoup cõtre moy, et cõ-
tre le party, que ie tiẽ. Au reste, il est tres diffi-
cile, que les bestes terrestres, habitãs tous les iours
entre les hõmes, n'apprenẽt, bõ gré mal gré elles,
q̃lq̃ chose d'humain, de doux, et de civil. Et tout
ainsi qu'une pleine cruche d'eau douce de fõtaine
peut aisemẽt corriger autãt d'eau de mer, si elle y
est meslée: aussi sẽblablement ne se pourroit faire
en aucune sorte, q̃ les bestes terrestres, qui ont or-
dinãre cõuersatiõ avec les hõmes, n'apprinsent
(tãt soiẽt elles lourdes) quelq̃ chose d'humanité,
& n'imitassent en quelq̃ chose les hõmes, avec
lesquels elles hantẽt iournellemẽt. Quãt aux pois-
sons, celà ne se peut faire, veu la distãce, qu'il y á
entre les hommes & eux: en sorte que tout ce,
qu'ils

qu'ils ôt, ils l'ôt d'eux mesmes et de leur propre nature, & non point frippé d'autrui: cōme certes les Anguilles, q̃ la fontaine d'Arethuse nourrist appriuoysées; & traictables cōme quelq̃ petit pigeõ, qu'õ auroit nourry & apprins: et plusieurs autres poissõs, qui n'ôt point de nō, qui escouttēt, quand on parle à eux: cōme a esté entre autres la Murene de Crassus Romain, qu'il plora ameremēt apres qu'elle fut morte: et comme Domitius son voy sin luy voulut reprocher, qu'il le faisoit beau voir plover pour vne murene: luy, qui montrait bien de sa seule apparēce auoir en luy quelq̃ grād & magnanime courage: Et toy (dit-il) qui as eu trois fēmes, l'vne apres lautre, ne les plouras-tu iamais? Le Crocodile aussi ayāt eū de la voix des prestres Aegyptiēs qui l'appel lēt, s'approche nō seulemēt desdits prestres, et se laisse manier facilēmēt à eux, mais aussi ayāt ouuert sa gueule, leur baille à nettoyer et escurer ses dēts. Philine, hōme de biē, et mō singulier amy racōte auoir veu en Aegypte, (d'ou il est venu n'aguères) vne bōne fēme agée coucher ordinai nemēt avec vn Crocodile, qui ne failloit iamais à se trouuer à l'heure du coucher: et estāstous deux couchez en mesme liēt, s'entr'accoler et ēbrasser comme deux persōnes. Il est aussi escrit de cette mesme beste, q̃ Ptolemée l'appella vn iour par plusieurs fois, et les p̃stres aussi: mais, qlq̃ priere

qu'on luy sceut faire, iamaïs elle ne fit conte de l'entendre, signifiant, comme il apparut apres, le soudain decès & mort dudit Ptolemée. D'où faut conclure, aussi bien que nostre aduersaire, Aristotime, que la diuination n'est nyée aux bestes & animaux aquatiques, non plus qu'aux terrestres. Pour voir outreplus, si leur industrie, astuce, & finesse est moindre, qu'es bestes terrestres: les voit-on s'amuser, ou s'agrasser à quelque pierre & là se laisser prendre à l'aise? point, point: mais au contraire on est le sens & la sagesse de l'asne, qui se laisse prendre au loup? des cigales, qui se laissent tuer aux hirondelles? des abeilles, qui se laissent gormander & saccager dedans leurs mesmes maisons, par l'oyseau, nommé Merops? des serpens, qui ne sçauent resister à l'haleine & souflement du cerf, d'où il est dit en Grec *ἐλαφος*, & nō point pour ce qu'il sçait courir agilement? ô la sagesse grande de la brebis, qui ne sçait comment aduertir le loup de venir, sinon qu'en marchant & courant sec, en sorte qu'encore l'orroit-il, estant sourd! mais le singe ne l'empire pas, qui se met luy mesme es pattes du leopard, par ce qu'il en a senty venir quelque odeur. Au contraire il faut mille & mille sortes de rets, d'hameçsōs, de filets, & nasses pour pouuoir prendre vn seul poisson, tant ils sont fins et aduisez.

adviser pour leur salut & proffit. Si la ligne est trop grosse, ils sont soudainement aduertiz par l'ymbre d'icelle, qu'il n'y fait pas bon, & qu'il y a embuche dressée. Il faut que la soye, ou tient l'hameçon, soit (s'il se peut faire) de la couleur de l'eau, que les nasses soyent couuertes d'herbe, & que les rets ne soyent tissuz trop dru, afin de mieux les tromper: encore le plus souuent se trôpe-lon soy-mesme, et ne préd-on rien. Que si quelque fois le poisson, nommé Labrax, est pris, il demonstre bien, qu'il ne cede en rien à la magnanimité de l'elephant: car il ne cessera iamais de tant tourner & ça & là la teste, iusques à ce qu'il ait elargy la playe, ou se tiët l'hameçon accroché, puis entend nayement la maniere de s'oster du danger, ou il estoit cheu. I'enten bien, que le renard par sa finesse se sçait tres bien garder de la trappelle, ou du collier: mais s'il y est tant soit peu pris, le courage se perd incōtinent, & est plus doux qu'une brebis. Quant à l'amitié & accointāce, il n'est point besoing d'en rien dire, puis que (comme i'estime) vous auez ouy parler du scare: car aussi tost qu'iceluy s'est pris, tous les autres poissons de là autour s'assemblent subitement là, & tous ensemble se mettent en besongne, à qui plus tost aura rongé la corde de soye, qui tient à la ligne: & si en ces entrefaites

quelqu'un de hazard chet en quelque nasse, de laquelle il ne puisse sortir, l'un de la compagnee se met aussi tost la queue au dedans de la nasse, et ayde à tirer son compaignon de prison, l'autre luy prenāt la queue avec les dents, & ensuyvāt son adiuteur. Qu'on me mostre en pareil cas quelque beste terrestre, qui ait accoustumē d'ayder aux autres, lors qu'ils sont prins. Sera-ce le loup, sanglier, l'ours, le lion? rien moins: mais tout au contraire. Car s'il aduient, qu'entre plusieurs d'une compagnee il y en ait seulement un blessé, tous les autres s'en vont incontinent à vau de route, et n'ont garde de retourner en ce lieu de long tēps apres. O quelle amitié! Mais pour toujours venir à l'industrie des poissons, ie suis assuré, que nostre aduersaire mesme sçait bien le bon tour, q̃ le daulphin iouē aux pescheurs, quād ils l'ont pris. Du commencement il fait & montre semblant de n'estre faché d'estre pris, affin de ne donner soing plus grand à ceux, qui l'ont pris, de le bien garder: mais aussi tost qu'il est arriué pres du bord, du premier, ou second effort, qu'il donne, il rompt le filet ou il est, & s'en retourne avec les autres, laissant les pescheurs autant estonnez de telle perte, comme il les auoit fait ioyeux de sa prinse. Or entre vn million de tels exemples, ie n'en puis taire vn de la seche. Elle a vne pe-

tite vessie pendue au col, pleine d'une liqueur fort noire: quand elle sent le pescheur pres, elle vuyde ladite vessie, & d'icelle obscurcist l'eau ou elle est, de peur d'estre veüe: puis ayant ce fait, s'encourt viuement le plus loing de là, qu'elle peut. Mais c'est assez de cela. Regardons la malice du poisson, nommé estoille: d'autant qu'elle sçait tres bien, que tout ce, qu'elle touche, est aussi tost fonda & bruslé, si elle voit les pescheurs, elle ne les daigne fuyr, ains se laisse prendre comme ils veulent: toutesfois ils sont tantost lassez d'une telle prinse, & ne la peuuent assez tost laisser, pour se garder d'estre bruslez. Ce poisson aussi, qui pour son fait est apelté pescheur, n'entend-il point, comme il faut preuoyr à la vie? Aristote escrit, qu'il a (cōme la seche) une petite vessie pendue au col, assez longue, quand il la veut laisser aller & estendre, & petite au cōtraire, quand il la veut retirer au dedans. Ayant faim, il l'estend le plus qu'il peut, & la laisse trainer ioignāt luy nōcha lāment, cōme quelq boudin, faisant semblant de rien: incontinēt une legion de petits poissons s'asemble apres cette vessie, & (n'estimās estre ce q c'est) la becquettēt, pour en arracher qlq sustāce, s'il est possible. Ce pendāt le pescheur la retire peu à peu, le plus lentement qu'il peut. Les petits

poissons, n'apperceuans rien de son fait, poursuivent toujours: mais le pis pour eux est, que, quand ils sont pres de la gueule du pescheur, il vous les engloutist à faison, & ainsi se saoule aux despens des menuz poissons. Or que le Polype s'exempte de danger, en muât de couleur autant de fois comme il change de places, celà est trop cognu, & Theognis aussi en fait mention.

Appren (dit-il) du Polype, à changer
D'opinion, pour euitier danger,

Temporisant le mieux que tu pourras,
Selon le temps, & le lieu, que verras.

Mais quoy? on dira, que le Chameleon le fait bien. Si fait: mais comment? c'est de peur, qu'il a, qu'on ne le tue. Et d'auantage qu'on regarde ce, que Theophraste en dit, & on trouuera, que le changement du Chameleon prouient de l'abondance d'ær, qui est en luy: car (comme dit ledit Theophraste) il a les poulmons tres grâds & amples, occupans quasi tout son corps: coniecturant prudemment par celà, que, puis que les poulmons sont le lieu ou l'ær se purifie, & qu'ils sont fort amples, aussi l'ær est tres copieux, & que par ainsi il luy est facile de se muer & changer en diuerses couleurs. Mais il n'est pas ainsi du polype: ce qu'il fait, ne luy viêt point d'affectiõ quelconque: mais il le fait, quand
bon luy

bon luy semble, toutes les fois, qu'il veult, ou se repaistre, ou se garder d'estre pasture aux autres. Mais c'est merueille, qu'Aristotime nous amene l'herisson, & les grues volans en coing & en poincte, pour demotrer, qu'il y a cognoissance des mutations du temps en ces bestes. Quant à moy, ie n'ameneray point vn herisson, ny deux ou trois, ou quatre exemples de celà: Mais vous proposeray entierement tout autant qu'il y a de poisson en l'eau: lesquels se sçauent tres bien munir de viures, quand ils preuoient la tempeste, & eurent sagement le vent, par le derriere, de peur d'en estre blessez, cherchans pour cette cause de nager contre le vent, afin que par iceluy, s'ils nageoyent autrement, leurs escailles ne soient enleuées, & que par ce moyen le corps n'en ait à souffrir. Encore pense nostre aduersaire nous dire de grands cas, quand il nous fait mention des grues, qui, de peur de trop dormir, ne se reposent iamais, qu'elles n'ayent vne pierre aggraffée en vn pied. Helas, qu'il penseroit auoir bien fait ses besongnes, s'il auoit à faire à quelque despourueu d'esprit! Ie luy voudrois supplier, qu'il me dist, si iamais il n'a ouy parler du dormir du daulphin. S'il a enuye de prendre repos, & de se soulager, pour le trop excessif exercice qu'il a

prins tout le iour, ils se retire là ou l'eau est plus
 profonde, & ayant monté iusques au plus haut,
 s'endort là: & pourtant qu'estant endormy il
 n'a plus de mouuement, il ne cesse de descendre ius
 qu'à ce qu'il ait trouué le fond: là il est esueillé, et
 s'il voyt, qu'il n'ait assez dormy, il s'en remonte
 encore ou il estoit monté la premiere fois, &
 continuë ainsi son sommeil iusques à tant qu'il se
 sente satisfait. Que se pourröt iacter les grues a-
 uoir d'auantage? Voy-là quant à ce point: quant à
 l'arithmetique, qui la nyera aux poissons? pre-
 mierement ie demande à quiconque a voulu es-
 prouuer ce que ie pretens dire, si le commun or-
 dre d'aller des poissons n'est point composé en for-
 me cubique, ou il y ait six costez de tel ordre con-
 struits, que quiconque en aura veu vn & conté,
 il ne puisse aisement iuger de toute la multitude,
 veu que les costez sont egaux entre eux, la lar-
 geur à la loqueur, et la loqueur à la profondeur?
 De vouloir conter tous ceux, qui vôt ainsi en as-
 semblées, ce seroit chose trop longue. Venons d'oc-
 au commun viure: Et parlons en premier lieu
 du poisson, nommé Pinnotheras: à la description
 duquel Chrisippe a tant vsé de papier & d'an-
 cre. Pinnotheras dōques est de l'espece des chan-
 cres, qui ne va iamais, qu'e la cōpagnée d'vn au-
 tre poissō, nommé Pinna, semblable à vne grosse
 huytre,

huytre, & luy assiste en telle sorte, qu'il en acquiert sa vie. Car Pinna, ayant ouvert ses deux coquilles, y laisse entrer tels & tant de poissons, qu'il en y veult entrer. Pinnotheras d'autre costé, qui voyt, estant là aupres, comme vn archier, tout ce qui entre sous les coquilles, en ayant veu entrer quelque grande quantité, se mesle avec eux: estant entré avec les autres, il poingt Pinna en telle sorte, qu'il luy donne à cognoistre estre temps de serrer ses coquilles: ce qu'elle fait aussi tost. Lors tous deux iouissent de la proye prise par moytié, & estans ainsi refaits, se promènent tous deux ensemble, sans iamais se laisser l'un l'autre. L'esponge, que d'aucuns estiment estre chose morte & sans sang (mais à tort) en fait tout autant: car estant comme clouée & collée à quelque pierre, elle attend que quelque provision se vienne inserer en elle, & lors on la voit facilement se retirer & serrer en soy mesme. Mais ceux, qui la veulent prendre, en scauroient bien que dire, qui la voyët adonc de beaucoup plus fort s'aggraffer & serrer cõtre la pierre ou elle est posée, qu'elle les sent là venux pour sa destruction et ruine. L'amytié n'est pas moindre entre les pourpres: mais s'on cõsidere celle du Crocodile enuers

l'oyseau *Trochilus*, on sera du tout estonné, ayant contemplé la malice, mauuaistié, enuye, & malignité, delaquelle il est de sa nature doué & remply. *Trochilus* en Latin, & en François *Roytelet*, est vn petit oyseau hantant les marets & riuieres. Iceluy ayme tres ardemment le *Crocodile*, en sorte que, quand il le voit dormir, & son ennemy mortel *Ichneumon* s'approcher pour luy faire la guerre, il s'en vole incontinent sus luy, & en le becquetant par tous costez fait tant, qu'il l'euille, pour se donner garde de sa partie aduerse. Et puis l'ayant eueillé, s'en vole au dedans de sa gueule, qu'il luy ouure, & luy cure les dents le plus doucement, qu'il est possible: en fin quand le *Crocodile* est las de telle chere, il aduertist, en baissant la teste, le *Roytelet*, qu'il est temps de sortir: toutesfois si ne le contreint-il iamais de faire, qu'il ne plaise au *Roytelet* de s'en voler de son bon gré. Le poisson, qu'on nomme *Gouverneur*, est-il indigne d'estre loué, puis que la *Baleine* ne va en aucune part, qu'iceluy ne soit comme son laquet & fourrier? En sorte que, soit on esguif, ou brigantin, ou nauire, qui se trouue deuant elle, rien n'est espargné, qui ne soit rué bas: bref, quelque poisson, qui se rencontre,

tre, il est aussi tost deuoré : le seul Gouverneur est retenu pour amy : il court avec elle, il l'accompagne au veiller, il ne l'abandonne au dormir, il luy est fidele voisin en tous temps & à toutes heures. Au contraire, plusieurs se sont gettez, sans y penser, en terre seche, par faute dudit gouverneur : & me souuient à moymesme en auoir veu vne, qui, s'estant à l'improuiste gettée sus l'herbe, d'ou elle ne se peut par apres partir ny remüer en aucune sorte, demeurera là morte & pourrie, si qu'il en aduint vne grande peste. Ce que ie dy, a esté veu en l'isle d'Anticyre. Que pourra-lon donques comparer à cette tant singuliere amytie & familiarité, qui est entre les poissons ? Ie n'ignore point ce, que dit Aristote, à sçauoir que le Renard & le serpent s'entrayment : mais la raison est claire : ils ont tous deux vn mesme ennemy, à sçauoir, l'aigle. Entre le cheual aussi & la chouëtte y a quelque accointance : qui est-ce qui le nye ? mais c'est par mesme cause. On m'amenera tant qu'on voudra, l'ordre & regime domestique des formis & des mouches à miel : Mais qu'on me montre vn seul de tous les animaux de la terre, qui prenne soing pour vn autre son compagnon : on ne le sçauoit faire. Ce qui s'est deia veu en ceux de l'eau,

& verra encore (si dieu plaist) si nous com-
 mençons à la generation d'iceux. Premiere-
 ment donc c'est vne chose tres notoire, que
 tous les poissons marins, qui habitent es lieux
 prochains des riuieres & eaux douces, se re-
 tirent en icelles, & laissent la mer au temps
 qu'ils sont prests de faire leurs petits: & ce,
 pour trois raisons: la premiere, d'autant que
 la tranquillité y est plus grande: la secon-
 de, par ce qu'estant moins salée & plus dou-
 ce elle est plus propre pour les petits ius-
 qu'à ce qu'ils soyent plus grands: la tierce,
 pour autant qu'il y a moins de serpens & d'au-
 tres bestes venimeuses, qu'en l'eau salée. Au-
 surplus c'est chose merueilleuse du poisson, dit
 Anthias, qu'Homere appelle Sacré, com-
 bien qu'aucuns prennent en ce lieu le mot de
 Sacré, pour grand, comme l'os *sacrum*, pour
 dire gros & grand os, & le mal sacré, qu'on
 appelle à present de saint Iehan, pour le grand
 & haut mal: mais de celà c'est tout vn:
 d'autres l'appellent Sacré, par ce qu'au lieu, ou
 il habite, ne se trouue iamais serpent ny au-
 tre beste dangereuse, soit ou pour ce qu'elles
 l'ont en horreur & le craignent comme fait
 le lion le coq, & l'elephant le porceau: ou
 pour quelque autre raison occulte: pour le moins

les pescheurs d'esponges y nagent en seureté, depuis qu'ils en sont aduertiz. Quoy que ce soit, quand les pescheurs ont pris ce poisson, ils couronnent leurs nasselles de belle herbe verte & de delectables fleurs, puis passent la journée à rive, à boire, à danser, à iouër, à faire grande chere, & à mener la meilleure vie qu'ils peuvent inuenter. Qui pourroit assez exalter le poisson, nommé en Grec Galeos, & en François Belette marine, pour l'amitié paternelle & filiale, & pour le Zele admirable, qui est en luy? ou pourroit-on encore trouuer son semblable en tout l'vniuers? La mere premierement fait des œufs, lesquels toutesfois elle ne pond & gette hors du ventre, comme les gelines, mais les garde au dedans, pour mieux s'en asseurer. Vn peu apres elle engendre des petits poissons de ses œufs, & garde le tout quelque temps au dedans du corps, sans rien mettre en lumiere. Apres qu'ils sont quelque peu aagez, elle leur permet de sortir, & de se iouër aupres d'elle: quand ils sont las ou affamez, elle leur pare la gueule, & tous rentrent l'un apres l'autre d'ou ils estoient sortiz, & ayans là pris & leur repos & leur rese-

Et lors, s'en sortent de rechef, pour puis apres rentrer : continuans cette mesme dance iusques à ce qu'ils soient plus aagez & mieux four-niz, pour se contregarder, & pour se chercher viures. Quelle inestimable affection est cette là ? Semblable soing est en la tortue de ces pe-tits : car venu le temps qu'elle veut faire ses œufs, elle sort de la mer non pas beaucoup loing, & pond les œufs, qu'elle a deliberé, sur le sablon en assez haut lieu : puis ce fait, les cou-ure du plus menu sablon & plus subtile poul-dre, qu'elle peut trouuer. Les ayant ainsi cou-uerts, elle monte au dessus, & se tourne le ven-tre en haut au mylieu des œufs, affin qu'elle puisse plus aisement, ou son masle, trouuer le lieu, estant signé de son test & couuerture, ou il y a certaine effigie engrauee de nature.

Après quarante iours, qui est le temps deu-pour espelir les œufs, on la verroit venir son petit pas, & ayant trouué le lieu, où gisent ses œufs par son cachet. imprimé au dessus, com-mencé à les espelir & traiçter en telle sorte, qu'il n'y a auaricieux plus attentif à conter ses deniers & à reuoir ses papiers & obliger, qu'est cette petite beste à ordonner son petit train, & mettre ordre aux affaires de sa fa-mille

mille & maison. La prouidence du crocodile est aussi, quant à ce point, la plus esmerueillable, qu'est possible: Car il bastist son nid en aussi haut lieu, sus quelque montagne, qu'il prenoit le Nil pouuoir atteindre en se desbordant, en telle mediocrité toutesfois, que son nid soit couuert d'eau, & que luy, estant dedans, ne le soit aucunement. Parquoy les bonnes gens de village, ayans trouué iceluy nid, selon qu'ils le trouuent haut, s'en vont crier à leurs voy sins, & les aduertir de l'impetueux desbordement du Nil. Au reste si le premier nay du crocodile, & celuy, qui sort premier de l'œuf, ne prend, pour son viure, aussi tost qu'il a veu le iour, ce qui premierement se montre deuant luy, comme mouche, airaigne, ver, poisson, ou de l'herbe verte, il est aussi tost estranglé de sa mere, comme nonchalant & paresseux: & ceux au contraire, qui se portent bien quant à ce fait, sont amignardez & cheriz. Le beuf de mer fait semblablement ses petits en lieu sec, mais quand ils sont grandelets, il les meine goustier de l'eau de la mer, puis les rameine au nid, & tous les iours continuë ainsi, iusques à ce qu'il les voit s'esgayer sus le bord & se delester à y nager. Mais que fay-ie? Que ne laisse-ie & les tortues, & les crocodiles, & les

beufs de mer, pour ni'amuser à depaindre quelques proprietex de l'Halcyon, oyseau marin, que tout homme ayme, reuere, & louë iournellement & à bon droit? A l'enfantement de Latone, grosse de deux iumeaux, bastards de Iupiter, il s'est seulement trouué vne seule isle, qui se soit voulu decourrir, pour retirer ladite femme grosse. Mais c'est bien autre chose d'Halcyon: car durant sa gesine toute la mer entierement s'appaise de ses flots impetueux, & de sa tourmente espouëtable, donnant par l'espace de sept iours entiers, qu'il fait ses petits, toute seureté audit Halcyon, & à tous mariniers, pour l'amour de luy. Que si nous voulons examiner de plus pres les autres dons vertueux qu'il a, nous trouuerons premierement, que contre la nature de tous autres animaux, il habite avec sa femelle en toute saison de l'année, non point pour vne chaleur extraordinaire & salacité qui soit en luy, ny qu'il n'ait affaire à d'autres qu'à sa compagne, mais pour la singuliere & indicible amytié qu'il luy porte. Aussi pour recompense, luy estant vieil, elle luy assiste en tout lieu, & ne l'abandonne iamais, ains le porte sus ses espaules, & luy distribue & accoustre ses necessitez iusques à la mort. Elle en apres, se sentant proche de faire sa

re sa couvée, se construiēt vn nid & edifice de tel esprit, que celui de l'hirondelle est moins que rien, au pris de cetuy là. Elle prend des aïrestes de poissons, des longues, des courtes, des grosses, des deliées, des droictes, & des courbées: puis de tout celà, entrelassant l'vne avec l'autre, les vnes du lōg, & les autres du trauers, fait vn nid d'vn incroyable artifice à qui ne l'auroit veu, en forme d'vne petite nauire, qu'elle met (apres l'auoir tissū) au lieu ou frappe le flot, affin qu'il s'endurcisse & fortifie par ce moyen: finalement le laisse enleuer par le flot, & se met dedans pour faire ses œufs. Encore y a-il d'auantage: car oultre ce, que ce petit edifice est exempt de pouuoir ny verser ny enfoncer, quelque accident qui s'offre, et quelque charge qu'il porte, il y a aussi vne petite fenestre faite de telle industrie, qu'il est impossible entierement à toute autre beste, d'y pouuoir entrer, non pas mesme l'eau, fors à ce seul oyseau Halcyon. La chose est grande & merueilleuse: mais plusieurs, qui l'ont aussi biē veüe que moy, me peuuent dementir, s'il n'est ainsi. Bref, me souuenant de cette tant excellente maison, ie ne me puis garder d'escrier, me souuenant de l'autel ancien de Diane, qui a esté nombré entre les merueilles du monde:

DE L'INDUSTRIE

L'autel de Diane excellent

Me frappe d'admiration.

Mais ie chante bien autrement,

Quand ie pense au nid d'Halcyon.

Au reste, quāt à la musique, Pindare demontre assez par tous ses vers, si les daulphins n'en sont point amateurs, & si par celà ils n'en sont point plus aymez des dieux.

Le son (dit-il) de la fluste entonnée

A du Daulphin la voye destournée.

Neantmoins ie dirois plus tost que c'est cette tāt reclamée humanité, qui est en eux, qui les fait aymen des dieux, q̄ non pas l'amour de musique. Car de toutes les bestes le daulphin est seul, qui ayme l'homme, pour cette seule & particuliere raison, qu'il est hōme. Le chien, le cheual, la brebis, l'elephant l'ayment aussi: mais ie vous pry, n'est-ce pas d'autant qu'ils en sont nourriz? Ce qui se prouue par celà, que, si autre, que de la maison ou sera le chien, s'en approche, il n'est nō plus cognu pour amy, qu'vn autre chien: et ainsi des autres. Comme des hirondelles, qui pour tout seur n'aymeroient, ny feroient semblant d'hantier les hommes, sans le bien, qu'elles en reçoynent: car elles sont & hebergées en leurs chambres & maisons, & receuēs aussi pour y bastir. Mais de toutes telles causes aucune ne se scan-
roit

voit attribuer aux daulphins. Ils ayment l'homme, mais sans en esperer recompense. Et pour le prouuer s'est deia plusieurs fois trouue, qu'ils ne l'ont point seulement aymer, mais aussi secouru et ayde au besoing. Qui est celuy, ie vous pry, qui n'ait ouy plusieurs fois parler de l'exẽple d'Arion? Aristotime nous pense dire de grands cas, quand il nous amene le fait du chien d'Hesiodẽ, qui, par force de saulter & abbayer, enseigna les meurdriers de son maistre: mais qu'est-ce que seulement abbayer, & sans aucune autre vaillance auoir descouuert lesdits meurdriers? Il faillloit faire mention des daulphins, qui, voyans vne fois vn homme mort estre agitẽ des vndes desordonnement, s'entr'ayderent tellement l'vn l'autre, qu'ils le rendirent en terre ferme, pour pitiẽ qu'ils en auoyent, au promontoire, nommẽ Rhium, en Achaye. Enalus aussi, qui (pour suyure la fille de Phinẽe, son amoureuse, que les Amphitrites auoyent noyẽe, se getta en pleine mer comme furibond, (fut-il pas sauũ par les daulphins, qui le mirent à bord? Myrtilẽ Lesbien est l'auteur. Mais qui est la langue tant disertẽ, qui pourroit raconter, & dignement exalter cet amour ardant d'vn daulphin enuers ce ieune enfant Iassensien? qui tous les iours ne faillloit iamais de l'attẽdre, pour se iouẽr et nager avec

luy, & pour se laisser manier en toutes sortes?
 voire et qui le laissoit mōter sur luy pour le por-
 ter ou bon luy sembloit le guider, encore que plu-
 sieurs citoyens de la ville, assistans sus le riva-
 ge, regardassent le tout? Et qui, quelque tēps a-
 pres (comme par la fureur des vndes & de la
 tempeste, qui s'estlea sus l'heure, l'enfant cheut,
 & se feust noyé) fit tant & de la quenē & de
 tout le corps, qu'il le rendist sus l'herbe, puis luy
 mesme de grand force se getta apres, & ne vou-
 lut iamaïs partir de dessus la terre, auant que
 mourir, afin de se punir premicrement de la fai-
 te commise, & d'estre aussi compagnon à son
 grand amy, aussi bien en la mort, qu'en la vie?
 Ce que ie dy, n'est point fable: car vous pouuez
 encore au iourd'huy voir la mōnoye des Iassen-
 siens, en laquelle est engraué vn daulphin &
 vn ieune enfant dessus, pour memoire de la pi-
 toyable calamité, qui aduint lors. Et de là à
 prins origine la fable de Ceran, qui (pour auoir
 laissé aller, et getté en la mer q̃lques daulphins,
 qu'il auoir vn iour achetez avec d'autres pois-
 sons, de quelques pescheurs) fut de là à peu de
 temps sauué desdits daulphins, bien que tous
 ses compagnōs furent submergez par la tempe-
 ste, qui auoit enfoncé leur nauire. Le lieu est en-
 core au iourd'huy nommé la cauerne de Ceran:

Et ce distique aussi, composé par Archiloque, se list ordinairement de tous.

De cinquante, Ceran, par le vueil de Neptune,
A seul esté exempt de la mort importune.

Long temps apres, que ledit Ceran fut mort,
Et que ses parens Et alliez estoient assemblez
au pres du bord de la mer, pour ses funeraillez,
Et pour le mettre au feu, selon la coustume, il
est testifié, que lors plusieurs daulphins s'apparurent
là aupres, la teste leuée, au dessus de l'eau,
qui n'en partirent (quelques choses qu'on sceust faire)
que tout le seruice funebre ne fust paracheué,
en sorte qu'un chacun iugeoit aisement,
qu'ils auoyent desir de faire compagnee à ses obseques.
Oultreplus Crithée baille la raison,
pour laquelle Vlisses portoit, sus s^{on} bouclier,
vn daulphin engraue: Et raconte, qu'une fois
Thelemaque, son fils, se iouant pres le riuage
de la mer, se laissa par cas fortuit cheoir dedans:
mais qu'aussi tost il fut deliuré Et mis à sauueté
par vn daulphin. Parquoy le pere (en recompense
du bienfait) fit depuis, Et sus ses armes,
Et sus ses bagues Et anneaux, grauer vn daulphin.
Mais d'autant (messieurs les assistans)
que i'auoyz promis n'amener fables pour la
confirmation de mon dire, Et que toutesfois
ne sçay comment ie suis cheu, Et me suis seruy

DE L'INDUSTRIE

de celle de Ceran, & d'Ulysses, ie me condamne
 moy mesme, & m'offre souffrir peine deuë à ma
 transgression. **A R I S T.** C'est maintenant à
 vous (messieurs les arbitres) de iuger, qui a le
 meilleur, ou Phædime, ou moy. Je n'ay confort,
 qu'en vostre sagesse, & meur iugemēt. **S O C L.**
 Il nous semble certes il y a ia long temps, que
 (comme dit Sophocle)

Vostre parler, qui n'estoit qu'un discord
 Ne sera plus qu'un mutuel accord:
 Finissant la dispute, que nous auions mise sus, en
 vous attendant, Autobule & moy, cōtre ceux,
 qui nyent la raison aux bestes. Parquoy allez
 en paix. Le dieu, tout bõ, & tout puissant, vous
 vueille continuër sa grace en voz estudes.

F I N.

ἀπαράχῃ δὲ δὴ.



